

**NATIONAL ASSEMBLY OF  
SEYCHELLES**

*Tuesday 29<sup>th</sup> November, 2022*

*The Assembly met at 9.03am*

*National Anthem*

*Moment of Reflection*

*Mr Speaker in the Chair*

**MINISTRY OF INVESTMENT,  
ENTREPRENEURSHIP AND  
INDUSTRY**

**MR DEPUTY SPEAKER**

Bonzour tou Manm Onorab, travayer Manm Lasanble Nasyonal e tou Manm piblik ki pe swiv travay Lasanble Nasyonal pou sa Mardi 29 Novanm. Ozordi nou kontinyen avek Staz Komite lo *Appropriation Bill, 2023*.

E ozordi nou pe pran bann antite ki pe tonm anba Minister Lenvestisman, Lantreprenarya ek Lendistri. Nou ava demann *parliamentary reporter* pou al sers Minis avek son delegasyon silvouple. E antretan nou ava met Lasanble dan Staz Komite.

Donk nou ava *welcome* delegasyon sorti kot Minister Lenvestisman, Lantreprenarya ek Lendistri avek nou ozordi bomaten. Delegasyon i dirize

par Minis Devika Vidot e sa ki avek li pe akonpany li Sekreter Prensipal Mr Michael Nalletamby, Ms Shierley Marie ki *Senior Accountant*, Ms Selma Joubert ki *Human Resource and Budget Management Officer*.

E kot Minister Finans ozordi bomaten nou annan Ms Astride Tamatave ki *Comptroller General* e Ms Terryll Adrienne ki *Senior Finance Analyst*. Bidze pou *Ministry of Investment, Entrepreneurship and Industry* i lo paz 521 a 527 e son alokasyon bidzeter i R16milyon 356mil.

Nou ava envit Minis Vidot pou fer lentrodiksyon avan ki bann Manm a ganny loportinite pou demann kestyon. *Minister*.

**MINISTER DEVIKA VIDOT**

Mersi Mr Chair. Bonzour Mr Chair, tou Manm Onorab e tou dimoun ki a lekout. Pandan lannen 2022 Minister Lenvestisman, Lantreprenarya e Lendistri in kontiny son demars pou amelyor lanvironnman pou ankouraz devlopman e loperasyon biznes dan pei.

Bidze pou, pou *portfolio* sa Minister ki enkli bann Lazans tel ki *ESA, SLA, IEA, SIB, SBS* pou lannen 2023 i pou en total R144.13milyon. Bidze in ogmant par 5poursan

pou en valer R7.2milyon konpare avek alokasyon Bidze pou lannen 2022 ki ti R136.14milyon. Sa logmantasyon i vize ver finansman bann diferan proze ki *portfolio* pou antreprann an 2023.

Bidze ki pe ganny propoze pou Minister li menm i pou en sonm R16.3milyon. Sa i reprezant en logmantasyon anviron 23poursan, konpare avek Bidze pou lannen 2022 ki ti pou en sonm 13.3milyon.

Sa logmantasyon i reflekte pa selman en logmantasyon baze lo *salary review*, me i osi fer provizyon pou devlopman;

Nou *investment portal* ouswa platform nimerik pou fasilite fer biznes, pou *setup* fondasyon nasyonal pou resers pou pei, Bidze pou *overseas travel* pou fasilite depasman bann anplwaye pou asiste bann rankont ofisyel aletranze, finansman pou anplifye resours pou nou sant *business, technology incubator* ki'n fek lanse ofisyelman o milye sa mwan; pou nou met an mars plan aksyon retire lo nou plan stratezi nasyonal pou plan e lezot ankor.

Avan fini Mr Chair permet mon poudir en gran mersi pou tou bann ki'n travay avek nou tre pros pandan

lannen 2022;- tou bann *MNAs*, tou bann *staff* Lasanble Nasyonal, *DAs* bann Lazans Gouvernman, manm piblik e pli enportan sekter prive ki'n kontinyen donn nou zot sipor ek korperasyon. Nou swete ki sa kolaborasyon i kontinyen dan lespri pou fer grandi Sesel.

Avek sa lentrodiksyon zeneral, mon demann laprouvasyon Lasanble pou sa Minister pou lannen 2023. Mersi.

### **MR DEPUTY SPEAKER**

Mersi *Minister*. Aprezan nou pou ouver lasal pou kestyon e *MNA* Takamaka in fer sir ki premye lo lalis. Onorab Mondon.

### **HON TERENCE MONDON**

Mersi Mr Chair. Bonzour Minis avek ou delegasyon. Mon premye kestyon i relye avek lata 3. Kot zot dir i en nouvo linisyativ se pou devlop en *portal* lenvestisman, avek bi moderniz kad, kad lenvestisman ki pou osi fasilite *the ease of doing business*.

En provizyon 544mil in ganny fer pou sa linisyativ anba *minor capital*. Mon kestyon, eski Minis i kapab donn nou en pe plis detay lo sa linisyativ e dir aköz zot *target* an relasyon avek lakantite zour ki pou konmans en

biznes, i reste o pou lannen 2023?

Par egzanp nou war ki i pran 25 zour e zot met en target 25 zour pou 2023 tandis ki sif aktyel pou 2021 i 26 zour.

Mon dezyenm kestyon Mr Chairman i relye avek latab 7 kot zot in prezant zot target pou ogmant itilizasyon lasyans, teknolozi e inovasyon dan sekter priyoriter.

Enn bann endikater se *stem-based activities* oubyen bann klib SCI - setadir bann klib baze lo lasyans, teknolozi inovasyon dan bann lekol. E mon war ki zot target pou 2023 i selman 4 aktivite oubyen klib ki pou formen.

Mon kestyon anvi lenportans linisyativ pou diverzans nou lekonomi, eski Minis i kapab dir nou aköz sa limitasyon dan zot target? Eski i en problem mendev oubyen i en mank kolaborasyon e sipor pou devlop en kiltir resers teknolozi e inovasyon, ki labaz pou en tel devlopman? Mersi Mr Chair.

### **MR DEPUTY SPEAKER**

Mersi pou sa de kestyon Onorab. *Panel*.

### **MINISTER DEVIKA VIDOT**

Mersi Mr Chair. Mersi Onorab pou ou bann kestyon. Plis detay lo sa *investment portal*

ouswa sa platform nimerik ki pou ed fasilite fer biznes;- sa wi i sipoze ede redwir lakantite zour ki i pran pou konmans en, en biznes. Pou le moman nou'n gard nou target plizoumwen menm parey, aköz nou rekonnèt ki nou pou bezwen letan nou'n lans sa platform, nou pou bezwen pas atraver en staz *testing*.

So i pou annan parey nenport ki, nenport ki loperasyon ouswa okenn *software* ki pe met li an plas. Alors i annan sa, sa peryod letan lenplimantasyon kot i bezwen rektifye bann problem ki ou pou fer fas avek lo konmansman. So se pou sa rezon ki nou'n gard li la.

En lot rezon se aköz pou rezistre ouswa *incorporate* en biznes, sa eleman in osi ganny li met an konsiderasyon e pou sa nou pa ankor kapab zwenn li - zwenn sistenm Rezistrar ansanm avek nou sistenm *portal*.

Se pou sa rezon ki nou bezwen esper ki Rezistrar zot kapab digilize zot prosedir pou nou kapab vremen kapab war sa, sa rediksyon lo letan. Aköz pou le moman en bonpe letan i ganny pran pou anrezistre ou biznes ouswa ou lakonpanyen plizoumwen ou lakonpanyen kot *Registrar of Companies*. So se sa rezon ki

nou'n gard sa target plizoumwenn parey.

Kestyon an se ki konsern *STI* - bann klib dan lekòl, nou'n mentenir li lo 4 - sa i akòz nou pe travay avek Minister Ledikasyon pou zot *take over* sa linisyativ. Alor ki nou pou fer, se ki nou relye tou sa bann linisyativ avek Minister Ledikasyon e nou, nou anvi ki zot enkorpor sa dan zot *curriculum*.

Savedir nou anvi ki lasyans, teknolozi ek inovasyon, i pa zis vin en keksoz ki bann zanfan i fer dan en klib apre ler lekòl. Ouswa sa ki nou apel dan bann *extra-curricular activities*. Nou anvi ki sa i ganny entegre pandan ler lekòl.

E alor i pou vin en keksoz ki i pou nepli vin en keksoz abnormal ouswa en keksoz adisyonnèl ki zanfan i fer. Me plito i pou ganny enkorpor pandan zot lazournen lekòl - pandan lasemenn lekòl e sa i ava vin en labitid. Mersi.

### **MR DEPUTY SPEAKER**

Mersi *Minister*. Mon a donn laparol prezan Onorab Woodcock.

### **HON WAVEL WOODCOCK**

Mersi Mr Chairman. Bonzour Minis ek ou delegasyon, tou Manm e tou dimoun a lekout. Minis mon premye kestyon i lo

*ease of doing business*; - annefe 2018 nou ti 96<sup>enm</sup> e nou ti desann pou vin 100<sup>enm</sup> lo *Ease of doing business* 2019.

E *currently* si mon pa tronpe nou ankor 100<sup>enm</sup>. E mon konnen pandan sa letan *Covid* in difisil pou nou petet *improve* lo nou *ranking*. Me selman an se moman la en pti pe si ou kapab donn nou en pe detay, ki ou Minister pe fer pou *improve ease of doing business* sa Sesel?

E dezyennman dan ou *current challenges* ou'n fer resorti ou koz lo *availability and affordability creating space for MSEs* ki enn ou bann *challenges*.

Mon rapel ti annan sa program *One District One Project* sa i sirtou pou bann *MSMEs*, kot plan ti pou idantifye bann lespas dan sak bann distrik, ouswa par rezyon, pou devlop en proze pou bann *SMEs*. Mon kestyon i ki zistans ou'n arive avek sa demars? Eski zot in nobou idantifye bann lespas dan plizyer distrik?

E si i annan travay ki'n konmanse deza dan, dan plizyer bann distrik lo Mahe, Praslin e La Digue? Mersi.

### **MR DEPUTY SPEAKER**

Mersi Onorab pou sa de kestyon. *Panel?*

### **MINISTER DEVIKA VIDOT**

Mersi Mr Chair. Mersi Onorab pou ou bann kestasyon. Lo kote *ease of doing business* parey ou rekonnèt sa *survey* li menm pou le moman pa pe ganny antreprann. Zot in met en poz lo la. Me selman nou pe touzour travay pou nou kapab amelyor lanvironnman biznes e fasilite fer keksoz dan lanvironnman biznes. Nou'n *focus* lo *digitalization* konman enn nou stratezi, pou nou kapab *improve* lakantite letan ki pran pou fer biznes.

SLA in etabli son *online portal* pli boner sa lannen. SIB sa semenn ki pe vini i pe konmans enplimant son platform nimerik li osi lo son kote, kot i pou aksepte bann, bann proze atraver son sistenm.

Sa i apel en sistenm CRM – (*customer relationship management*) ki zot, zot in fini met an plas. Sa semenn zot pou konmans zot pou *run* avek e pandan mwan ki pe vini zot ava fer le nesese pou averti manm piblik.

Nou pe touzour pandan lannen nou annan en Komite ki'n *setup* ki apel *the Policy Review Committee*. E dan sa Komite i asiz tou bann departman respektiv - par egzantp Minister Lasante, Minister Lanvironnman, Minister Tourizm.

E nou diskite bann fason pou amelyor, ouswa pou

*improve* lo lakantite letan ki i pran pou *process* laplikasyon, ouswa pou diskite lafason ki i *streamline* bann prosedir.

Nou'n travay lo *streamlining renewal* pou *license* kontrakter nou pe revwar bann *license requirements* pou *license* kontrakter. Nou'n fer sa travay pou bann oditer avek *Registrar of Companies* kot nou pe war ki mannyer nou kapab retir bann eleman kot bann oditer i bezwen al kot *Registrar of Companies* pou zot ganny *approval* avan retourn kot SLA.

Lo kote *self-catering - guest house* bann letablisman touris sa osi nou'n asiz avek Minister Tourizm. Me zot sipoze pe fer diskisyon pou revwar zot bann prosedir, pou nou kapab redwir sa kantite letan ki i pran pou nou kapab ganny en *license*.

Lo kote *cottage business between SLA, Public Health Authority* espesyalman, nou'n asize nou war ki mannyer pou *streamline* e redwir sa bann *requirements* ki ganny mete lo bann biznes, ki pe fer zot bann aktivite kot lakour.

Dantis, dokter sa osi nou'n fer konversasyon. Nou'n fer diskisyon avek *Council Lasante* pou zot war ki mannyer nou kapab redwir sa kantite letan e fer keksoz pli fasil.

Byensir tou dernyerman nou'n lans sa ki nou apel bann *Ease of Doing Business campaign*, kot nou pe averti manm piblik ki okenn dimoun ki pe ganny difikilte pou zot fer biznes pou kontakte Minister atraver *email address eodb@gov.sc* ouswa pou *call 4325942* e zot ava kapab ganny soutyen neserer.

E nou pe fer sa avek le bi pou anmas otan lenformasyon posib pou nou kapab prezant devan sa bann Lazans konsernen, pou nou prezant zot avek bann fe baze lo statistik ki nou annan, keksoz ki pe arive ozordi dan lanvironnman biznes. Pou ki zot kapab presipit en pti pe lafason ki zot pe fer zot demars pou revwar zot bann prosedir entern.

So sa en pti pe lo *ease of doing business* sa ki nou pe fer lokal, domestik. An plis ki sa atraver korperasyon *MOU* ki nou'n sinyen avek *UAE*, ou'n bezwen antann dan nouvel, nou pe osi war ki mannyer nou pou kapab - *UAE* pou kapab asiste Sesel, pou war zisteman sa bann paramet ki sa *World Bank Index* i abitye swiv pou, pou li donn en *ranking* avek sak pei.

E alor la nou, nou partner avek enn bann Lazans - *UAE* - pou zot partaz ek nou zot leksperyans, partaz ek nou zot lekspertiz pou nou kapab

swiv nou osi pou, pou nou kapab *improve* lo nou kote.

An se ki konsern *One District One Project* nou pou elabor lo la si avek ou permisyon Mr Chair, letan *IEA* i antre i vin fer son deliberasyon pli tar dan lazournen.

### **MR DEPUTY SPEAKER**

Mersi. Nou ava bouz lo prosen entervenans Onorab Loze.

### **HON JOHAN LOZE**

Mersi Mr Speaker. Mr Speaker mon bezwen pou Minis se, mon pe gete lo en pwennvi Polisi kekyon diversifikasyon lekonomi *Minister*. Mon pe gete si ki zistans ou'n arive? Si ou annan ase *funding*.

E si ou pou santi ou pou bezwen plis finansman pou apport en *proper* diversifikasyon lekonomi, parey ou ti'n *set out* pou fer a *few months ago*? Mersi Mr Chair.

### **MR DEPUTY SPEAKER**

Mersi Onorab. *Panel?*

### **MINISTER DEVIKA VIDOT**

Mersi Mr Chair. Mersi Onorab pou ou bann kekyon. Onorab pou sa larzan diversifikasyon, nou pe ganny siporte par Minister Finans pou, pou osi fer sa. Parey ou pou war taler letan *SIB* pou prezant son

Bidze, kot alokasyon son Bidze in ganny en logmantasyon 43poursan zisteman pou nou kapab siport sa azanda.

Savedir pou le moman mon panse ki nou annan ase resours, pou nou kapab pou sa pouse pou sa azanda. Mersi.

### **MR DEPUTY SPEAKER**

Mersi *Minister*. Nou ava kriy Onorab Vidot.

### **HON AUDREY VIDOT**

Mersi Mr Chair. Bonzour Mr Chair. Bonzour Minis avek ou delegasyon, tou Manm Onorab e tou Manm piblik ki a lekout. Mon kestyon pou Minis dan zot *current challenges*, mon'n war zot in met '*availability and affordable operating space*' pou bann *SMSEs* en?

Mon ti pe regarde, petet dan zot Bidze pou program 1 avek 2 lo kote ladministrasyon osi zot Polisi - prosedir petet an term kantite letan fer distrik konpran? Par egzanp si i annan en lenvestiser in apros zot Minister pou en devlopman dan zot distrik en *investment*.

E zot in fer li an partenarya pou lyez ek distrik ek Minister. Me letan sa dyalog in ganny fer, sa dimoun in fini ekrir zot me pou *get back* avek lotorite distrik sa letan ki zot travay petet lo *case* sa dimoun, kantite letan zot

pran pou donn en *feedback* lo sa investiser osi - petet Lotorite Distrik pou konnen vremen si sa dimoun pou kalifye pou fer serten devlopman dan sa distrik?

Si ou kapab eklersi sa pou mon Minis. Mersi.

### **MR DEPUTY SPEAKER**

Mersi Onorab. *Panel?*

### **MINISTER DEVIKA VIDOT**

Mersi Mr Chair. Mersi Onorab pou ou kestyon. Parey ou konnen lespas ouswa later i touzour, touzour an demann parske i napa ase pou nou kapab satisfere sa demann. E byensir avek Gouvernman li i fer provizyon later ouswa lespas lo en to pli abordab.

Parske i *subsidies* sa bann *rates* ki i met *available* sa lespas ouswa sa later. E alor ki fer a tou moman bann biznes zot prefere pou zot esey rod en fasilite avek Gouvernman, avan ki zot al ver prive.

E se sa *challenge* ki nou gannyen bokou aköz tou dimoun i vin premye kot Gouvernman. E si i annan en proze, ouswa i annan en lenvestiser ki anvi fer en proze dan distrik, normalman nou pou met zot an partenarya - i tou depan lo ki departman - nou pou met zot swa an partenarya avek *SIB* oubyen avek *ESA*.

E normalman lo nou kote e la mon ava koz de la par *SIB*, nou pou reponn zot dan en fason parske nou annan nou bann *service standards* ki nou swiv.

E pli tar *CEO SIB* i kapab donn zot sa sif egzakt lo lakantite zour, me selman mon konnen poudir nou repons - parske nou, nou met bokou lanfaz lo la - i pou enn ki vreman vit.

Kot nou fer fas ek difikilte se plizoumwen avek bann lezot Lazans, parske nou bezwen atann zot larepons osi. E se sa souvandfwa kot nou ganny bokou, bokou retar. Parey zot konnen *ease of doing business* i en keksoz ki konsern tou Lazans dan Gouvernman.

E se pou sa rezon ki nou pli gran *challenge* se pou redi tou sa bann Minister pou met zot dan sa leta lespri parey nou, nou ladan, kot nou met kliyan premye, kot nou met sekter prive premye, pou zot ganny en konpran poudir i enportan pou nou donn en larepons vitman. So se sa bann *challenge* ki nou gannyen. Mersi.

### **MR DEPUTY SPEAKER**

Mersi *Minister*. Mon ava aprezan kriy Onorab William.

### **HON WAVEN WILLIAM**

Mersi Mr Chair. Bonzour tou dimoun ki a lekout. Bonzour

Minis avek ou delegasyon. Mr Chairman mon anvi apport latansyon Minis, anba *current challenges bullet point 5 and 7* - Minis an menm tan mon pe regard *table 5* avek *7* konsernan performans. Mon le felisit ou Minister premyerman pou pandan sa 2an pou bann travay ki zot in fer. Mon konnen i pa'n fasil.

E pou bann keksoz ki zot in vin, vin zwenn. Mon konnen poudir tou dimoun ti ava swete ki enta keksoz i ganny fer en sel kou, me i pa posib aköz limitasyon resours. Me an menm tan mon pe regarde, bann *challenges* ki zot pe fer fas avek, i bann *challenges* ki depi oparavan nou'n kontinyelman met lanfaz lo la - koz lo la.

Sirtou sa bann korperasyon avek atraver bann *MDAs* ki pou kapab permet ou Minister fonksyon parey i ti a voudre. So pou en Manm Parlman ki pe swivre - konmsi oule mezire - fer sa *oversight* - konmsi kwa vreman ki ou annan lentansyon fer - ou Minis i annan lentansyon fer?

Akoz ki arive se ki si nou anvi donn sa *push* - e mon dakor avek ou nou bezwen pe bouz dan menm direksyon e *on the same wavelength* pou nou kapab pran bann desizyon. So mon anvi konnen ki bann keksoz adisyonnal, ki



ou krwar poudir ou Minister i bezwen fer ?

An menm tan letan mon pe regard dezyenmman Mr Chairman, lo kote apresyasyon pou teknolozi. I annan en bonpe zenn deor la ki vin devan avek bann nouvo lide, me selman ou war poudir bann dimoun ki dan service *provider*, zot pa pe konpran ouswa zot pa *on the same page* ki sa bann zenn ki'n bouz vreman pli devan.

So mon santi poudir, i annan sa nesesite pou sinerzi petet avek bann sekter prive ki donn sa bann kalite servis. So ki ou anvizaze fer pou vreman donn sa *push* akoz i annan potansyel me sa push antre tou bann *MDA* i manke? Mersi.

### **MR DEPUTY SPEAKER**

Mersi pou sa kestyon. *Panel*.

### **MINISTER DEVIKA VIDOT**

Mersi Mr Chair. Mersi Onorab pou ou bann kestyon. Bon letan nou ti konmanse o debi lannen nou ti konmans for avek sa *Policy Review Committee* ki mon'n fer referans avek.

Sa ti en Komite ki zisteman nou ti pou regroup tou bann *MDAs* pou nou kapab war Polisi e regarde ki mannyer pou *streamline* li. E nou'n fer sa pandan preske en lannen antye e mon pa'n

satisfes avek progres, ki larepons ki bann *MDAs* ouswa lavites ki zot, zot pe bouze.

Se pou sa rezon ki nou'n lans mwan pase - ouswa si tar dan mwan Oktob, nou'n lans sa *Ease of Doing Business campaign*. E sa stratezi - savedir nou'n deside pou nou fer en sanzman dan stratezi, kot nou pe plito la al anver sekter prive pou nou ranmas statistik e lenformasyon direk.

Koumsa nou a kapab etabli letan nou met devan sa bann *MDAs*, *MDAs* i pou bann *cases* bann *real life cases*, ki dizon zot pou kapab war an term statistik tou bann *figures* e bann *cases* ki bann dimoun pe fer fas avek *in real time*.

E sa i ava donn zot sa *push* mon pe espere, pou zot kapab bouze e fer sa sanzman dan zot bann Polisi - prosedir. Akoz i nou, nou'n war poudir sa *top down approach*, kot letan nou pe revwar Polisi lo en nivo anler, i pa pe mars efikas.

Se pou sa rezon ki nou'n deside alor pou nou konmans anba, *gather* tou nou lenformasyon konkret e la prezan nou a kapab *drive* sa *process* from anba. So mon ava ankouraz tou dimoun ki pe fer okenn pe fer fas avek okenn difikilte pou zot pran kontak avek nou atraver *email address* avek limero telefonn, ki mon ti mansyonnen pli boner.

An se ki konsern bann lespri bann zenn e zot bann nide ki zot in vin avek ;- tou resaman nou'n fek lans sa ki nou apel nou *incubator*. E sa *incubator* se zisteman en *framework*, ouswa en sistenm ki nou met an plas, kot bann zenn avek bann lide inovativ.

I annan bokou zenn ki reve dan Sesel - i annan bokou zenn ki annan en kantite lide formidab, me selman zot napa en landrwa pou zot devlop sa bann lide. E alors sa i pou en striktir kot zot pou kapab ganny sa bann formasyon atraver en program bann *mentors* avek bann *advisors*, ki pou la pou donn zot sa sipor - zot pou swiv en program kordinen.

E la zot ava kapab parey nou dir regarde kwa ki'n byen, kwa ki mal avek zot bann lide e sa bann dimoun i ava donn zot sa gidans apropiye, pou zot kapab devlop sa lide e fer li vin en lide ki vin en biznes ki komersyalize ki vyab e ki ava larg zot lanmen. Mersi.

#### **MR DEPUTY SPEAKER**

Mersi *Minister*. Ou annan *follow-up* ?

#### **HON WAVEN WILLIAM**

Mr Chair, Minis in fer en lenformasyon sorti ki vremen enportan. Sirtou pou bann dimoun ki pe ganny problem pou zot kapab konmans zot

biznes. Konmsi sa bann lenformasyon kontak si i posib pou kapab *air* lo televizyon detrwa fwa, ki dimoun a konpran.

Akoz i annan en bonpe dimoun deor la pe fer fas avek difikilte, pou zot kapab vremen bouze. Mersi.

#### **MR DEPUTY SPEAKER**

Mersi Onorab. *Minister*.

#### **MINISTER DEVIKA VIDOT**

Mersi Mr Chair. Onorab nou ti'n lans en kanpany ti annan lo televizyon bann lavertisman, me selman nou pou kontinyen avek pandan byensir ziska lafen lannen e pandan lannen ki konmanse nou pou fer sir poudir nou, nou kontinyen fer avertisman lo la.

E an plis mon ankouraz bann dimoun osi pou swiv nou lo rezo sosyal lo nou *Facebook page* nou, nou *Instagram*, zot pou kapab ganny sa bann kontak lo la. Mersi.

#### **MR DEPUTY SPEAKER**

Mersi *Minister*. Onorab Aglae?

#### **HON EGBERT AGLAE**

Mersi Mr Chair. Bonzour Minis ek *PS* e *panel*. Mon premye kestyon mon anba program 3 Minis '*science and technology innovation* 'an vi ki'n in annan sa, sa *merger* sa

antite ki'n tonm anba ou Minister resaman.

I annan en *rental* zis donn mon en pti pe *increase* 78 pou vin 720, mon ti a kontan konnen kote zot ete osi, akoz vi ki zot in bouze zot in sorti dan zot lokasyon la Bel Ombre avan, kote zot ete?

Dezyenm Minis, ou'n koz en pti gin kot i konsern *SMSEs* e mon ti a kontan petet demann ou Minis - petet akoz ou bann *challenges* osi ou pe fer poudir i annan mansyon i annan bann baryer, kot i konsern bann *micro, medium and small enterprise*.

So baze lo sa, petet ki program zot pe mazin met an plas - an term lankadreman mon pe koze la - pou kapab rezourd sa kantite demann ki annan, sirtou kot i konsern bann *spaces*? Sa i enn, *ok*?

E osi kalite sipor - akoz ozordi mon konnen *ESA* i annan en rol ki li i zwe, me selman difikilte avek bann lide inovasyon ki vin devan ozordi, sa bann *Startup Scheme* ki deza egziste, i pa ase pou kapab *kick-start* bokou sa bann lide.

So ki zot pe mazin fer - zot pe mazin avek dan en fason ankadre pou kapab ganny en *way forward*, sirtou avek sa bann ki annan bann *case* pou *innovate*? Mersi.

### **MR DEPUTY SPEAKER**

Mersi Onorab. *Panel*?

### **MINISTER DEVIKA VIDOT**

Mersi Mr Chair. Mersi Onorab pou ou bann keston. Lokasyon Divizyon Lasyans Teknolozi e Inovasyon i baze dan menm *building* avek biro Minister;-saverdir biro kot mon lofis i ete. Nou *Oliaji Trade Center* 3enm *floor*.

E sa nou'n fer li dan lespri kot nou pe anmenn laplipar ouswa avek lespri pou anmenn tou dimoun ansanm. E nou, nou espekte - nou swete ki avek letan, tou bann Lazans Minister i kapab ganny sitye dan en menm lokasyon. Selman nou bezwen konmans koumsa.

An sa ki konsern bann baryer, oubyen bann *challenges* ki bann mikro, pti e mwayen antrepriz i fer fas avek;- Onorab si ou ti swiv nouvel tou resaman, pandan Lasemenn Entreprenarya nou ti lans nou stratezi nasyonal pou lantreprenarya.

E sa in ed nou formil en plan kordinen pou nou kapab zisteman ankadre lanvironnman lantreprenarya dan Sesel. E *capture* bann *startups* ziska bann deza dan biznes, ki zot anv akseler zot biznes - nou apel sa bann *accelerators* - pou nou kapab *capture* sa bann. Tou sa bann biznes ki pe seye dan en fason ou en lot dan agrandi.

E byensir nou'n, nou'n met bokou zefor dan lafason ki fer sa stratezi. Nou'n fer bokou konsiltasyon avek sekter prive, alor nou espere ki sa plan i enn ki pou tous zot dan en fason ki vreman, vreman kordinen - vreman spesifik e ki i ava fer sa diferans.

Bon, an se ki konsern met bann lide an aplikasyon, mon'n fek fer referans avek sa *Scheme incubator* ouswa sa sistenm *incubator* ki nou'n met an plas. Me nou pe al plis ki sa. I annan sa *Seed Capital Grant* ki Minister i travay lo la tou le lannen.

E sa i en fason pou bann zenn espesyalman bann *startups* pou zot kapab *apply* e ganny en finansman pou zot konmans zot biznes. E nou'n ogmant - nou'n aranz sa *Scheme* - nou'n ogmant lakantite larzan ki zot in met kapab benefisyé sorti 50mil pou ariv 200mil.

Savedir sa i pou donn zot en pe plis fleksibilite, ouswa plis resours pou zot kapab konmans zot biznes. E sa nou ti war letan sa *Scheme* ti pe *allow* zis 50mil, nou ti war poudir *pretty much* i pa ti pe les zot fer bokou.

E alor ti annan nesosite pou zot ogmant sa. Me selman i pa pe zis les sa bann zenn ouswa bann biznes zot tousel. An menm tan nou pe akonpanyi zot dan sa sistenm

*incubator* - dan sa program - kot zot pou kapab alor servi sa larzan, ganny sa *mentorship*, ganny sa gidans dan en fason byen kordinen - dan en fason striktire - ki ava ogmant sa probabilite ki zot sa biznes ki zot al ladan i vin en sikse.

E byensir apre i annan bokou lezot linisyativ ki nou kontinyen fer. Nou kontinyen ganny sansibilizasyon, nou kontinyen ankouraz biznes. Mersi.

### **MR DEPUTY SPEAKER**

Ou annan klarifikasyon Onorab?

### **HON EGBERT AGLAE**

Minis mersi pou ou larepons. Minis mon pou retourn lo ou *rental*, vi ki ou'n dir mon poudir zot dan menm *building*. Mon le petet en leklersisman zot a dir mon an term aköz mon pe konpar sa de sonm.

Ou Minister ki pe ganny R16milyon par lannen ou pe pey zis en *rental* 433mil. Pou Lasyans, Teknolozi i annan en Bidze forse 4.8milyon mon pa konnen zot *staffing*, me selman son *rental* li i pli o 600 i pe al mont 720mil la.

Petet eklersi mwan an term lespas petet kwa - petet i annan keksoz - lekkipman - mon pa konnen, mon mazine ou Minister ki annan plis *staff* pou *house compared to* Lasyans. So donn mon en pti

pe leklersisman pou mon kapab konpran rezondet sa de kalite *rental*? Mersi.

**MR DEPUTY SPEAKER**

Mersi Onorab. *Panel?*

**MINISTER DEVIKA VIDOT**

Mersi Mr Chair. Mr Chair avek ou permisyon mon ava les zofisye *accounts* reponn sa enn. Mersi.

**SENIOR ACCOUNTANT SHIERLEY MARIE**

Mersi Mr Chair. Mersi Onorab pou ou kestyon. Kot *DSTI* li nou pe pey li son *rental* i 59mil989.75 par mwan. Si ou miltipliy li par 12mwan i egzakteman sa sonm ki'n ganny mete la.

Konpare avek lofis kot Sekretarya Minis, li son *rental* li i 36mil081.25 - si ou miltipliy li par 12 i egzakteman son lespas ki li i pe okipe. Mersi Mr Chair.

**MR DEPUTY SPEAKER**

Mersi. Ou annan en?

**HON EGBERT AGLAE**

*It's not my intention to dwell on that.* Ou pa pe konpran mwan. Akoz i annan de *DSTI building*, selman akoz i annan de *rates of rental*? Sa ki mon anvi konpran. Petet li son lespas i pli gran *I don't know* - zot ki bezwen dir nou, an term *square area*.

Vi ki Minis mon'n dir ou, ou annan en Bidze pli gro, petet ou annan plis *staff* - mon pa konnen. So li konman en pti antite 4.6milyon pou sa lannen, selman son Bidze *rental* i pli gro, se sa ki mon anvi konpran *what's the difference*?

**MR DEPUTY SPEAKER**

Ok si zot kapab dir li an term lespas. *Minister.*

**MINISTER DEVIKA VIDOT**

Ok mersi Mr Chair. Pou klarifye an term, an term lespas, epi mon ava demann en pe plis klarifikasyon pli spesifik osi ki zofisye *accounts* i ava donn ankor. Mon Sekretarya i baze lo 4enm *floor* e i en pli pti lespas avek konpare avek lespas ki divizyon *STI* i okipe.

E zot, zot 3enm *floor* savedir zot *occupy* en pli gran lespas ki kot mwan. Mon ava zis pas laparol avek mon zofisye *HR*. Mersi.

**HR SELMA JOUBERT**

Bonzour Mr Chair. *MNA* mersi pou kestyon. Parey Minis in eksplike li i baze lo 4enm letaz *building* e lofis i definitivman pli pti anvi ki zot annan osi zis 3 *staff*. Ler ou pe desann lo 3enm letaz, ou war de *wing* en kote i okipe par Divizyon Lasyans, Teknolozi ek Inovasyon ki an se moman i

annan 8 *staff*. E zot osi gard zot bann lekiman robotik. So zot definitivman bezwen enpe plis lespas.

E *on another wing* kekfwa dan program 2 ou pou trouve, ladministrasyon - resours imen. E osi nou annan en divizyon ki baze *on another wing*, li osi lespas i en pti pe pli menm parey avek en divizyon.

So nou disperse aneefe an 4 landrwa. Nou lofis nou PS i *Independence House*, so 4 diferan landrwa. Mersi.

### **MR DEPUTY SPEAKER**

Savedir an term *square meter* sa lot divizyon i bokou pli gran, sanmenm sa ki i en pe pli ser? *Ok* mersi. Onorab Gill?

### **HON CHURCHILL GILL**

Mersi Mr Chair. Bonzour Minis ek ou delegasyon. Bonzour tou Manm tou dimoun a lekout. Minis donnen lenportans ou Minister an term aktivite ekonomik, ki sa Minister i sipoze pouse pou anmas plis reveni.

Anba ou *current challenges* boulet 4, ou'n mansyonn *FDI* me selman ki mon oule eklersi avek ou se, sa bann *FDI* ler i vini i annan zot, zot vin ek zot *investment in terms of financing*.

Me selman mon aprann poudir i annan bann *FDI* ki vini, me selman zot rod *financing* avek nou labank lokal, sa pou bann sonm ase konsekan. E prezan sa dan li menm i fer ki *investors* lokal, ki ler li i apros labank pou sa bann sonm parey sa bann serten *FDI* i gannyen, zot ganny serten difikilte.

Eski sa i en keksoz ki ou Minister pe mazin get en kou, war ki pe pase ladan e ki fason ki en *balance* ki kapab *strike* la ant sa *direct investment* ki pe pran nou larzan ek nou labank lokal, avek nou Seselwa.

Dezyenm, son vis versa;- nou annan osi Seselwa ki anvi fer bann gro investment - pa dan nivo *MSME* - me selman *financing* lokal i en gro *challenge*. Eski ou Minister i an diskisyon avek serten landrwa swa dan larezyon, oubyen nivo mondyal, kot ou pe sey fer fason kot bann *investors* Seselwa, i a kapab ganny serten koneksyon pou zot kapab realiz sa bann sonm larzan ki zot anvi investir?

E sa i a fer ki dan plas nou pe pous zis *MSME*, nou a kapab osi bann *businessman* ki anvi al bokou pli gro, zot ava annan en landrwa pou zot kapab al tap laport pou zot ganny sa bann larzan pou zot *invest*? Mersi.

### **MR DEPUTY SPEAKER**

Mersi Onorab. De keştyon la – en pe parey *Cable and Wireless* in fer. *Ok, panel?*

### **MINISTER DEVIKA VIDOT**

Mersi Mr Chair. Mersi Onorab pou ou bann keştyon. Byensir akse avek finansman, i reste enn bann *challenges* ki bann biznes i fer fas avek e byensir nou pe zet en regar tre pros lo la.

E ki Minister i a pe sey fer an se ki konsern sa; -premyerman nou, nou fer sir -ouswa nou pe sey nou mye pou ki nou etabli byen kontak avek bann labank Komersyal e osi avek labank *DBS*.

Sa i enportan aköz nou bezwen, nou bezwen war nou dan en sityasyon ouswa dan en pozisyon kot nou ganny lenformasyon dan en fason vitman. Dan en fason kot nou ganny kolaborasyon sa bann labank pou zot partaz serten lenformasyon avek nou, ki pou ed nou zisteman pou nou kapab pran bann desizyon Polisi.

So limero 1, i enportan pou ou ganny lenformasyon, pou ou kapab konnen ki direksyon pou bouz ladan. Sa i enn. E dan sa demars sa Minister, nou'n an kontak avek bann reprezantan labank Komersyal, zisteman nou ti fer en rankont avek zot apepre en 2 ouswa en 3 semenn pase, pou nou regarde e kwa ki bann

*challenges* ki zot, zot pe fer fas lo zot kote, ouswa kwa ki bann kwa ki zot, zot pe observe lo zot kote, ki anpes zot pou donn finansman bann dimoun.

Parske lo nou kote nou bann biznes zot eksplik nou poudir zot ganny difikilte pou zot ganny finansman. So...

E letan ou koz ek bann labank zot eksplik ou poudir dan mazorite letan se sa bann proze ki vin devan zot, i pa donn zot ase sa konfidans pou zot kapab *disburse* sa *loan* pou zot asiste.

E zot annan - zot in war dan zot leksperyans poudir dan serten ka sa bann dimoun zot pa'n fer ase resers, ouswa zot proze i pa ase solid ouswa lour, pou kapab konvenk labank pou donn zot sa finansman.

Me selman si ou koz avek ou bann biznes, ou war poudir i annan en kantite ki annan en *track record*, ensidswit. Me labank li i touzour ...

E biznes i dir ou poudir labank zot en pti pe retisan, letan bann nouvo aktivite biznes ki i ganny met devan zot, alor labank zot en pe pli zot favoritiz en pti pe plis bann aktivite tradisyannel. Alor ou ganny de kote zistwar.

So rol ki Minister i zwe se ki nou antre dan milye e nou pe sey kordin sa de konversasyon, pou nou war kot nou kapab *bridge* sa gap.

E zisteman nou'n war pou bann *startups incubator* i pou en fason pou nou kapab fer sa, avek bann lide inovativ kot ou kapab met li dan sa sistenm.

E la sa bann *startups* ava ganny gidans apropiye pou zot fer tou - depouy zot lide antyerman e petet *by the time* pou zot kapab ganny finansman, al rod finansman laba kot labank, zot ava'n kapab ganny en *business model* ki bokou pli eleve ki sa enn ki zot ti konmans avek avan. So sa i en fason kot nou pe ale.

E an plis ki sa atraver sa korperasyon ki nou pe annan avek labank. La par egzanp nou annan bann proze ki Gouvernman pe al met an plas - parey ou konn byen i annan sa Kato Nwanr Onorab Baie Ste Anne. E nou osi annan *Waterfront*.

So sa i de proze kot nou anvizaze prezant li avek labank, koumsa nou a kapab donn sipor bann investiser konman Gouvernman, ki labank i ava war ki sa proze i ete li menm.

Savedir nou, nou pou fer sa lo nou kote. Nou pou prezante nou pou eksplike. E pou ki letan sa bann investiser i vin kot zot, zot pou ganny sa rekonmans for poudir e zot konnen kwa ki sa proze - sa devlopman *will be*

*about*. So nou espere ki sa i ava fasilite keksoz.

Me an plis ki sa nou'n osi konmans konversasyon avek labank enternasyonal, kot nou'n regarde si i annan fason pou zot osi kapab antre donn sipor.

So si i ariv en pwen kot nou pou bezwen rod sa sipor, i annan serten fasilite ki bann labank enternasyonal i kapab *offer* en sipor swa atraver *DBS*, ouswa menm avek sa bann labank Komersyal through parey nou dir en *line of credit*, kot zot kapab siport sa bann labank Komersyal Sesel pou redwir son risk dan serten sans.

Koumsa i ava ed zot sa bann labank pou zot kapab *disburse* larzan e donn *loan* en pti pe pli fasilman, nou bann lenvestisman lokal.

### **MR DEPUTY SPEAKER**

Mersi *Minister*. Onorab ou annan klarifikasyon.

### **HON CHURCHILL GILL**

Mersi Minis pou ou larepons byen detaye. Mon dernyen pwen se sa sityasyon labank lokal, avek nou bann investiser lokal i en problem ki i pa pou ganny rezourd 100poursan li. I kler ki sa pou la pou en pe letan. Serten nou bann investiser lokal i a ganny sans ganny finansman. Me i



pou toultan annan en pe ki zot, zot, zot pa pou gannyen.

Prezan sa bout enternasyonal ki ou'n fer sorti, mon krwar sa dan plas petet nou espere ki mannyer nou pase avek labank lokal, mon krwar nou devret *pursue* sa negosyasyon pou fer sa *readily available*. Koumsa ler sa bann ki pa ganny ek lokal, sa opsyon i deza lo la pou nou al konmans negosye ki ler zot, zot in bite laba.

So mon ti a sizere ki nou, nou konmans sa, dan en mannyer ki sa osi i ava pare *parallel* avek *local bank*. Mersi.

#### **MR DEPUTY SPEAKER**

Mersi Onorab. Mon krwar sizesyon ki *Panel* i note. Nou ava aprezan kriy Onorab Ernesta.

#### **HON PAUL ERNESTA**

Mersi Mr Chair. Minis ek ou delegasyon, bann koleg Onorab e tou dimoun a lekout, bonzour. Mr Chair mon kestyon i annan pou fer avek *sub program 1* - mon'n war en alokasyon 300mil pou *housing*, petet Minis ti a kapab donn en lesplikasyon kwa sa?

E apre anba *program 2* i annan en 150mil osi ki'n ganny *allocate*, in konmans lo 150mil apre in desann 2024 - 100 avek 2025 - 100mil li osi - *local consultancy*. Petet ti ava

bon si nou ganny en pe plis lesplikasyon lo la kwa sa *local consultancy*, si i annan en lakonpanyen spesifik ki pe ganny sa Kontra? Petet en pe plis detay lo la? Mersi Mr Chair.

#### **MR DEPUTY SPEAKER**

Mersi Onorab. *Local consultancy* avek *housing - panel*?

#### **MINISTER DEVIKA VIDOT**

Mersi Mr Chair. Mersi Onorab pou ou kestyon. Onorab sa 300mil *housing*, sa i ale avek *housing* pou mwan menm, parske sa i tonm anba Bidze sekirite e sa i tonm anba Bidze sekirite.

Mon napa en lakaz, mon napa en bout later e alor provizyon pou fer sekirite. Gouvernman in fer sa swa pou plito met mon dan en *secured housing accommodation as oppose to ...*

Parske *otherwise* zot ti pou *build* en stasyon sekirite lo en bout later ki mon napa. So se sa ki mon pe ganny provizyon pou *housing*. Lo kote *local consultancy* mon ava pas laparol avek *HR Admin* i ava donn detay. Mersi.

#### **MR DEPUTY SPEAKER**

Mersi. *Proceed*.

#### **HR SELMA JOUBERT**

Mersi Mr Chair. *MNA* pou kestyon. Lo kote *consultancy* sa i an relasyon avek nou plan travay pou bann lannen ki pe vini. Zis pou nonm enn, - i annan pou fer avek provizyon in ganny fer pou finans devlopman en *term of reference*, pou *the Investment Act Review* ki nou espekte i debite lannen 2023. E i en travay ki pou kontinyel. So provizyon in ganny fer pou kontiny sa travay pou bann lannen ki pe ... Mersi.

**MR DEPUTY SPEAKER**

Mersi. Ou annan klarifikasyon Onorab. Donn li *mick* silvouple.

**HON PAUL ERNESTA**

Mersi Mr Chair. Premyerman mon'n demann lo *consultancy* si i annan en *private firm* ki pe ganny *deal* avek ouswa i annan en group dimoun endividi? Enn. Apre lo kote *housing* - si mon konpran ladan si ou pe kalkil sa 300mil i fer 25mil *by* par mwan, ki sa ki sipoze pou bann *allowance* Minis.

Me Minis osi in koz sekirite konmsi tousala i antre ladan ouswa i ganny i annan en lot zafer apar? En pe plis lesplikasyon lo la?

**MR DEPUTY SPEAKER**

Mersi Onorab. Minis oule klarifye sa pou Onorab?

**MINISTER DEVIKA VIDOT**

Mersi Mr Chair. Tousala i enkorpoze ladan Onorab setou ki nou fer provizyon. Mon ava pas laparol avek Selma *for consultancy*. *Thank you*.

**MR DEPUTY SPEAKER**

I le klarifikasyon lo sa *consultancy*.

**HR SELMA JOUBERT**

Mr Chair. Msye *MNA*. Provizyon in ganny fer pou le moman nou pa ankor idantifye en dimoun or en konpanyen prive bann *previous* konsiltasyon ki nou'n fer en pe dan menm laliny. Mersi.

**MR DEPUTY SPEAKER**

Mersi. Onorab Andre.

**HON CLIFFORD ANDRE**

*Ok* la mon'n pez li for la.

**MR DEPUTY SPEAKER**

Wi sa ki fodre nou fer pez for.

**HON CLIFFORD ANDRE**

*Ok* sanmenm ki mon pe al demande en kestyon for la. Minis bonzour, ou delegasyon. Bonzour Manm Lasanble. Bonzour bann dimoun ki pe ekoute spesyalman zabitan Anse Aux Pins.

Minis ti annan en *proposal* dan lefase pou annan *PPP* avek Minister Lendistri -lenvestisman ki

tonm anba ou *portfolio*. Ou konnen Anse Aux Pins nou'n ganny *deprive* sa loportinite akoz nou ti annan Ile Soleil ti enn bann promes ki ti ganny mete devan bann zabitan.

E bann zabitan i kontinyelman vin demann mwan kan zot pou ganny en lespas pou fer zot pti biznes, ki nou war pa pe arive. Nou ti gete anba ansyen Gouvernman ladministrasyon, nou ti al get sa sit la deryer kot *bus stop* i ete.

Kot ti apel lakres laba e ti annan serten program ki ti pe ganny planifye. So dir nou si sa program i ankour oubyen si in ganny met lo *hold*. E kan ki zabitan Anse Aux Pins i kapab bann ki enterese pou war en *PPP*, akoz i annan dimoun ki enterese pou vin *PPP* avek Gouvernman, pou fer sa bann lenfrastruktir pou, pou nou zabitan. Sa i premye?

Dezyenm Minis, mon konnen nou'n ganny en konversasyon resaman lo sa size. Me selman ler mon pe get dan ou *budget estimate* dan ou *strategic priorities* parey Onorab Gill in dir, *current challenges* en referans avek *FDI 'through involvement in the mini-international regional or bilateral arrangements from the investment perspectives' - priorities* pou 2023-2025 pou annan *'modernized investment*

*framework in Seychelles facilitate sustainable diversification of the economy through the development of industries and promote ...'* ensidswit.

Letan nou pe get lo program ki ou annan program 2 Polisi *planning* avek *MNE and MIS* mon war ki ou Bidze in desann. Mon en pti pe dezapwente lo sa konteks akoz mon mazine letan ou pou annan bann Polisi bann *planning*.

Annefe i pou bezwen pran en *upward trend in terms of budget*, pou kapab annan *effective* met an plas sa bann Polisi sa bann *planning*. So akoz i annan sa *decrease* e par lefe ki ou Minister i enn ki promot lenvestisman dan tou sekter e tou dimoun ler i vin kot ou avan atraver *SIB*, selman mon pe demann li lo pwennvi Minister akoz ou Minister ki la.

Eski ou pa krwar oubyen i pa ti ava fezab ki ou Minister i ganny en pe plis *portfolio* later lendistri? Akoz se sa ki pe met en pe retar dan diversifikasyon lekonomi. Akoz i annan bokou lide ki vini, be sa bann proze i bezwen annan lespas pou zot kapab *operate*. Alors ki pe ganny fer dan sa konteks, pou fer sir ki bann lenvestisman diversifikasyon lekonomi i vin

efikas non pas zis lo papye?  
Mersi.

**MR DEPUTY SPEAKER**

Mersi. I annan kestyon spesifik lo Anse Aux Pins apre enn lo diversifikasyon ekonomik. Mersi.

**MINISTER DEVIKA VIDOT**

Mersi Mr Chair. Mersi Onorab pou ou bann kestyon. An se ki konsern *PPP*, mon pou tous lo la en pti pe taler dan deliberasyon *IEA*. Me selman vi ki sa kestyon i kontinyelman monte, petet mon a zis donn en pti *overview*.

Lo kote *PPP*, retar ki nou'n gannyen se aköz nou ti pe atann sa Lalwa ki sipoze travay lo la pou zisteman ariv devan Lasanble. Me sa pa'n kapab materyalize. Set alor pou sa rezon ki sa, ki nou'n ganny en pe retar.

Me ki nou'n fer antretan, se ki nou'n travay lo de proze pilot lo de distrik. E ou ava kapab ganny bokou plis detay pli taler avek *CEO Collie* - ki *CEO* pou *IEA*, i ava donn nou en pti pe plis lo demars ki'n ganny fer.

Me selman nou pe sey debourye lo nou menm an paralel avek pandan sa Lalwa pe travay lo la. Koumsa keksoz - e nou pe travay etrwatman avek Minister Finans koumsa nou, nou ava kontinyelman konmans bouze

kantmenm Lalwa pa ankor pare. An se ki konsern nou sa sanzman ouswa sa *decrease* dan Bidze, mon ava les zofisye *accounts* reponn.

Mon ava al lo alokasyon later pou lendistri;- wi Onorab definitivman nou bezwen plis later pou lendistri. E parey ou konnen later konble e plat ki pli aksesib pou ed lendistri devlope. Tou - laplipar later konble, son proksimite avek por avek Erport i ideal.

E lokasyon sa bann later i fason mannyer later i ete, i fer provizyon pou ki bann *containers* i kapab ariv lo later pli fasil. Zot pa bezwen mont dan en montanny eksetera, eksetera.

Alor later konble i nou, nou swa No. 1 enn pou develop lendistri. Me selman parey ou kapab konstate, i annan later konble ki pe ganny - ouswa i annan plan pou fer lakaz osi.

So la nou pou annan en konversasyon ki nou pe fer avek Minister Later, pou nou regarde kot nou pou kapab ki mannyer nou pou *strike* en *balance*, pou kapab donn fer en alokasyon avek Minister Lendistri.

E an menm tan selman deservi sa bann bezwen lakaz so sa i en konversasyon ki nou pe fer avek Minister Later. Mersi.

**MR DEPUTY SPEAKER**

Mersi *Minister*. Nou a pas laparol avek - Pa ankor fini? Wi, lot *finalist* ki pou reponn ou kestasyon.

**SENIOR ACCOUNTANT SHIERLEY MARIE**

Mersi Mr Chair. Mersi Onorab pou ou kestasyon. Konsernan sa *decrease* dan program P2 - Polisi i zis lo kote saler. Saler nou'n bouz sa *staff* - i pa ti merit dan Polisi i ti merit dan en lot program, nou'n avans li dan lot program.

Tandis ki dan *goods and services*, si ou pou war son logmantasyon, in sorti 95mil in mont 929mil - 529mil. Savedir nou *ok* ek larestan keksoz ki sa seksyon pou travay avek. I zis en *matter* lo kote *staff*, ki nou'n bouz enn ki pa ti merit lo Polisi ki'n al dan lot program. Mersi Onorab.

**MR DEPUTY SPEAKER**

Mersi. Ou annan klarifikasyon?

**HON CLIFFORD ANDRE**

Yes Mr Chair en pti klarifikasyon. Minis ou'n koz ek nou lo later konble, eski i annan en diskisyon - aköz mon konnen ou pa responsab later - en diskisyon gouvènmantal, pou *reclaim* ankor lespas, anvi ki Sesel li menm li avek son *zone* maritim ki i annan, i bezwen

plis lespas pou li devlope? Mersi.

**MR DEPUTY SPEAKER**

Mersi. En *major policy question* sa mon krwar pa si Bidze 2023 pe adres ... Me selman vitman Minis, zis donn li en parol silvouple. Mersi.

**MINISTER DEVIKA VIDOT**

Mersi Mr Chair. I annan serten landrwa pli fasil ki nou'n fini idantifye, me selman zot ava kapab ganny plis detay letan nou pe fer diskisyon *IEA* pli tar dan apre midi. Me selman i annan. I annan serten landrwa ki nou'n idantifye. Mersi.

**MR DEPUTY SPEAKER**

Mersi *Minister*. I egzakteman 10.01 i reste 6 entervenannou fer en pti pe pli byen ankor an term *management* letan, an term kestasyon ek larepons. Onorab Esparon.

**HON REGINA ESPARON**

Mersi Mr Chairman. Bonzour Minis ek ou delegasyon. Dabor avan mon demann mon kestasyon, mon ti a kontan felisit Minis avek ou lekip, pou sa zefor ki ou pe mete pou relev bann pti biznes.

E en keksoz ki dimoun in apresye se sa *Black Friday sale*. E mon ti a ankouraze ki dan le fitir, nou kontinyen dan sa menm lanpler. Mon

kestyon i de-koul otour enn zot bann *strategic priority 2023-2025* se '*modernize the investment framework in Seychelles.*'

Mon konnen poudir letan Onorab William in demann son kestyon, in reponn ou'n reponn ou'n dir poudir i annan en *incubator* ki zot in *setup* pou ede fer sa. Me selman Minis i annan zenn ki santi poudir petet menm avek sa *incubator* la ki zot in kree la, zot pa pe ganny ase led e ase gidans.

Mon pou lir en pti mesaz sorti kot en zenn 'bokou bann lide pa ganny valorize aköz napa sa landrwa ki get li dan tou son lanpler'. E la i pe dir dan sa laspe pa zis dan son laspe *monitoring*, me osi sosyal, mantal e lavansman pei.

'E lankadreman i devret vin an \*egziste. Bokou lide i ganny zete aköz lafreyer bann zofisye, ki si zot donn en *go ahead*. Napa okenn eleman sanz nou fason panse pou nou vremen bouze konman en pei'.

E zenn i santi poudir petet ki i bezwen annan, i bezwen annan en landrwa ki get, get sa bann *investment* dan son laspe konpreansiv.

E dezyenman zot pe santi poudir menm avek sa *incubator* - mon pa konnen Minis - si dan sa Bidze i annan en konponan finans pou

*training* sa bann dimoun dan sa domenn?

Akoz zot santi petet poudir sa bann dimoun ki dan sa *incubator* - bann dimoun otour sa *incubator* - napa ase sa leksperyans lo teknoloji li menm li, pou fer pou ed sa bann zenn letan zot vin ek bann lide inovativ pou biznes. Mersi.

### **MR DEPUTY SPEAKER**

Mersi Onorab. *Panel?*

### **MINISTER DEVIKA VIDOT**

Mersi Mr Chair. Mersi Onorab pou ou kestyon. E mersi pou rekonnet zefor Minister dan sons demars pou lev bann biznes. An se ki konsern sa *incubator* e sa konsern ki bann zenn pe met devan, tou son bann konsern ki'n met devan son larepons se sa *incubator*.

Mon kestyon pou li i pou konm swivan;- eski in kontakte Minister, pou li kapab antre ladan? Parske sa i premye keksoz - ou bezwen rod en fason pou ou antre dan sa sistenm. So i enportan ki i fer sa demars.

Savedir mon pou ankouraz li pou li pran kontak avek Minister, pou li kapab ganny akse ek sa servis. An se ki konsern *training*, ouswa konesans pou kapab siperviz sa *incubator*? Sa *incubator* i sipoze ganny *run* par en *network* ouswa en ekosistenm,

ki annan bann *mentors* ek *advisors* ki annan bokou lannen leksperyans.

An plis ki sa, i pou pe ganny sipervize prensipalman par Divizyon Lasyans, Teknolozi ek Inovasyon. Se pou sa rezon ki rezon ki nou ki se divizyon *STI* ki pe antreprann sa, set aköz nou anvi zisteman valoriz laspe teknolozi inovasyon dan son totalite si oule - e ganny apresye par bann dimoun ki zot, zot eksper ladan.

Me nou'n al en pe pli devan kot atraver nou korperasyon avek *UAE*, nou'n osi demann sipor pou ki nou ganny en formasyon, pou kontinyelman donn formasyon sa bann dimoun ki antreprann sa *incubator* isi, dan en *training* ki nou apel *train the trainers*.

So sa pandan lannen prosenn nou ava war bann devlopman dan sa laspe. Mersi.

#### **MR DEPUTY SPEAKER**

Mersi *Minister*. Prosen enterven an Onorab Pillay.

#### **HON SEBASTIEN PILLAY**

Bonzour tou dimoun. Bonzour Minis avek ou delegasyon. Bonzour tou koleg Onorab. Mr Chairman mon bezwen dir poudir mon ti krwar mon pe get dan en Lasanble dan bann lannen

2000, kot tou dimoun i felisit Minis apre nou, nou war en problem dan sa ki pe pase dan Minister.

#### **MR DEPUTY SPEAKER**

*Please* zis *proceed* avek kestyon Onorab.

#### **HON SEBASTIEN PILLAY**

I enteresan sa Mr Chairman.

#### **MR DEPUTY SPEAKER**

Akoz nou pe – Si - Onorab si ou pran plis letan se enn ou de ou Manm ki pou perdi loportinite reponn kestyon. So *proceed* avek kestyon.

#### **HON SEBASTIEN PILLAY**

Ou, ou kontan koup mon bann Manm ou ler zot koze napa problem ou. Zis mon ti a kontan demann Minis, petet en kestyon ki mon pe sey rod klarifikasyon, lannen pase ler mon pe regard sa ki ou ti dir nou letan ou pe defann ou Bidze, ou ti koz lo –

Annefe pandan ki ou'n vin Lasanble pandan sa bann letan, mon'n regard ki ou'n dir nou lo ki mannyer ou Minister pou fer pou *improve* konteks lenvestisman.

Ki mannyer ou Minister pou travay ek bann labank, pou fer sir ki i ganny akse ek kredi. Pou kree en lanvironnman pou biznes devlope; ki mannyer mon Gouvernman pa ti pe fer pli

byen; sa ki ti la avan in fer isi, in fer laba;

43an - labi dan later eksetera.

Be kestyon ki mon ti kapab demann ou - (wi Onorab Roucou i annan en lanterman taler) kestyon ki mon ti a kontan demann Minis se ou Bidze pa'n ogmante signifikativman an relasyon avek pou ou fer sa travay Polisi, ki ou bezwen fer.

So eski ou kapab klarifye pou mwan, kote egzakteman ki larzan i ete pou ou Minister fer en travay dan sa ki nou apel - diversifikasyon ekonomik, ki Onorab Andre in admet pa pe arive i en Manm LDS.

Problemm nou bann zenn ki oule met zot lide dan lenvestisman ki Onorab Esparon in admet pa pe arive e i en Manm lo kote LDS. So kote ki ou pe fer sa bann keksoz, pou li kapab marse avek en Bidze en pti pe plis ki R16milyon la devan.

Mon ti ava espekte petet Gouvernman ti a donn ou en Bidze en pe pli signifikan, pou nou kapab travay avek. Se sa ki mon ti ekspekte. Lo sa promes ki ou ti donn nou, se sa ki mon ti anvi vot lo la - annefe pou donn ou sipor pou en Bidze ki pli signifikan.

Dezyenmman mon dezyenm pwen Mr Chairman mon vin lo en sekter spesifik sa se Sekter Lagrikiltir e

Prodiksyon. Nou'n koz avek Minister pou Lagrikiltir e li in dir nou *regarding* bann *subsidy* e bann akt bann diferan aksyon ki pe arive dan lekonomi, i santi poudir i annan en konfigerasyon lo bann *commitments* ek WTO, eksetera.

Mon'n osi al koz ek bann akter dan lendistri e zot in dir mwan i annan plizyer *meeting*. E menm i annan *meeting* ant ou, Minister avek IDC lo prospektiv lenvestisman lagrikiltir lo bann zil.

E ki mannyer prodiksyon lokal pe ganny afekte atraver prodiksyon ki IDC pe fer - *I mean* - serten prodikter pe ganny afekte an term atraver prodiksyon ki IDC pe fer e avek lenportasyon.

So kestyon mon pe demann ou lo sa kote, kwa ki'n materyalize lo bann diskisyon ki ou'n gannyen avek IDC - lo bann diskisyon ki ou'n gannyen avek sa, avek sa sekter.

Ki ou Minister pe travay lo la pou *provide* en lokal ankouraz lenvestisman dan prodiksyon lokal ki pe ganny afekte en kantite par lenportasyon? Mersi Mr Chairman.

#### **MR DEPUTY SPEAKER**

Mersi. De kestyon oli larzan pou diversifikasyon ekonomik, avek bann negosyasyon pou



ankouraz prodiksyon lokal kot i ete? Mersi.

### **MINISTER DEVIKA VIDOT**

Mersi Mr Chair. Mersi Onorab pou ou kestyon, pou ou komanter. Bon larzan Minister prensipalman Minister ki fer Polisi ki met an mars ki enplimant travay lo Polisi.

E se bann dimoun ki fer sa so alor i toutafe normal ki lamazorite resours i al dan nou *human resource*. E nou, nou valoriz nou *human resource* bokou. E petet dan lepase zot in ganny en letid depans bokou e petet depans dan vid osi e san war nou war rezilta. Be nou, nou pa pans koumsa.

Nou, nou panse ki nou bezwen en Bidze ki solid - wi byensir - me ki pertinan, ki pe adres bann keksoz. Nou bann *staff* zot pou ganny zot, zot saler provizyon in ganny fer.

E byensir nou annan provizyon ki nou'n met dekote pou nou kapab siport sa bann aktivite. Mon plis ki sa petet sa i en konsepsyon ki en pe drol me selman Onorab nou Minister i travay ek bann Lazans. Alor sa ki siport nou se bann Lazans ki tonm anba nou. Minister li menm li i *set* Polisi i met an plas, se bann Lazans ki egzekte. E alor i annan resours ki ganny mete anba sa bann Lazans. E alor ou

bezwen regard sa Minister dan tou son laspe;- dan son *entirety* parey nou dir an Angle. E se sa diferans.

E byensir nou osi kolabor bokou avek lezot Minister;- Minister Finans, Minister Lagrikiltir, ensidswit. E zisteman mon ava abord ou dezyenm pwen ki ou'n souleve, an se ki konsern lagrikiltir, prodiksyon lokal.

Pou kapab ganny *outcome* zisteman sa bann diskisyon - wi mon ti asiste en premye *meeting* parske nou ti la kot mon fasilitater ouswa nou kordinen pou donn sipor between *IDC* e Departman Lagrikiltir.

Me mon pa krwar ki zot ariv en pe - zot in avanse lo zot bann diskisyon e alor savedir nou pa ankor ganny - i pa ankor vin en nesesite pou nou antre ankor ladan.

Me selman zis si nou merite, nou pou ofer sa sipor avek bann fermye e a tou moman nou donn zot sipor. Nenport ki biznes ki vin kot nou, nou donn sa sipor e zisteman nou a kapab fer li *whenever* nou ganny sa demann. Mersi.

### **MR DEPUTY SPEAKER**

Mersi *Minister*. Ou annan klarifikasyon?

### **HON SEBASTIEN PILLAY**

Mersi Mr Chairman. Premyerman Minis lo ou premye kestyon mon ti a anvi ou donn mwan sa larepons, akoz mon ti anvi ou dir mwan ki ou set Polisi ou Lazans ki egzekite. Ou a note Minis ki a plizyer repriz, ki ou'n vin ek bann Lalwa dan Lasanble, nou ti kosyonnen ki si ou met tou kontrol anba ou Minister pou donn Polisi *directive* ek direksyon Lazans, tou keksoz pou tonm lo ou.

E tou ou bann Lalwa in ganny sanze pou met tou pouvwar anba ou lanmen;- *IEA, Investment Board* parey. Tou pouvwar i dan ou lanmen e nou ti ganny en kantite *push back* lo la - ti dir sa dan nou fason dan nou letan - sa i zot fason fer. Ozordi ou retourn mon dan fason fer mon letan.

So mwan, mon pe fer sa pou ou benefis si bann dimoun pa le dir ou - pou dir ou larealite, se ki i bezwen annan en pli *hands-on approach* ki ou Minister prezan i bezwen pran, ki ou Lalwa in donn ou, lo egzekisyon bann Lazans pe fer.

Akoz Lalwa i dir se ou ki *the main body* prezan la dan direksyon. Ou Lalwa ki dir sa. E se sa ki Onorab Georges e tou bann lezot Onorab lo lot kote latab ti siporte pou donn ou.

So kwa ki ou pe met an plas dan ou Minister konman en striktir *monitoring*, pou fer marse sa nouvo fason fer ki ou bann Lalwa in donn ou, pou fer ki ou bann Lazans i kapab delivre lo bann Polisi *directive* ki ou'n dir la - ou'n admet poudir zot pa pe delivre lo la.

Ki zot kapab delivre lo bann Polisi *directive* ki ou'n set? Apre dezyenmman, an se ki konsern sa *meeting* avek *IDC*, mon soke ki Minister Lenvestisman pa'n war li nesese pou retourn lo latab avek de group enportan dan sekter prodiksyon, apre tou sa leokri ki nou pe tandé, pou zot revwar si sa *meeting* ki'n gannyen in anmenn en rezilta lo sityasyon lenvestisman lo bann zil - ki mon konnen Deputy Speaker i siporte tou Manm Lasanble i siporte - lenvestisman par bann akter - bann akter dan lekonomi, pou al envestir lo bann zil sirtou dan Sekter Lagrikiltir?

So mon ava demann ou pou *at least* vin ek sa bann dimoun e retournen e revwar si i annan keksoz ki ou Minister i kapab fer pou asiste zot. Mersi Mr Chairman.

### **MR DEPUTY SPEAKER**

Mersi Onorab. Minis oule fer komanter lo la?

### **MINISTER DEVIKA VIDOT**

Wi mersi Mr Chair. Onorab larepons ou premye kestyon se striktir *monitoring* e *evaluation*;- savedir si ou memwar i bon, letan mon ti vin dan Lasanble apepre 2an pase, dan mon premye sesyon mon ti enformen poudir nou pou etabli en *Monitoring and Evaluation Unit*.

E sa en keksoz ki dan Gouvernman zot pa'n pran o serye oparavan. Me parkont mon Gouvernman i pran sa vremen serye e prensipalman mon Minister mon pran vremen serye.

Se sa *Monitoring and Evaluation Unit Department* dan Minister, se li ki zwe sa rol. Sa i repons premye. E an se ki konsern dezyenm, dezyenm pwen kestyon, mon sezi sa ki ou pe dir e Minister Lagrikiltir i ava enform Minister pou nou kapab fer sa diskisyon letan moman apropiye i arive.

E mon plis ki krwar ki zot pe *already* fer zot kominikasyon avek *IDC*, alor nou ava antre dan sa konversasyon, letan nou ganny averti par nou koleg Minister. Mersi.

### **MR DEPUTY SPEAKER**

Mersi. Nou ava bouz lo nou prosen entervenans. Onorab Hoareau?

### **HON JOHN HOAREAU**

Mersi Mr Chair. Bonzour tou dimoun a lekout. Mr Chair mon oule dabor felisit Minis pou son *online portal* ki byento an Zanvye pou *full operational*. E osi pou bann *project pitching* ki'n arive pandan lannen ki donn loportinite bann zenn, pou kapab montre ki zot kapab fer e ganny en dimoun pou siport zot finansyerman.

Mr Chair mon kestyon i baze lo latab 7. Mon konpran lozik e leksplikasyon ki Minis in donnen lo *business incubation*. Me selman ler mon pe get son target ki la kantite dimoun ki bann *incubates* ki pou vin bann biznes komersyalize, ki pou pas atraver sa faz, i trwa selman pou lannen prosen.

Prezan i fer mon demann mon lekor, eski i annan okenn problem dan anpes sa vin en pli gro group dizon en 15 en 20? Eski i annan ase resours ki ganny mete dan *research and development*?

Eski osi i annan zefor ki pe ganny fer? Par egzanp mon konnen *research and development* i kout bokou larzan - e sa bann teknolozi osi petet i en pe *far reaching* ki nou pa gannyen Sesel, alor nou bezwen bann dimoun aletranze.

Alor, eski i annan zefor ki pe ganny fer - par egzanp bann *scholars* dan liniversite pou kapab vini petet atraver en

vakans koumsa, vin fer serten prezantasyon; vin donn serten *lectures* osi bann *incubates*, pou zot kapab bouz dan faz komersyalizasyon?

E byensir mon salye sa zefor pou fer *pitching* e mon ti a kontan i kontinyen bokou plis lannen prosenn. Mersi.

**MR DEPUTY SPEAKER**

Mersi. I annan de pwen la, *panel*.

**MINISTER DEVIKA VIDOT**

Mersi Mr Chair. Mersi Onorab pou ou bann kestyon. *Regarding incubates, incubatee* sa bann aplikan ki pou pas ki pou pas atraver sa program. Rezon ki nou'n gard li konman trwa, se ki parske nou pe al konmans se la ki nou pe al konmans sa program.

E alor nou'n anvii ki nou en pe *realistic* lo ki kantite ki nou pou kapab fer sa tranzisyon ouswa travay avek zot, pou zot ariv lo sa topik komersyalizasyon. Parske i pran bokou letan osi. I pou annan diferan kalite aktivite biznes, ouswa diferan lide ki pou antre dan sa sistenm - dan sa striktir. E petet pa tou ki zot pou kapab komersyaliz li vitman. I annan - E se sa lespri ouswa lide deryer sa program.

Se pou ed bann zenn oubyen bann dimoun avek

bann nouvo lide, pou pran letan pou pas byen, pou reflesir byen, pou fer resers fer bokou resers lo sa lide biznes ki zot anvii vin avek.

Se pou sa rezon ki nou *figure* i vreman ba e nou ava regarde ki mannyer i ale premye lannen e nou ava kapab aziste pandan nou ava aziste nou target pandan lannen. E nou ava fer sa pou bann lannen ki pe swiv apre sa. Mersi.

**MR DEPUTY SPEAKER**

Mersi *Minister*. I annan en pwen ki pa ankor ...?

**HON JOHN HOAREAU**

Wi mon'n demann li si i annan zefor par egzanp pou fer bann dimoun ki, bann *scholars* dan liniversite ki souvandfwa zot vin pou en vakans Sesel, ki zot kapab vin donn en pti pe sa ki zot annan pou zisteman pou transform get sa bann dimoun *from incubates to commercialisation*.

**MR DEPUTY SPEAKER**

*Ok fair point*.

**MINISTER DEVIKA VIDOT**

Mersi Mr Chair. Mersi Onorab. Wi eskize mon'n mank sa morso pou reponn. Dan sa striktir, dan sa program, i annan eleman diaspora - dyaspora ki nou anvii idantifye bann Seselwa ki

pe viv aletranze ki pe zisteman annan sa bann konesans, ensidswit, ki nou ava kapab etabli koneksyon avek zot, pou ki letan zot vini zot vin Sesel dizon dan en vakans zot kapab fer *lectures* e transfer sa konesans ki zot, zot annan.

*Already* nou - espesyalman Divizyon Lasyans, Teknolozi e Inovasyon, nou travay avek en Seselwa ki pe viv aletranze. E sa i mars tre byen. I sirvey oubyen i donn son konesans letan bann zenn i pe fer sa konpetisyon *first global challenge* sa *robotics competition*.

E sa profeser i a tou moman i investir bokou letan. Annan de fwa i desann fizikman pou li kapab donn son sipor. Me si i pa kapab i fer li virtyelman. So ... E sa se Professor *Cummings* mon krwar ou bezwen familye avek, avek son travay.

So dan sa striktir i annan sa konponan dyaspora zis pou reponn ou kestyon. So se sa enn bann konponan. So pou reponn ou kestyon wi nou annan. Mersi.

### **MR DEPUTY SPEAKER**

Mersi *Minister*. Mon ava kriy Onorab Uranie.

### **HON ROCKY URANIE**

Mersi Mr Chair. E bonzour Minis avek ou delegasyon, tou

koleg Onorab e tou Digwa ki a lekout. Minis dan tou zot bann remaniman mon'n war relasyon avek zot bann *challenges* zot pe ganny problem *availability* later.

Eski an relasyon avek *L'Union Estate* zot pe fer *availability* later pou bann dimoun ki anvi antre dan biznes zisteman avek lespri diversifikasyon, pou ki nou tou nou pa depan lo lendistri touris? Mersi.

### **MR DEPUTY SPEAKER**

Mersi Onorab. En kestyon spesifik lo later *L'Union La Digue*.

### **MINISTER DEVIKA VIDOT**

Mersi Mr Chair. Mersi Onorab. Dan sa plan devlopman *L'Union* e la mon pe reponn kestyon lo lapar *portfolio* Lendistri e *L'Union Estate as* antite ki tonm anba, anba *portfolio* Lendistri.

Dan son plan devlopman li menm i pe fer provizyon pou bokou aktivite. I pou diversifye byensir vize prensipalman lo tourizm *still*, akoz *L'Union* i en landrwa touristik. Alor vize lo tourizm, me selman avek bann, bann lezot konponan ti pe plis swa en pe *adventure tourism*, en pti pe *eco tourism*, en pti pe dan sa laspe koumsa.

E alor si i annan nesesite pou fer provizyon later ouswa

bann lespas, sa i pou ganny fer. Mersi.

**MR DEPUTY SPEAKER**

Mersi *Minister*. Nou ava kriy Onorab Cosgrow.

**HON WALLACE COSGROW**

Mersi Mr Chair. Bonzour Mr Chair. Bonzour Minis avek ou tim. Minis mon pe - ler mon pe ekout bann Manm Onorab demann kestyon, i paret mwan nou pe retourn menm lo bann vye keksoz ki'n toultan koz lo la dan Lasanble.

Par egzanp nou'n koz lo *One District One Project* - nou pe koz lo bann *issues* later - i pa paret mwan, *either* swa nou pa konnen dan Lasanble ouswa i pa paret mwan i annan gran devlopman dan sa domenn lendistri, pti biznes, *entrepreneurship*.

*Now* mon pe get ou *strategic priorities 2023-2025*, nou pe koz lo diversifikasyon lekonomi *through development of industries*; revwar bann *regulatory framework*, Minis eski ou kapab dir nou ki zot pe fer dan sa domenn ki nouvo lendistri zot pe mazin? Akoz zot ti'n vin avek en bi transformasyon e sanzman.

So kwa ki zot pe fer ki ozordi *or* pandan sa 2an *or* pou sa bann letan ki reste, zot pe fer vreman sa transformasyon dan sekter biznes; nouvo kreasyon loportinite,

loportinite bann lendistri e dir nou egzakteman ki bann *legal framework* ki zot pe mazin travay lo la 2023-2025.

Pou nou ganny en konpran byen ki vreman zot pe, zot pe fer dan Minister pou nou ariv kot nou anvi arive? E dezyenm ...

**MR DEPUTY SPEAKER**

I *ok* la. Ou annan de kestyon enn lo transformasyon sekter biznes, apre de lo *legal framework*.

**HON WALLACE COSGROW**

Non i en sel zafer dan son *strategy* sa.

**MR DEPUTY SPEAKER**

De kestyon nou *proceed*, akoz nou pe al fini. Minis.

**HON WALLACE COSGROW**

Non be si ou get son *strategy* ou pou war.

**MR DEPUTY SPEAKER**

*Panel* i ava reponn silvouple. Mersi.

**HON WALLACE COSGROW**

Anr be *ok* napa problenm. Kontinyen.

**MR DEPUTY SPEAKER**

I *ok* Minis, *proceed*.

**MINISTER DEVIKA VIDOT**

Mersi Mr Chair. Mersi Onorab pou ou bann kestyon. Bon

sityasyon ki mon'n vin fer fas avek se ki, mon osi mon'n demande be ki zot ti pe fer. Parske prezan ki mon'n bezwen vin fer keksoz.

**(APPLAUSE)**

**MINISTER DEVIKA VIDOT**

E pou etabli *framework* Polisi. Mwan pase nou'n lans nou *entrepreneurship*, Polisi, nou *strategy*. Nou pe travay lo *Industrial Policy* la prezan ki nou'n bezwen rod finansman ensidswit. E be sa pa ariv dan en zour. I bezwen fer konsiltasyon letan ou formil en Polisi, ou formil stratezi, ou bezwen fer sir ou fer konsiltasyon *extensive consultation*, fer sir poudir ou pe kouver tou baz.

Pou fer sir poudir sa Polisi i enn ki aplik e i kapab rezonn byen avek sekter prive e sa i vreman enportan. Akoz i paret mwan dan lepase Polisi ki'n ganny met an plas pa, pa ti pe rezonn avek sekter prive.

E alor ozordi zour mon war mon dan sa demars pou zisteman fer sa pou mwan kapab reponn lapel sekter prive e donn zot en keksoz ki letan nou met an plas, i pe servi sa ki zot, zot pe demande. E alor i annan bokou ki nou'n fer. Lo konmansman lannen prosenn, zot pou war lansman *investor map* ki nou'n ganny sipor pou nou kapab travay.

Nou'n travay lo la pandan dirasyon en lannen antye - *national entrepreneurship, entrepreneurship strategy* ankor en lannen antye. Mon ava donn en pti pe lo *investor map*. Sa i pou en platform i pou en zouti kot envestiser pou kapab dan en *snapshot* war tou loportinite lenvestisman ki annan dan Sesel.

E zisteman sa bann keksoz i pran bokou letan, me mon satisfè avek lavites ki nou'n kapab travay lo la. Amwen la nou kapab annan nou fondasyon *ok* - nou'n met fondasyon ater pou nou kapab kontiny sa travay. Mersi.

**MR DEPUTY SPEAKER**

Mersi. Ou annan klarifikasyon?

**HON WALLACE COSGROW**

Mersi Mr Chair. Mr Chair mon klarifikasyon i lo larepons Minis en? Minis nou bokou bann lezot Manm osi in dir nou pa pe tourn dan lepase nou. Nou pe get lefitir sa transformasyon ki zot in promet. Par egzanp ou'n koz lo *investor map - investor map* i dan ou *achievement* ou'n fini fer. Nou, nou pe get an term sa ki zot pe al fer ou'n koz lo Polisi lendistri wi i enn, me *is it the only one* ki ou pe al fer?

Ouswa i annan ankor lezot keksoz ki ou pe met dan sa *regulatory framework*, pou siport sa bann zafer *business across priority sectors*? So ou'n koz lo enn, enn ki'n deza fini ganny fer konman en *achievement unless* i pa en *achievement* in ganny met la.

So donn nou en pe plis detay Minis. Mersi.

**MR DEPUTY SPEAKER**

Mersi. Minis oule klarifye sa.

**MINISTER DEVIKA VIDOT**

Wi mersi Mr Chair. Non mon zis anvi donn en pe klarifikasyon. Be Polisi letan ou met li ater i annan son egzeksyon, apre i annan son *monitoring* ek son *evaluation*. Ankor sa i en keksoz ki petet dan lepase zot pa ti fer li ase.

Be se sa ki nou bezwen fer. Nou pa kapab annan 50 Polisi nou pa pe *monitor* lefikasite. I pa fer sans mon vini mon dir mon pe fer 15 Polisi, me selman mon pa pe *monitor* si i pe ganny fer ;- ki lefe ki sa Polisi pe annan lo lanvironnman biznes.

Se sa kot nou bezwen amelyore. Se sa *monitoring and evaluation*, gete si resours ki nou'n servi pou nou met dan sa Polisi, i pe anmenn sa rezilta ki nou anvi. Alor se sa, sa diferans. Se sa, sa sanzman ki nou pe anmenn

dan lafason ki nou fer keksoz. Mersi.

**(APPLAUSE)**

**MR DEPUTY SPEAKER**

Mersi *panel*. DERNYEN entervenans ...

*(Off-Mic)*

**MR DEPUTY SPEAKER**

Pardon? Non, akoz vreman letan. DERNYEN entervenans lo sa. Si ou fer sa Onorab Gabriel pa pou ganny kestyon. *So let's be fair to him* donn li en kestyon. Onorab?

**HON CONRAD GABRIEL**

Mersi Mr Chair. *Welcome* Minis ek ou delegasyon. Mon pou al spesifikman lo latap 5 *performance measures for program*. *Outcome* Minis limero 4 - *number of new licenses issued* an 2022 nou pe koz 1000 e ou target 2023 i 1100 prosandir en 100 an plis.

Minis zis donn nou en pe detay petet lekel sa bann biznes kalite biznes sa ki pe - ki ou pe mazin en zot pou targete 2023? Apre dan menm latap menm limero 4 - *number of days taken to start business*; - 2022 ou'n sorti 28 *days* ou'n ariv 25 zour pou 2023. Petet i kapab pase sa, zis donn nou eski sa target i realistik?



Apré zis an pasan petet Minis dernyen pti *issue* lo ti pou annan en *electronic dashboard*, pou bann lenvestiser pou bann biznes ki pe *star up* -sa i ti pou *ease of doing business*?

*I mean* donn nou en pe detay ki bann zistans ki zot ete, akoz sa i ti sipoze pou fasilite prosedir pou biznes. Mersi.

### **MR DEPUTY SPEAKER**

Mersi. De kekyon spesifik enn lo latab 5 apre lot lo *electronic dashboard*. Mersi.

### **MINISTER DEVIKA VIDOT**

Mersi Mr Chair. Mon pou pran dezyenm kekyon apre *PS* pou reponn premye kekyon lo bann *performance indicators*. *Electronic dashboard* sa ki nou apel li en *phone* nimerik *CRM* – mon krwar sa ki ou pe *refer to*. I pou ganny lanse - i pou konmans met an aplikasyon son premye faz konmansman sa semenn.

E alor sansibilizasyon, lavertisman pou ganny fer pandan sa mwan ki vini pou enform dimoun. Sa i *phase 1*. Dezyenm faz sa platform se lentegrasyon avek tou bann *Referral agencies*.

Savedir lentegrasyon sa sistenm avek *Seychelles Licensing Authority* avek *Public Health* avek tou bann, bann Lazans ouswa bann Minister

konsernen ki partisip dan sa prosesis pou, pou fer ki en dimoun i kapab ganny son *license* so sa i byen an mars Onorab. Mersi.

### **MR DEPUTY SPEAKER**

Mersi. *PS*.

### **PS MICHAEL NALLETAMBY**

Mersi Mr Chairman. Mersi Onorab pou ou kekyon. Sa bann *license* i bann *license* normal ki nou donnen *SLA* i *issue*. E i bann nouvo biznes ki nou pe osi pouse pou arive. Par egzanp bann biznes ki pou pas dan *incubator*. Bann biznes ki nou fasilite atraver bann *seed capital* - bann nouvo biznes.

So tou nou linisyativ i enn pou fasilite bann biznes tradisyonnèl e apre anmenn bann nouvo inovasyon - bann biznes inovativ ki diversifye.

*Now* nou Polisi endistriyel i pe osi anmenn louvertir ek bann nouvo ek sa *investor map* ki *Minister* in koz lo la. I anmenn nouvo louvertir lo bann nouvo loportinite. E sa i osi enkli lo bann *license* ki nou espere pou ganny donnen pandan lannen 2023.

*Now* lo kote *the number of days*, mon krwar Minis ti koz lo la pli boner eskize nou'n gard li en pe konservativ. Akoz malgre nou pe fer sa prosedir nimerik ki an plas i annan

*starting a business* i annan sa prosedir anrezistremman kot Biro Rezistrar. I annan prosedir atraver *SIB* apre i annan prosedir *Licensing*.

So sa bann zour ki pe konte la, i bann tou sa bann lezot zour ansanm. So malgre nou pou fasilite sa prosedir nimerik a sa moman pou prosedir *SIB* ek *SLA*, nou *still* annan sa prosedir *Registrar* ki nou pe travay lo la ansanm ek zot pou *digitalise* li.

So i pran sa kantite letan pou nou travay lo la. Nou pa oule over *estimate the number of days* la, ki finalman apre nou pa kapab *achieve*. So *thank you* mersi Mr Chair.

#### **MR DEPUTY SPEAKER**

Mersi. Ou annan klarifikasyon?

#### **HON CONRAD GABRIEL**

Mersi Mr Chair. Petet ki Minis i la nou a zis demann li ti annan en gro, gro zafer, zafer kannel Minis. Petet vi ki mon dernyen entervenman, nou ti a kontan ganny en pti lesplikasyon eski in tonm dan delo? *What happened?* Eski i annan dimoun ki'n vin devan pou okenn-? Zis donn nou en pti pe detay lo la silvouple? Mersi.

#### **MR DEPUTY SPEAKER**

Wi zisteman aköz ou dernyen entervenman *it's a new question*

ki ou'n entrodwir, me ti ava bon si Minis i donn nou en *update*. Mersi.

#### **MINISTER DEVIKA VIDOT**

Mersi Mr Chair. Mersi Onorab pou ou kestyon. Onorab mon ti vin Lasanble pli boner - parey mon ti eksplike avan nou ti konmans linisyativ nou ti annan selman de akter dan lendistri.

Letan mon ti vini ti annan anviron 18 e la nou annan apepre 23. So lentere dan sa sekter i ankor la. Plis detay ava kapab ganny donnen letan *SIB* i vin prezant son Bidze. Set aköz zot sa antite ki pe kordin sa proze. Mersi.

#### **MR DEPUTY SPEAKER**

Mersi *Minister*. Donk sa i anmenn nou lafen bann kestyon lo *heading* pou *Ministry of Investment, Entrepreneurship and Industry* trouve lo paz 521 a 527, son Bidze i en sonm R16milyon 356mil.

Nou ava demann tou bann Manm ki an faver sa Bidze pou endike silvouple? Mersi. Okenn Manm ki kont? Mersi.

Mersi Madanm Clerk. Vot lo *Ministry of Investment, Entrepreneurship and Industry* pou en sonm R16milyon 356mil, i annan 25 Manm ki'n vot an faver, okenn Manm pa'n

vot kont, 7 Manm in *abstain*. Savedir sa vot in pase.

Nou pou aprezan *adjourn* nou ava remersi bann zofisye ki ti avek nou e ki pou kit nou pandan *break* e nou ava dir zot bon kontinyasyon lazournen.

Aprè *break* nou pe pran *Seychelles Investment Board* donk nou ava *adjourn* ziska 11er.

**(BREAK)**

## **SEYCHELLES INVESTMENT BOARD (SIB)**

### **MR DEPUTY SPEAKER**

*Welcome back* tou dimoun e prezan nou pou pas lo lot antite dan Staz Komite pou *Appropriation Bill, 2023* sa se *Seychelles Investment Board*. E zot Bidze i trouve lo paz 548 a 554 e zot alokasyon bidzeter i R9milyon 617mil.

Pou sa alokasyon nou *welcome* avek nou *Chief Exevutive Officer* Ms Anne Rosette, Mr Lenny Gabriel Depite *Chief Executive Officer* i avek nou. Minis Devika Vidot i reste konman Minis pou Lenvestisman, Entreprenarya avek Lendistri, avek son Sekreter Prensipal Mr Michael Nalletamby.

E osi Ms Tamatave avek Manmzel Adrienne sorti kot Minister Finans i la avek nou. Donk nou ava envit *panel* pou

fer lentrodiksyon lo sa *heading* apre nou ava pran kestyon.

### **MINISTER DEVIKA VIDOT**

Mersi Mr Chair. Fas a nou Bidze *SIB* lobzektiv *SIB* pou lannen 2023 ziska 2025 se pou kontinyen zwe en rol kle, pou fasilite lenplimantasyon biznes e promouvwar bann sektor kle an metan lanfaz lo bann aktivite ekonomik.

Biro Lenvestisman Sesel in ganny en alokasyon Bidze lavalè R9.6milyon pou lannen 2023. Sa i reprezant en logmantasyon 43poursan ouswa R2.9milyon, konpare avek Bidze pou 2022 ki ti pou en sonm R6.7milyon.

Sa logmantasyon dan Bidze, i reflekte finansman prensipalman pou *SIB* vin pli *digital* atraver son platform nimerik. I pou antreprann son premye staz *digitizing* son bann *files*;- savedir konverti son bann *file* fizik e fer li vin nimerik.

Investir dan *software* ki pou deservi pou ede deservi pli byen bann investiser. Kanpanny pou edik piblik lo bann loportinite lenvestisman dan pei e pou atrakte bann lenvestisman dan bann sektor priyoriter.

Promot e ankouraz lenvestisman dan bann lendistri emerzan e osi bann proze lenvestisman ki Gouvernman pe fasilite.

Laspirasyon pou sa prosen lannen avek Bidze ki *SIB* pou ganny akorde, se pou kontinyen desarz zot manda, etabli bann prosesis pli kler. E vin plis a la porte bann investiser pou finaliz tou bann proze an prenan kont laspe sosyal dan tou devlopman.

Avek sa Mr Chair mon demann laprouvasyon Lasanble ozordi pou Bidze *SIB* pou en sonm R9.6milyon pou lannen 2023. Mersi.

### **MR DEPUTY SPEAKER**

Mersi *Minister*. Zis pou rapel Lasanble ki i annan de lezot zofisyè ki osi *side table* ki mon pa ti'n mansyonnen avan. Sa se Ms Joubert avek Ms Marie ki ti la bomaten so zot in sorti lo *panel* isi devan, zot in al *side table* pou donn sipor *panel*.

Premye entervenans lo sa *heading* se Onorab Woodcock.

### **HON WAVEL WOODCOCK**

Mersi Mr Chairman. Bonzour Minis *CEO SIB* e tou zabitan Grand Anse Praslin. Mr Speaker mon premye kestyon i kot i konsern i tonm anba *major achievement* 2021 ek 2022, ki'n ganny liste '*participated at Expo Dubai in March 2022 in partnership with Department of Tourism and Blue Economy to attract sport tourism investment in Seychelles.*'

Mon konnen sa i en lanfaz. I annan bokou lanfaz pe ganny mete lo *sports tourism investment in Seychelles*. Nou'n war serten aktivite; bann *sport* ki'n ganny enternasyonal - bann konpetisyon ki'n ganny organize Sesel. Konpetisyon natasyon, nou'n war *sky diving*, nou annan *golf tournament* ki pe vini resaman.

Mon kestyon eski i annan ankor en pti pe bann lenvestisman ki zot pe mazinè pou fer an plis pou atrakte e ankouraz *sport tourism* Sesel? Sirtou kot i konsern nou bann Zil Pros kot lamazorite Praslin-La Digue - kot lamazorite nou bann atlet *water sport* i sorti?

Mon dezyenm kestyon Minis, ki mannyer nou kapab anmenn plis valer azoute pou nou Lorloz? Lorloz, Lorloz dapre konpran in sanz landrwa - mon pa konnen si in bouz o bor Zonm Lib.

Petet mon pa konnen ki mannyer nou kapab ganny en pti pe plis nou Lorloz vi ki in bouze la ase resaman? Mersi Mr Speaker.

*(murmurings off-mic)*

### **MR DEPUTY SPEAKER**

Mersi Onorab. Mon tann en pe mirmirasyon - *look* Lorloz i en moniman istorik ki isi bann

artis i fer bann *miniature* pou bann ek touris - son kestyon i annan valer ki i pou demande. So mon ava les *panel* reponn sa de kestyon silvouple. Mersi.

### **MINISTER DEVIKA VIDOT**

Ok mersi Mr Chair. Onorab mersi pou ou kestyon osi. An se ki konsern *sport tourism* - wi, zisteman in annan enn de levennman ki nou'n kapab *accommodate* Sesel. E zisteman i annan bokou lentere osi ki'n vin ver nou.

Mon pou les *CEO* donn en pe plis detay lo bann lentere zisteman ki nou'n gannyen, an rezilta sa kanpany. Me selman zis mon anvi fer resorti sa ki nou osi pe travay lo la, se sa laspe lasirans osi.

Parske *sport tourism* i vin avek sa kote *adventure tourism* ki li ou bezwen serten eleman lasirans ki nou pou bezwen travay. E nou pe travay lo en striktir lo ki mannyer nou kapab asire ki poudir i annan sa fasilite ki pou kapab siport bann tel aktivite.

An se ki konsern Lorloz valer azoute;- zisteman Lorloz i enn nou bann en, en moniman ki vreman senbolik pou nou, pou nou tou isi. E byensir pou bann viziter. Mon krwar ki nou kapab parey Mr Chair in fer resorti - si nou ti kapab konverti sa Lorloz pou

vin sa senbol ki reprezant Sesel, sa ti pou en keksoz byen formidab.

Mon ava pas laparol avek *CEO* pou elabor en pti pe plis lo *sport tourism* e larepons e bann *feedback* ki nou'n gannyen avek bann investiser. Mersi.

### **MR DEPUTY SPEAKER**

Mersi. Mon a donn laparol *CEO*.

### **CEO ANNE ROSETTE**

Bonzour Mr Chair e mersi. Bonzour Onorab e tou Onorab prezan, bann dimoun a lekout *à la maison*. Mon remerci zot pou donn loportinite pou ekout Bidze *SIB* ozordi. So si mon pou al lo pli pre sa kestyon ki'n ganny demande lo *sport tourism*, i annan trwa laspe. Enn i bann lesey bann levennman - e parey Minis in dir sa osi nou pe fer sir ki i ganny byen ankadre. I annan sa kote risk e sekirite ki i annan avek pou devlop li en pti pe plis.

I annan osi laspe lenfrastriktir so sa nou pe travay avek Minister Spor ek Lafanmir pou fer sir ki bann lenvestisman dan sa sekter i kapab arive. Epi i annan laspe osi devlop talan e kapabilite ki nou'n annan bann kontak ler nou'n al dan sa lekspozisyon *Dubai*, avek bann dimoun ki kapab fer sa bann kalite -

dizon lantrennman e devlopman spesifik dan bann spor spesifik Sesel. So nou pe kontinyelman travay avek sa bann partner avek nou Minister Spor, pou fer sir ki nou kapab met sa bann plan pou fer zot vin en realite. Mersi.

### **MR DEPUTY SPEAKER**

Mersi *CEO*. E pou Onorab Woodcock ou ki ti demann sa kestyon, ou *chairman* Komite ki responsab bann zafer *sports*, avek *COGA* zot bezwen absoliman swiv sa laliny Bidze pou lenfrastruktir ki dan Bidze. E nou le ki zot fer sa travay byen lo non Lasanble Nasyonal.

Prosen entervenans Onorab Adelaide.

### **HON FRANCOIS ADELAIDE**

Mersi Mr Chair. Bonzour Minis avek ou delegasyon, tou Onorab e tou dimoun a lekout. Dabor Minis mon oule felisit ou pou ou bann bon travay ki ou'n konmanse e ki ou pe kontinyen fer avek ou lekip. Les mwan dir ou ki Komite Baie Lazare i fyer de ou. E nou pou donn ou tou nou lankourazman.

Minis mwan, mon kestyon pou *panel* i konman zot manda zot sipoze promot lenvestisman sirtou dan domenn tourizm. E vi ki mwan mon annan en proze kot

zot en pe letan pase, mon krwar i pa zis kot *SIB* - i detrwa departman ansanm.

Me selman nou pe *rely* lo *SIB* pou *at least* kapab donn nou en plan, pou nou kapab fer vin Anse La Mouche la kot nou, nou pase pou al vizite. Sa *hot stop spot* i nou anvi met dan lakominote Baie Lazare, pou donn nou bann artizan pou zot kapab vann zot bann prodwir, dan en fason pou nou promot nou bann - dan domenn touris.

So dir mon *at least* ki kote nou ete sa i *C2513* e akoz *pavement* pe fer la pa le tro, tro met dife, me ler *pavement* pou fini, mon pou akseler-e. So donn nou en pti detay kot nou ete? Mersi.

### **MR DEPUTY SPEAKER**

Mersi Onorab pou ou kestyon. *Panel?*

### **CEO ANNE ROSETTE**

Mersi Mr Chair. Mersi Onorab pou ou kestyon. E mersi pou mo lankourazman. An sa ki konsern proze spesifik, i kot Minister ki annan Lotorite lo Later, in fini pas ou proze. Sa bann proze laba i pa zis enn, me i annan plizyer dan sa rezyon.

E nou an kontinyelman annan kontak. Preski tou le semenn mon tim i an kontak avek Minister Later. Ki fer ki par ler i pa zis selman nou fer

en diskisyon e i fini la - i annan en prosedir. E parey zot konnen alokasyon later i pas dan en prosedir e sa i bann sa letap ki nou ladan la. Fotespere ... In en pe letan mon konnen nou eskiz nou pou sa.

Me selman i en prosedir ki an se moman nou pe travay avek Minister Later pou fer sir ki nou amelyore lo la. Mersi.

**MR DEPUTY SPEAKER**

Mersi. Ou annan *follow-up*?

**HON FRANCOIS ADELAIDE**

Mersi pou ou leksplikasyon. Me selman mwan, mon ti a kontan *at least* donn mwan apepre en *timeline*, kan petet zot kapab fini? Akoz ki i fer zot sa departman ki ansarz menm *ease of doing business* i tonm kot zot.

So si bann antre bann Minister nou pe ganny problem, so nou pa pou kapab bouze. E mon bann dimoun pe espere Baie Lazare. *So at least* donn mwan en pti *timeframe*. Mersi.

**MR DEPUTY SPEAKER**

I le *timeline*. Mersi.

**CEO ANNE ROSETTE**

Well *timeline* i depan lo *SLA* ek Minister Later ki i annan pou reponn lo zot lezot priyorite mon sipoze, akoz zot in fini ariv lo sa faz *survey* e demann

laprouvasyon avek Lanvironnman. So i sa prosen letap ki mon a bezwen eklersi avek zot kantite letan, epi mon a les ou konnen. Mersi.

**MR DEPUTY SPEAKER**

Mersi. Onorab Gill.

**HON CHURCHILL GILL**

Mersi Mr Chair. Bonn apre midi *CEO*. Mon kestyon i lo ou *strategic priorities*; - ou'n koz lo bann promosyon lo bann *investment* selman dan, dan en fason priyoritize. E sa ou'n koz lo *fisheries, agriculture, tourism* apre *manufacturing*.

Eski ou pou kapab donn nou en lide ziska la, dan rikord *SIB* dan sa bann landrwa priyorite, ki kantite ki ou'n kapab fer ki'n anmenn rezilta? E si i posib donn nou son *financial amount* an tou, konbyen apepre Sesel in benefisye? Mersi.

**MR DEPUTY SPEAKER**

Mersi Onorab. *Panel*?

**CEO ANNE ROSETTE**

Mersi Mr Chair. Mersi Onorab pou ou kestyon. Lo kote *FDI and LDI*, pou le moman nou ankor pe mezir *FDI*, me nou pa ankor konmans mezir *LDI as such*. Savedir *Local Direct Investment*.

So ki nou annan pou le moman an term proze - kantite, mon kapab dir ou ki

nou'n pas kot *SIB* depi 1919 – 114. E pou sa lannen nou annan 96. So nou'n annan en ... pardon? *2019 to 2022, right?* So 114 an 2019 - *and 2019 and 96 in 2022.*

So antretan in 2020 e 2021 nou'n annan en abesman parey ou konnen akoz nou sityasyon *Covid* ki nou ti ladan. An se ki konsern proze lo sif dizon ki'n vin kot nou - 2019 ti en pti pe pli o 564milyon e la ziska prezan sa lannen i 131milyon, *ok?*

Lo kote *FDI* akoz nou ganny sa lenformasyon aktyel lannen swivan, so mon kapab dir ou an total pou le moman *FDI* an \*1900 ... 2017 *for example* nou ti konmans avek \$165milyon. E sa lannen nou pli o *forecast* i \$199milyon.

So nou annan en gran progre lo nou *FDI* - in kontinyelman monte. I pa'n regrese lo sa ki nou pe *forecast* pou sa lannen. So fotespere nou kapab apoz lo sa nimero ou en pti pe pli pre. Mersi.

### **MR DEPUTY SPEAKER**

Mersi Ms Rosette. Prosen entervenans Onorab William.

### **HON WAVEN WILLIAM**

Mersi Mr Chairman. Mr Chairman mon anvi port latansyon Minis lo latab 5 - an menm tan an relasyon avek *bullet point number 3* anba *challenges*, mon anvi demann

avek Minis ou *panelist* pou eksplik nou en pti pe vizavi enn;- par egzamp sa partisipasyon dan *Expo 2020*, ki zot leksperyans vizavi atir bann nouvo *FDI*?

E dezyenman lo nivo *COI* akoz sa lakor *COI* letan nou pe regarde en bonpe benefis ki nou santi poudir pa'n ganny eksplwate dan lepase?

So anba Lakor *COI* kwa ki kapab mon kapab dir, kwa ki Sesel i kapab benefisyen an plis? E lo kote sa pwen 3 *challenges* vizavi *WTO*, mon anvi ki ou eksplik nou konman Lasanble, egzaktaman ki bann difikilte an term lafason ki investiser lokal pe dir vizavi sa pwen? An term loportinite ki zot pa pe gannyan?

E an menm tan sa partisipasyon *foreign* ki zot krwar poudir i bezwen pou kapab fer nou maksimiz benefis?

### **MR DEPUTY SPEAKER**

Mersi Onorab. *Panel?*

### **MINISTER DEVIKA VIDOT**

Mersi Mr Chair. Mersi Onorab pou ou kestyon. Mon pou pas lo Lakor *COI* - *CEO* pou pran premye e apre *PS* ava elabor lo trwazyenm kestyon. An se ki konsern lakor *COI* - anfen mon pou - sa i plito dan domenn Minister Lapes pou al lo sa kote. So mon pou gard lo nou



kote mon pou gard sa en pti pe pli dan zot *purview*. Me selman kot nou, nou'n antre. E kot nou kapab siporte, nou pou kontinyen siporte, se pou montre sa valer - *ok* valer lo nou bann *fish processing* - *value addition* savedir bann valer azoute lokalman atraver bann *fish processors* avek bann *exporters* ki baze isi.

E pou sa nou'n *so far* nou'n kapab reisir donn zot soutyen. Tou resaman nou'n kapab travay an kolaborasyon avek Minister Lapes ek Minister Transpor, pou nou kapab siport bann *fish exporters*, pou zot kapab deservi *Emirates*, pou kapab anmenn zot kargo *Israel*.

Savedir sa i en keksoz kot konman en tim nou'n kapab travay pou siport sa. An plis ki sa i annan serten travay ki nou pe fer avek Lanbasad Sinwan, kot zot osi i annan serten sertifikasyon ki lo zot kote zot ti pe demande pou fasilite akse ek marse *from* isi pou ariv Lasin.

So nou konman Minister atraver *SIB*, atraver Minister Lendistri, nou pe siport sa lendistri lokal dan sa kote ki la. Mersi.

### **MR DEPUTY SPEAKER**

Mersi. *Panel* i annan ...?

### **CEO ANNE ROSETTE**

Mersi Mr Chair. Mersi Onorab pou ou kestyon. Mon pou abord lo sa kestyon *Expo*. Ler nou ti al *Expo* nou ti war poudir parey toultan nou war Sesel i en latraksyon bokou sirtou aletranze. E zot, zot war bann loportinite ki kapab annan devlopman Sesel.

So nou ganny en bonpe *what we call unsolicited investment request*. Me nou, nou anvi al dan sa lanplè, plito ki nou ankadre *framework* e nou ankadre ki mannyer lenvestisman i devret arive dan pei e ki bor nou *drive* sa bann lenvestisman pa zis nenport konman.

Se pou kwa nou annan sa *investment map* ki Minis in koz lo la bomaten, ki'n ganny fer. E ki sa i pou montre ki bann lendistri e ki bann *sub sectors* ki nou anvi *pull investment in*, pou nou pa ganny bann lenvestisman ki vin met en pe presyon - dizon akoz zot annan zot kapital - akoz zot annan gro lide ensidswit.

*So sport tourism* i enn sa sekter ki nou pe *drive* e osi bann lezot sekter ki nou pe *drive* apard sa ki nou ti al dan *Expo* avek. E sa i bann diskisyon ki nou'n gannyen avek bann envestiser, ki malgre ki annan ki'n vini avek zot bann *big ideas, big concept*, nou bezwen *manage* sa dan

lekspektasyon pei e stratezi pei ki anvi ale ladan. Mersi.

**MR DEPUTY SPEAKER**

Mersi. Oule klarifikasyon?

**HON WAVEN WILLIAM**

Mersi Mr Chair. Petet *panel* pa'n konpran mwan letan Minis ti pe koz lo kote *COI* an zeneral. Letan mon'n regard Lakor, an menm tan mon pe regard tandans direksyon kot nou pe ale, mon santi poudir ozordi Sesel *well* lenvestiser Seselwa, pa pe fer sa perse pou al an deor. So mon war poudir lezot pei pe pran lavantaz, me selman mon pa pe war bokou Seselwa pe pran lavantaz.

Par egzanp ou, ou pe koz Les Kontinan Lafrik, ou pe koz *Madagascar* ou lezot landrwa. Me kwa vreman ki *SIB* pe fer, pou vreman mon kapab dir pous Seselwa, pou kapab pran bann loportinite?

Akoz mon santi poudir sa Lakor *COI* letan ou pe regarde, ou a war poudir nou pei frer Moris pe kapitaliz en kantite ki nou Sesel nou pa pe vreman. Aparid ki lapes - lendistri lapes, ou pa pe war vreman kwa ki nou, nou pe fer. Si nou ti kapab petet maksimiz osi bann benefis anba sa Lakor. Mersi.

**MR DEPUTY SPEAKER**

Mersi Onorab. *Panel* in ganny li se ki nou kapab fer pou

ankouraz Seselwa investir aletranze?

**MINISTER DEVIKA VIDOT**

Ok mersi Mr Chair. Mersi Onorab pou ou klarifikasyon. Sertenman, sa i en keksoz ki parey ou'n eksplike - i en keksoz i en fe, i en realite nou pe *deal* avek.

Rezon akoz ki mon ti'n al lo - mon ti pe koz lo sa *fish exporters, processors*, se akoz sa kantite *yield* ki i anmennen pou pei. Alor bokou lanfaz i bezwen ganny mete lo la. I bon fer resorti ki a sa pwen i annan kantite valer ki zot, zot pe prodwir zis lo valer ki zot pe kapab fer avek pwason.

E ouswa baze lo eksportasyon ki zot pe fer. So i enportan pou donn zot sa rekognisyon e sa sipor. An se ki konsern lenvestisman aletranze pou fasilite sa, Onorab i annan en keksoz ki nou bezwen gard antet e sa se konektivite.

An se moman konektivite otour larezyon e osi konektivite avek Lafrik i vreman difisil. E alor pou kapab met an mars sa bann lagreman - nou annan en lot lagreman la ki nou'n sinyen se *African Continental Free Trade Area Agreement*. E sa osi i en Lakor ki pou nou kapab operasyonneliz li, nou bezwen amelyor konektivite dan larezyon e osi ver Lafrik. E

pou sa i pa pou zis en zefor Sesel, me i bezwen en zefor kolektiv. Alor ...

Me selman sa i en keksoz ki nou konman Gouvernman nou'n fini sezi. E bann Minister konsernen pe fer demars pou zot kapab arive fer sa. Annefe i annan en Komite ki ganny dedye ki pe ganny *spearheaded by Ministry of Transport*, so sa i bann konversasyon ki nou pe fer. Mersi.

### **MR DEPUTY SPEAKER**

Mersi. Nou a pas lo prosen entervenans e mon ava kriy Onorab Labrosse ?

### **HON RICHARD LABROSSE**

Mersi Mr Speaker. Bonzour Minis avek ou delegasyon. Bonzour tou dimoun ki a lekout. Minis ler mon pe get lo zot stratezi e promosyon, mon pe war poudir zot pe plizoumwon met en pti pe plis lanfaz lo *aquaculture* e bann lezot biznes ki dan zalantour.

Me i annan en lendistri ki mon war kekfwa nou pe mank en pti pe lenstans lo la - sa i lendistri finansyel. Nou konnen kekfwa lendistri *offshore* li menm dan an se moman ki nou pe koze la, i annan bann transformasyon ki pe arive - bann nouvo prodwi ki pe monte. E mon ti a kontan konnen ki rol *SIB*

dan sa bann nouvo fason fer la ki pe arive?

Ki mesaz ki nou annan deor, kekfwa pou bann dimoun ki dan lendistri zot menm, vi ki nou konnen parey mon pe dir ou, i annan bann nouvo prodwi ki pe monte. Eski *SIB* li menm li pe fer ase lenstans pou antre ladan, dan son formasyon promosyon li menm?

E mon dezyenm kestyon, mon ti a kontan osi koz lo en pe lo nou pe koz en pe plis lo *food processing* - en bann biznes ki mon krwar Sesel ti merit al ladan en pe pli avan. Vi ki nou antoure avek delo sale. So mon ti a kontan konnen an se moman ki nou pe koze kantite Seselwa ki montre lentere, pou antre dan sa sekter li menm.

Sa nou pe koz *aquaculture* osi si nou ti kapab azout avek. E kantite *foreign investors* osi kekfwa ki pe montre lentere pou antre Sesel lo la. Mersi.

### **MR DEPUTY SPEAKER**

Mersi. De kestyon tre spesifik. *Panel?*

### **MINISTER DEVIKA VIDOT**

Mersi Mr Chair. Mersi Onorab pou ou bann kestyon. Mon pou konmans - mon ava konmans par abord *food processing* e lentere. Onorab, an se moman i annan lentere,

me selman i osi i annan serten *challenges* ki vin avek *food processing*.

E sa i pa selman aköz i manze, me selman i zeneral - i en keksoz zeneral ki bann antite ouswa bann aktivite ekonomik, ki santralize otour prodiksyon *manufacturing* zot fer fas avek.

E sa se kou prodiksyon. Sesel nou kou, nou *cost of labor* i dir nou *wage* i enn ki ase o konpare avek larezyon. Alor sa otomatikman i fer kou prodiksyon monte. Nou *cost of utilities* osi - elektrisite - i ase o e alor sa osi i fer i ede avek kou ki fer li ogmante.

Lot faktor pli enportan ankor, an se ki konsern prodiksyon lokal, se ki nou depan bokou lo lenportasyon pou nou kapab *process* li isi. E la ankor i vin en lot kou adisyonnèl kot ou bezwen fer vini materyo de baz ou bezwen pey *freight* ensidswit. So *already* ou kou i fini, i fini ase eleve e nou *rely* en kantite lo la.

Pou *packaging* osi pou sa bann keksoz pou met li dan bann *containers*, pou fer son bann *packaging*, sa osi i en kou ki ase konsiderab, ki sa bann *processors* ouswa sa bann *manufacturers* zot fer fas avek.

So mon'n fini liste ankor. E byensir Sesel konman en Pti Leta Zil - konman en pti pei,

nou annan limitasyon an se ki konsern lespas.

Normalman letan ou pe *manufacture* -en *manufacturing* lakonpanyen i pli fasil pou li fer son profi letan i pe fer en lo en pli gro baz, en? Savedir *on a large scale*. E lefe ki nou restrikte an term later, i annan en serten limitasyon ki en faktori Sesel i kapab arive.

E byensir letan ou pran konsiderasyon osi faktor lanvironnman ki asosye avek sa, i annan en serten restriksyon ki nou kapab ale an se ki konsern *manufacture*. So sa en pti pe bann *challenges*.

Me selman ki nou, ki nou pe sey *work out*, pou nou promouvwar prodiksyon lokal, se ki nou anvi etabli en sistenm plizoumwèn parey en *network*. Kot nou, nou pa pou bezwen en sel landrwa pe *manufacture the bulk of everything*, me selman si i ava i annan bann ptipti landrwa.

Me selman letan nou met ansanm pas atraver en sel prosedir, ki ava ganny resevwar par en sel antite e li i ava fer - i ava met *the finishing touches* ensidswit. E la i ava pli, i ava pli fasil pou sa arive.

I annan - mon a pas laparol avek *CEO SIB*, i a donn ou en pti pe lo statistik an term lentere. Apre i a pas en pti pe lo sektè finansyel, me

selman zis pou fer resorti poudir lenportans pe ganny mete lo sekter finansyel.

Dan son ladres Bidze Minis Hassan, ti nonm serten demars ki zot pe fer, pou amelyor zisteman lanvironnman sekter finansyel. *Unfortunately* kot Sesel ti'n arive, nou'n ariv nou en pwen kot nou bezwen revwar sa *framework*, sa kad legal anba ki nou ti pe *operate*. Parske nou'n ganny - nou bann *ratings* pa ti vreman byen.

E alor nou bezwen travay pou nou *improve* sa bann *ratings*, *improve* nou *rating* pou nou kapab relans nou lekor e fer nou vin *marketable*.

E *SIB* i pe travay etrwatman avek *FSA*. Ms Anne i aktyelman en *Board member* lo *FSA Board of Directors*. E lannen prosenn i annan serten aktivite osi ki zot pou al antreprann an kolaborasyon - mon ava les li elabor en pti pe. Mersi.

### **MR DEPUTY SPEAKER**

Mersi. *CEO*?

### **CEO ANNE ROSETTE**

Mersi Mr Chair. Mersi Onorab pou ou kestyon. Parey Minis in dir, nou travay tre etrwat avek *Financial Services Authority* – (*FSA*).

E nou antite ki promot ki fer zot bann aktivite

promosyon annefe. E nou ti annan en aktivite lannen dernyen avek zot. Nou ti al promouvwar zot *Dubai*.

E sa lannen ki pe vini nou annan de aktivite ki nou'n met dan kalandriye, ki nou pou fer bann - dizon promosyon lokal avek nou bann investiser ek lendistri lokal. E nou pou envit bann, bann investiser ki aletranze si zot anvì partisipe osi.

E nou kontinyelman annan bann kontak tre pre lo en nivo - dizon *weekly or monthly* avek *FSA* - aköz zisteman tou zot bann aktivite promosyon nou ki zere dan nou seksyon *marketing*. Ki, nou delivre zot program *marketing* ki'n ganny etabli pou sa lannen.

Lannen pase nou pa'n fer gran keksoz zisteman aköz deliberasyon lo zot Bidze, ti en pti pe dernyerman ki nou pe ti ganny sa laprouvasyon pou nou kapab egzekite. Me nou'n fer - parey mon dir aktivite o mwan Oktob nou ti Langleter pou promouvwar *the financial services sector* dan *ASIF*. E nou ti ganny bokou lentere sirtou sorti kot nou bann dizon al antour bann rezyon Moris.

E nou, nou pe diskit lo sa bann *outcome* ki nou'n gannyen, pou nou war ki mannyer nou pou enplimant dan nou bann *forum* dan pli

tar ler nou pe *market* sa lendistri.

Nou'n osi ganny en kontak avek bann *stakeholders* - dizon *the industry itself* Sesel - zot annan zot lasosyasyon ki zot in annan kontak avek nou.

Nou'n fer en *meeting* ziska prezan e sipoze ganny rankont re rankontre la o mwan Desanm, pou nou finaliz plan pou lannen prosenn. So sa en pti pe ki nou pe fer pou *financial services*.

#### **MR DEPUTY SPEAKER**

Mersi *panel*. Nou ava pas aprezan laparol avek Onorab Lemiel.

#### **HON SYLVANNE LEMIEL**

Mersi Mr Chair. Bonzour Minis avek ou delegasyon. Minis mon war ki pandan lannen 2023, ou annan en *approved new spending initiative*.

E ladan mon konnen ki zot pe mazin pou zot fer promosyon lo *foreign, direct and local investment*. Met en pti pe plis lanfaz lo la, pou ki i kree serten lenpak lo kote *SIB*. E mon konsern i lo sa pwen limero 5, kot zot ti'n konmans fer en *sort of mapping exercise* dan bann distrik.

Kot pou zot idantifye bann landrwa kot *either foreign or* Seselwa zot menm,

zot kapab fer bann *investment* li menm idantifye later.

So mwan, mon ti a kontan konnen ki zistans petet zot in arive avek sa *mapping exercise*? Eski zot in fini eski i annan ankor pou zot fer ki pou tonm en pti pe anba sa R750mil ki zot pe demande pou lannen 2023? Mersi.

#### **MR DEPUTY SPEAKER**

Mersi Onorab. De pwen pou *panel*. *CEO*?

#### **CEO ANNE ROSETTE**

Mersi Mr Chair. Mersi Onorab pou ou keston. I vre ki sa lannen zot tou zot in war nou en pti pe bann Onorab dan lasal kot zot. Nou tim *marketing* e menm mon parfwa an atandans pou sa bann *meeting*.

Nou ti le vremen ganny en *feel* ki bann loportinite i annan dan nou bann distrik - akoz ler mon ti pran pos konman *CEO* lannen pase mon ti war poudir i annan bokou demann ;- dimoun ki ti pe apros nou direktman - bann endividi - e menm zot menm parfwa pe demann nou ki mannyer nou pou asiste zot ek zot bann dimoun dan distrik.

E nou ti dir nou bezwen annan en fason striktir ki nou fer li. E la nou ti etabli bann *meeting* pou nou kapab zwenn zot, epi dekouver swa landrwa,

swa bann aktivite ki zot, zot krwar i devret ganny promouvwar.

Ki nou'n fer nou'n annan la nou annan nou *database*. I annan finalman last report ki mon ti annan. Ti annan petet en distrik mon krwar i pa ti ankor finalize, me petet in finalize ziska prezan, aköz mon ti fer sa *review at the quarter 3 which was end of September*.

So la Desanm mon a war si sa dernyen de distrik ou enn ki ti reste, in *come onboard*. So nou pou annan - mon krwar nou tim in deza kominik avek *back with feedback* ek en bonpe zot lo sa ki'n ganny diskite, pou laplipar.

E la ler nou fini etabli sa i konfirman, nou pou annan en lot *meeting* avek zot poudir zot la ki nou plan pou 2023.

So espekte nou byen boner Zanbye pe reganny kontak ek zot, pou etabli ankor la sa plan ki nou pou mars lo la avek zot pandan lannen, pou nou abord sa bann diferan size ki'n ganny monte.

Nou osi pe travay avek lezot *MDA* pou zot promouvwar dan distrik en? I pa zis selman avek zot. Nou pe travay avek Minister Tourizm pou diversifikasyon. Nou'n deza annan en *meeting* tre pros *High Level* mwan menm Minis avek Minis Tourizm

avek *PS*, pou idantifye bann *low hanging fruits* ki nou apele - pou nou kapab kre sa lanvi devlopman dan bann distrik, lo bann loportinite ki annan pou rann - grosi dizon nou, nou lekonomi - pa selman lo nivo nasyonal me lo nivo kominoter. Mersi.

### **MR DEPUTY SPEAKER**

Mersi. Minis oule pran sa dezyenm kestyon. Ti annan en lot lo en sonm ki ou'n mansyonnen lo ... i konpri ladan *ok very good*. *So we'll move on to the next* entervenans e mon ava kriy Onorab Larue.

### **HON FLORY LARUE**

Mersi Mr Chair. Bonzour *panel*. Bonzour tou dimoun. Mon ti a kontan demann Minis, an relasyon avek program 2 *investment services* - zot dir nou ki zot pe, zot travay byen avek bann lezot antite *Investment Bureau*.

Mon pe regarde dan sa program kot zot fasilite servis, eski zot annan en Bidze pou *oversee* en pe bann kriter, ki dimoun i servi letan zot pe anmenn devan zot, zot proze, kot zot angaz Gouvernman lo en staz en pe pli boner.

Par egzanp, ozordi la *right now* i annan en *advert* kot zot pe *advertise* en bout later Takamaka 57mil met kare. E deza avek sa lavant,

zot pe dir ki Gouvernman in donn en garanti pou develop en lotel lo sa later. Sa *issue* nou'n deza rankontre li dan en *meeting* kot *Reef Hotel* - proze *Reef Hotel* ti pe prezant son proze.

E lo en *slide* sa bann investiser ti dir ki zot in ganny *pre approval* sorti *SIB* avan ki proze ti'n ganny prezante lo kote *Planning* e lo kote *Environment*.

Alor sa i fer ki nou ganny Gouvernman i ganny gete avek en lizye negativ dan lizye piblik, lefe ki en promoter i fer en langazman ki dir ki Gouvernman in donn serten garanti.

Eski sa i en keksoz - i annan en kantite later ki pe vann - eski sa en keksoz ki zot biro i regarde avan ki bann investisman i antre? Mon krwar kekfwa zot konpran en pe lo kwa ki mon pe demann zot. Akoz nou'n deza pas lo sa avan - eski i annan en larzan ki'n ganny mete dan Bidze pou sa?

En lot kestyon ki mon ti a kontan demann zot, i mon war ki en ptipti departman dan Minister, me solman i kle lo promot biznes enternasyonal e lokal. Ki mannyer ki nou pe sanz sa fasilite - pli boner nou ti demann kestyon lo fasilite finansye, ki letan en proze Seselwa i ganny anmenn

devan, ki sa biro i osi zwe en rol lo kote finansman.

Akoz kekfwa sa biro i kapab war ki i annan validite dan sa proze, ki mannyer li i kapab akonpany sa bann promoter - Seselwa sirtou - pou kapab ganny sa lenvestisman? Mersi.

### **MR DEPUTY SPEAKER**

Mersi Onorab. I annan de pwen la pou *panel*.

### **MINISTER DEVIKA VIDOT**

Mersi Mr Chair. Mersi Onorab pou ou de kestyon. Sertenman in annan si oule konfizyon, ouswa lekspektasyon, ouswa - mon panse sa in vin akoz lafason ki *SIB* ti ete avan - *Seychelles Investment Bureau*. E mannyer Lalwa ti ete e pre avek sa *move to Investment Board*.

E pou en pe la mon pe fer fas avek sa bann konfizyon, kot i annan sa lekspektasyon ki si in pas atraver *SIB* bann aplikan i panse poudir sa i en *stamp of approval* e zot in fini ganny en lotorite pou zot fer sa aktivite ekonomi. Me sa i pa le ka.

Ou bezwen kontinyen tou prosedir neserer e ou bezwen fer sir poudir ou ganny laprouvasyon bann departman konsernen pou ou kapab fer ou proze. Sa - mon krwar *SIB* dan son in realiz sa



- byensir atraver mon lofis osi  
- zot in fer en sesyon avek Lasanble Nasyonal e sa kalite ledikasyon i espekte kontinyen dan lannen ki vini.

Larzan in ganny met akote wi pou fer zisteman sa - pou fer sa bann tel kanpanny pou eksplik vreman rol *SIB*, par rapor avek sa ki bokou i, i pe krwar.

An se ki konsern finansman ; - i annan de proze an se moman mazer ki Gouvernman pe fasilite. E pou sa de wi nou pou zwe en rol tre aktiv avek, pou nou kapab *bridge* sa kominikasyon *between* labank e nou konman sa bann promoter.

E byensir *third party* sa bann devloper ouswa sa bann lenvestiser ki anvi antre dan proze. Me an se ki konsern bann envestiser prive, nou pou annan en serten limitasyon osi, parske nou konman Gouvernman nou bezwen konnen kote nou *draw the line* kot i konsern *liability*.

Savedir nou pou kapab donn tou sipor byensir me selman *at the end of the day* labank zot ki pou deside baze lo proze, kwa ki zot pou donn finansman wi ouswa non.

Pou bann *startups*, mon'n eksplike pli boner poudir i annan sa striktir, kot i annan bann lide inovativ kot zot pou ganny sa sipor. So sa nou kapab garanti.

Me pou bann lezot aktivite, ouswa bann biznes ki'n deza lanse e pe kontinyen, sa se labank ki pou kapab donn sa sipor ouswa - wi sa sipor final. Mersi.

### **MR DEPUTY SPEAKER**

Mersi *Minister*. Ou annan *follow-up* Onorab.

### **HON FLORY LARUE**

Plito en klarifikasyon Mr Chair. Mr Chair mon kestyon ti plito vize lo en *pre* - lefe ki zot fer - zot asiste en biznes en lide *prior to even* ki i vin en *proper* proze. E lefe ki sa biro - sa *Board* in *involve* direkteman avek lenvestisman ki pe ganny fer dan pei, ki souvan i bezwen later.

E i annan later ki sorti dan sekter prive e sa bann dimoun ki annan later ki pa ankor ariv kot zot, me selman pe servi later ki Sesel, pou promot zot lavant par garanti ki en proze i kapab arive lo sa later deza.

Ki fer ki zot pe *tarnish* sa laliny - letan zot pou *move* devan, zot in fini angaz en dimoun ki pou aste en later lo en fo preteks. Kot Gouvernman pa'n donner sa langazman. So i plito lo kote si zot annan en fason pou zot regard sa bann kalite later, aköz napa bokou later *over a certain size*.

Pou kapab penaliz en dimoun ki promot lavant son later an itilizan en garanti en proze, san pas dan okenn fasilite. Akoz i angaz Gouvernman dan en fason e i *blemish* nou dan lizye piblik. Mersi.

### **MR DEPUTY SPEAKER**

Mersi Onorab. *Panel* in konpran i pe koz lo sa zafer *pre approval* par *SIB*.

### **MINISTER DEVIKA VIDOT**

Mersi Mr Chair. Mersi Onorab pou kestyon. Mon konpran ou konsern e mon osi mon partaz vremen sa konsern. Annefe sa prosedir i sipoze sa ki *by the time* ou *submit* ou aplikasyon kot *SIB* i sipoze *more or less* en - si oule en *assessment* pou verifiye si ou proze i pa an konfli avek okenn bann Lalwa ki egziste dan Sesel.

E parey ou'n dir, bokou fwa sa prosedir i enn ki bann dimoun in i *mistake* li, pou ki zot in fini ganny en laprouvasyon e alor zot *free*. E i malere ki i annan ki pe servi sa konman en, en, en *bargaining chip* - si oule - pou zot kapab *market* zot bann later.

Mon ava les *CEO* eksplik en pti pe lo sa kanpanny ledikasyon, sansibilizasyon akoz sa ki nou kapab fer la se ki, edik dimoun dan marse kwa ki rol *SIB*, pou zot konnen

konmsi egzakteman ki sa laprouvasyon.

Nou pa apel sa laprouvasyon me selman en *feedback* ki *SIB* i donn zot ki sa i vedir pou zot. Mersi.

### **MR DEPUTY SPEAKER**

*CEO?*

### **CEO ANNE ROSETTE**

Wi mersi Mr Chair. Bonzour Onorab. Mersi pou kestyon. Nou'n apros sa kestyon an plizyer repriz e nou osi parey Minis in dir nou'n war sa konfizyon ki dimoun i annan.

Me selman si nou pe gete, bann ka ki pe vin kot nou la avan ler zot al dan sa prosedir parey ou dir depoz en proze, nou pe fer sa louvraz *already*.

Kekfwa i annan en pe konfizyon lo bann proze ki'n ganny aprouve dan lepase, ki prezan pe remonte, pe revini akoz *Covid* ou konnen in en pti pe desann prezan. Zot le refer zot proze vin *alive*, so zot pe vin avek sa bann kekfwa promes ki'n ganny fer dan lepase ki pa egziste konmela.

Konmela nou fer sa *pre check* si en dimoun pe vin kot nou pou demann nou, ki zot kapab fer lo dizon en lespas, eski zot kapab antre dan sa aktivite par egzantp. Si zot *allowable to enter into that activity* e nou, nou donn zot sa

*pre advice* avan ler zot *submit* en proze.

Akoz ki nou'n remarke osi, i annan en kantite dimoun i *submit* proze epi zot dezapwente. So nou pa le zot al ladan. Nou evite ki zot al dan sa gran demars. Nou sey *as much as possible* - mon pa dir ki i pa arive - me nou sey *as much as possible* gid zot, pou ki zot pa fer bann desizyon en pe ki pa - dizon realis - ou ki pa pou arive.

### **MR DEPUTY SPEAKER**

Mersi *CEO*. Nou a pas laparol aprezan avek Onorab Pillay.

### **HON SEBASTIEN PILLAY**

Mersi bokou. Bonzour *CEO*. Ankor enn fwa bonzour Minis avek ou larestan ou delegasyon. E bonzour tou koleg Onorab.

Minis pandan letan ki mon'n ekout bann diskisyon e sirtou mon'n ekout dernyen larepons lo kestyon ki fek ganny demande la, mon ti a kontan ou klarifye pou nou avek ou Bidze, ki ou pe fer si oule sa travay pou promosyon lenvestisman;- ou'n reponn bomaten poudir *Foreign Direct Investment* i R131 milyon.

So petet eski ou kapab donn mon *percentage FDI to GDP as we stand* ozordi, aköz i bezwen en lenformasyon ki zot pe garde - ki poursantaz *FDI to GDP* ozordi, pou nou

kapab konpare *whether or not* nou'n tann dir lekonomi pe *going on an upturn - whether* sa *rate of change* pe montre en *improvement*?

Apre dezyenmman, Minis ou'n koz lo de proze mazer ki Gouvernman pe *facilitate*. Mon ti a kontan konnen lekel sa de proze mazer ki Gouvernman pe *facilitate*? E *to what tune of investment* zot reprezante *in terms of* lenvestisman direk dan lekonomi? Mersi Mr Chairman.

### **MR DEPUTY SPEAKER**

Mersi Onorab. De kestyon.

### **MINISTER DEVIKA VIDOT**

Mersi Mr Chair. Mersi Onorab pou ou kestyon. Lo *figures FDI* mon ava pas avek *CEO* pou li reponn. Mon ava reponn en pti pe lo sa de proze ki mon'n fer referans avek. I annan de proze mazer ki Gouvernman pe fasilite pe kordinen, sa se *waterfront* - Proze *Waterfront* e proze Kato Nwanr. An se moman zot lo staz planifikasyon. Nou pe finaliz zot plan - konsep byen. E nou dan sa prosedir evalye sa kou finansyel ki i pe al avek.

Savedir pou le moman Onorab mon napa en *figure* pou donn ou aköz sa legzersis i ankor pe ganny fer. Mersi.

### **MR DEPUTY SPEAKER**

Mersi Minister. CEO?

**CEO ANNE ROSETTE**

Mersi Chair. Pou donn ou en *figure* egzakt *FDI to GDP*, ozordi i pa posib Onorab. Akoz nou *FDI* i dizon ganny *actualized the year after*. Si ou le i en lenformasyon ki nou kapab *make available to you* pli tar. Mersi.

**MR DEPUTY SPEAKER**

Mersi. Ou annan klarifikasyon lo la?

**HON SEBASTIEN PILLAY**

Mersi Mr Chairman. Mr Chairman ler mon'n ekout Onorab Gill apre mon'n ekout Onorab Larue, ki bann kestyon vreman pertinan, mon pa kapab ganny en konpran ki mannyer *Seychelles Investment Board* pa ankor kapab *in real time* donn nou *percentage FDI to GDP* la. Nou'n fini depas - - nou ti bezwen kapab donn pou *second quarter*. Nou pe al finisyon *third quarter* nou devret kapab.

Sa ki ou'n kapab dir nou se ki i reprezant 131milyon. Eski R131milyon? Mon krwar poudir i bezwen annan petet en travay ki ganny fer lo *capacity building* pou *Seychelles Investment Board*, an relasyon avek *managing real time data*.

Akoz ler mon pe regard lo *website World Bank* li, napa landrwa kot investiser pou kapab ganny sa lenformasyon. Akoz lenformasyon *World Bank* i baze pou 2021. E ler nou pe regard pou bann sif 2019 i *disproportionate*. Akoz nou'n annan sa 2an avek *Covid*.

So *SIB* i bezwen annan lenformasyon pou nou kapab konnen konman Lasanble, ki mannyer pei in *terms of* reveni pou performen, *in terms of* lenvestisman pou performen.

E menm ler mon regard dan liv Bidze, nou pa pe vwar okenn lenformasyon ki pe *capture* sa. So eski nou kapab ganny en leksplikasyon lo ki difikilte *SIB* pe rankontre pou li *maintain*? E gard sa bann lenformasyon dan en fason *real time*, ki ler nou demann sa bann kestyon nou kapab ganny sa bann lenformasyon.

Apre an pasan Mr Chairman, mon ti le zis demann avek ou, si eski bann lenvestisman ki nou ti pou fer dan bann kabri ki Prezidan ti koz lo la *Kenya* in materyalize? Oubyen zot ankor pe esper zot paspor biometrik? Mersi Mr Chairman.

(laughter)

**MR DEPUTY SPEAKER**

Ou kestyon i *out of order*. Letan Minis Lagrikiltir ti la, si

ou ti le sa larepons sa kestyon ou ti ava demande. So nou inyor son dezyenm komanter. Mersi.

(laughter and murmurings)

**MR DEPUTY SPEAKER**

Nou ava don *panel* en pti pe silans pou zot kapab reponn lo sa zafer *managing real time data*. Mersi.

**MINISTER DEVIKA VIDOT**

Mersi Mr Chair. Minis dan son deliberasyon, dan son lanons letan i ti pe fer Bidze, i ti deklare ki baze lo estimasyon ki zot pe fer *FDI* in ganny estimen apepre 230milyon Ameriken.

Me selman an se ki konsern *computing* nou bann *figures* pou *FDI*, Onorab nou krwar dan lapartaz resours e alor i annan Labank Santral ki touzour la, pou donn nou sipor pou zot kapab *compute* sa bann keksoz.

Alor mon pa pe konpran akoz nou pou al *duplicate* resours kan nou annan bann eksper, ki asiz kot Labank Santral ki kapab fer sa travay pou nou. Sa ki nou fer se senpleman kordin avek zot. E nou ganny sa bann *figures*. So sa larepons mon kestyon. Mersi.

**MR DEPUTY SPEAKER**

*Point of order?*

**HON SEBASTIEN PILLAY**

Mr Chairman mon oule *seek* en klarifikasyon. Ekspre mon'n not sa si ki *CEO SIB* in donn nou. E mon'n not sif ki Minister Finans in donn nou. E mon osi pe regard rapor *World Bank*. Apre i annan rapor detrwa lezot landrwa - *Lloyds Bank* osi i fer enn lo *foreign direct investment* lo bann diferan landrwa;- bann *investment hubs*.

Ki mannyer nou kapab ganny nou en Minister Finans ki donn nou en estimasyon. *SIB* dan Lasanble i vin donn nou en lot *figure*. E Lasanble napa lenformasyon konkret lo kwa ki reprezant *foreign direct investment* pou nou pei, lo en senp kestyon demande par en Manm Lasanble.

So Mr Chairman sa i en *matter of privilege* pou Lasanble ki nou kapab ganny lenformasyon ki korek. Bann antite ki vin devan nou, i bezwen domin zot lenformasyon. Minis 231milyon. *SIB* 131milyon. *Which one is correct* Mr Chairman? Mersi.

**MR DEPUTY SPEAKER**

Minis?

**MINISTER DEVIKA VIDOT**

Mersi Mr Chair. Mr Chair i paret mwan Onorab pa konpran definisyon estimasyon. Ler i fer en *forecast* estimen savedir i pa konkret. I pa en *figure* ki konkret Onorab. Sa ki nou travay lo la *forecast*.

So se sa rezon ki posibleman sakenn in travay lo zot *figure* ki zot in ariv lo la. Me selman annou les lannen fini. E la letan tou *figures* in antre, la sakenn antite i ava fer zot bann kalkilasyon. E zot ava ariv lo en *figure* ki *accurate*. E zot ava kapab partaz avek ou. Mersi.

#### **MR DEPUTY SPEAKER**

Mersi.

#### **HON SEBASTIEN PILLAY**

100milyon diferans -  
100milyon Dolar diferans?

#### **MR DEUPTY SPEAKER**

Sa ki nou pou fer – Ou vwar sa legzersis ki nou pe fer i en *learning curve* pou Lasanble aköz i selman 2an ki sa kote latab i dan Gouvernman. Sa kote latab i dan Lopoziyon avek en nouvo ladministrasyon ki vin devan nou. *It is a learning curve* ki nou aprann ansanm.

So, nou *take note* sa bann zafer. Nou osi konman Lasanble nou demann sa bann lenformasyon si nou santi poudir i bon pou nou. *Panel* ki

vini zot konnen sa i bann lenformasyon ki Lasanble i kapab demande, zot fer sir.

Me antretan dan lannen *this is why* toultan mon dir ki Lasanble in annan en labsans. Letan nou fini avek Bidze la, nou bliye Bidze nou, *but we need to revise* ki mannyer Lasanble pou *keep* en lizye lo Bidze pou ganny sa bann lenformasyon ki dizon Lopoziyon pe demande.

*And this is why* mwan personnelman mon krwar ki FPAC enn son bann rol, i merit elarzi pou anmas Bidze.

So ki – be solman Minis i le dir en keksoz. Be solman annou *take note* pou sa lenformasyon ki nou, nou amelyor nou performans konman Manm Lasanble. Mersi. *Minister*.

#### **CEO ANNE ROSETTE**

Mersi Chair. Mersi Onorab pou ou ensistasyon ki nou donn ou sa larepons. Parey nou dir, ler Bidze i ganny prepare i annan en lenformasyon - en *forecast* ki donner. So i pa pou neserman *the up-to-date* lenformasyon ki petet nou, nou vin avek ler nou fer deliberasyon dan Lasanble.

So sa *figure* ki mon pe donn zot, i fek tonbe sorti kot *Central Bank this week*. So - i sanmenm sa *the quarter three report*. E i pou annan en

diferans. E parey Minis in dir nou pe travay lo *forecast*.

**HON SEBASTIEN PILLAY**

*Sorry* mon pa'n sezi. So i annan en *figure* ki fek tonbe sorti kot *Central Bank* ki pou *quarter three*?

**CEO ANNE ROSETTE**

*Quarter three yes.*

**HON SEBASTIEN PILLAY**

E sa sif i?

**CEO ANNE ROSETTE**

Sa sif i *full year 199.56*.

**MR DEPUTY SPEAKER**

Me selman Lotorite Onorab nou pa kapab - Lotorite lo sa bann size nou, nou bezwen agree lekel ki Lotorite. E mon ti ava krwar poudir *Central Bank* ki nou al avek.

**HON SEBASTIEN PILLAY**

Mersi Mr Chairman. Mon pa oule al dan en deba avek sa antite. Be selman sa ki mon bezwen met lo rikord se ki *FPAC* nou ekrir Minister Finans, pou ganny lenformasyon lo *real time data*, lo ki mannyer serten antite pe performen.

I annan let ki nou'n fini ekrir vizavi bann antite ki nou pa ankor ganny larepons, sorti kot Minister Finans. So mon siport sa ki Chairman pe dir ki

– e i en keksoz ladan ki *FPAC* nou bezwen swiv.

Me i enportan ki Minister Finans osi i *forthcoming* ek lenformasyon. Par egzanp nou'n demann *update* lo repeyman pou *FA4JR* - nou pa ankor gannyen lenformasyon. E nou'n demann sa en pe letan. Bann Manm *FPAC* i kapab ateste. Nou'n demann lenformasyon lo bann nouvo depans. Nou'n demande.

So san ki nou al dan en deba e mon krwar sa ki'n ganny dir, sa ki enportan se ki, fodre en *figure* ler i ganny donnen devan Lasanble, i *the most correct figure*. Parey Ms Tamatave ti dir - i pa le *speculate*. Ou donn nou en *figure 131* – ou donn nou en *figure – 131* premye lo kestyon Onorab Gill. 190 lo dezyenm e Minis li i fer en *guess estimate* lo 231 milyon.

So pou mwan i konsekan ler nou fer sa bann *statement*. Mersi Mr Chairman.

**MR DEPUTY SPEAKER.**

Mersi e mon krwar i ava en osi en loportinite letan Minis Finans i vini pou nou klarifye sa. Akoz zot ki Minister ki reste avek nou *throughout the budget process*. Donk nou ava bouze lo la. E nou ava kriy aprezan Manm Elekte pou distrik Anse Aux Pins.

**HON CLIFFORD ANDRE**

Mersi Mr Chair. Minis, *CEO*, bonzour. Tou dimoun ki a lekout bonzour. Minis mon'n ekout repons e kestyon ki'n ganny poze par Onorab Larue e mon osi mon konsernen avek sa. Akoz sa devlopman laba i tonm part kot Anse Aux Pins e part Au Cap.

Mon konsern se ki, letan en *approval* oubyen *pre approval* mannyer nou apele, i ganny donnen e napa en *disclaimer* ladan ki dir ki poudir *unless* ou fer serten keksoz.

E normalman letan en let i donnen i dir *approval has been granted in principle, subject to a,b,c,d*. So si mon pou lir Angle oubyen si sa dimoun i lir Angle an prensip i pe get sa. So kekfw a i annan sa fason ki sa i ganny *issue*, ki fer sa bann dimoun al dan bann depans adisyonnèl.

Aprezan letan i vini i pa pe ganny en repons lo sa bann keksoz ki i pe soumet. I fer fristre en investiser. Sa devlopman *Reef Hotel* i annan 3an i lo latab.

An prensip mwan letan in diskit ek mwan in dir mwan i annan lan in ganny *approval* anba en ladministrasyon. E 2an in ganny *approval* avek en lot ladministrasyon. Sa ki li i dir mwan.

So mon ti a kontan kekfw nou donn li en repons dir li ou pa pou kapab fer sa.

Oubyen ou pou kapab fer sa, sa, sa. Koumsa i konnen kote i pou ale, ki mannyer i pou fer. Sa i enn.

Apre *CEO*, eski *SIB* pe ankouraz oubyen promot en lenvestisman dan *reclamation*? Akoz i annan en *study* ki'n ganny fer an term kote ki *reclamation* i kapab ganny fer kot lakot les.

Alors eski nou pe rod investiser ki kapab vini? Akoz mon okouran i annan ki enterese vini. Investir ladan, epi i ava annan en negosyasyon avek Gouvernman - si ou donn mwan en parti sa later - e li i fer en devlopman, ki definitivman Gouvernman i bezwen aprouve.

Akoz sa i pou met later disponib avek bann dimoun ki ozordi i le fer en devlopman ki later i en problem. Pou nou diversifye parey nou'n koze pli boner. Diversifye nou lekonomi. Mersi.

### **MR DEPUTY SPEAKER**

Mersi Onorab. *Pre-approval* e dezyenm kestyon lo *reclamation* depi bomaten. Mersi.

### **MINISTER DEVIKA VIDOT**

Mersi Mr Chair. Mersi Onorab pou ou de kestyon. Zisteman dan le pase ti annan sa let ki ti ekrire '*approval has been granted pre-approval.*' Be



letan mwan mon'n vini mon'n war ' *approval.*' E sa i en keksoz ki mon pa'n agree ditou avek. Parske i donn en fo lenpresyon.

An se moman let ki pe ganny sorti i pa fer referans avek '*approval.*' E en moman donnen osi zot ti apel li '*no objections.*' - '*We have no objections.*' E sa osi pou mwan pa ti akseptab ditou. E avek tim nou'n diskite.

An se moman let pa fer referans avek okenn sa bann term. I en *feedback letter.* Senpleman en *feedback letter.* So i annan sa ankor atase avek ledikasyon ki nou bezwen fer pou eksplike ki sa let i vedir.

Wi i annan ankor pou nou fer, pou nou kapab koz avek sa kliyan e eksplik li ki vedir sa komunikasyon ki dan son lanmen, letan in ganny sa let.

An sa ki konsern sa proze lo li menm, an se moman i pe *undergo sa assessment* ki Minister Lanvironnman i fer - *Environmental Impact Assessment.* E se sa letid ki pou determinen kwa ki i kapab fer, kwa ki i pa kapab fer. Alor nou pe esper sa letid pou nou kapab *advise* kliyan.

An se ki konsern konble, *reclamation* wi i annan lentere ki'n vini. Me selman sa Polisi pou *reclamation* i tonm kot Minister Later. Alor sa i pou

en Polisi Nasyonal ki zot, zot bezwen fer.

So nou lo nou kote nou zis ede pou administre Polisi ki vini. So nou bezwen kontinyelman kontinyen travay avek Minister Later pou sa. Mersi.

### **MR DEPUTY SPEAKER**

Mersi *Minister.* Ou le azout en keksoz lo la?

### **HON CLIFFORD ANDRE**

Klarifikasyon Minis. Minis mon'n vwar dan ou bann prozeksyon, oubyen ou bann plan ki ou'n mete, se pou fer en *one-stop shop of SIB,* ki mwan mon krwar sa i en bon lide.

Me selman parey ou'n dir nou, ki i annan en letan ki zot esper en proze pas atraver serten keksoz ki *environmental impact assessment.* Eski zot kot *SIB* zot annan en *timeframe* ansanm avek Minister Lanvironnman ki zot mete lo en response pou kapab ganny donnen? Akoz *the issue is not what you can do or what you cannot do.* *The issue* i sa response ki *forth coming* ki *never comes.* Mersi.

### **MR DEPUTY SPEAKER**

Mersi Onorab. *Minister?* Or *CEO* pou reponn. *Timeframe?*

### **CEO ANNE ROSETTE**

Mersi Mr Chair. Mersi Onorab pou ou kestyon. An se ki konsern *timeframe* SIB i annan son bann *timeframe*. Pou bann *small project* nou *timeframe* i de a 5 zour. E bann gro proze plito nou dir 15 a 30 zour. Me selman ler i fini pas kot nou dizon in al fer dan sa faz *EISA* i tou depan lo *SLA* sa Departman, ok? Selman nou, nou kontinyelman annan kontak avek sa lenvestiser.

An plis *EIA* son *timeframe* i dan Lalwa, ki Departman Lanvironnman ki Lotorite lo la. So nou, nou kontinyelman angaze avek sa lenvestiser, pou swiv ki pe arive. I pran letan. Sa travay i *involve* en konsiltasyon piblik. E i *involve* bann *back and forth as well*. Bann rapor ki ganny delibere.

Dan sa enn ka parey ou dir, i annan sa letan ki in pran. Be nou pe kontinyelman swiv avek Lanvironnman ki staz, kan zot pou ariv lo en desizyon pou finaliz zot rapor.

### **DEPUTY SPEAKER**

Mersi *CEO*. Nou ava pas laparol avek Onorab Vidot.

### **HON AUDREY VIDOT**

Mersi Mr Chair. Zisteman Mr Chair mon pe regard dan *current challenges*, ki zot in mete i annan sa *delay* dan *response* pou bann *Referral Agencies*.

Pli boner letan Minister ti la, mon ti demann sa kestyon ek Minis. I dir wi i annan sa prose. *SIB* i rankontre sa bann difikilte. Me mon pa pe vwar dan zot *strategic priorities*, petet ki mannyer sipor oubyen nouvo fason fer petet pou ede adres en pti pe sa defi. Pour ki ava vwar en pe plis vites an term sa prose.

E osi ki parey bann ki dan bann distrik spesifik, i annan ban lenvestisman. Lotorite osi i ganny en *feedback* dan en dele letan. Pou konnen si vreman sa proze pou ganny materyalize oubyen non.

Aprè dezyenm, mon ti le demann avek *panel*, i annan bann langazman ki swa Prezidan oubyen Minis pou *Foreign Affairs* i fer resorti. Ki letan i annan bann vizit ki ganny fer aletranze, kot i annan avek bann Pei Zanmi i annan bann Lakor. Oubyen parey bann loportinite pou lenvestisman.

Mon'n tann mansyonn lo kabri, enn. Me i annan lezot ankor. Me nou pa pe tann lo kote *SIB* vreman si i annan en kordinasyon avek sa lot Minister, pou vwar si sa loportinite ki Seselwa pe ganny dir i annan, pou zot investir oubyen sa bann Lakor pou donn vreman vwar – sa bann prodwi ganny materyalize Sesel.

E ki pe arive avek *SIB*. Zot pe pran sa bann keksoz serye oubyen zot pe regard bann lezot lenvestisman deor. Aparad ki sa bann promes ki Seselwa pe ganny dir i annan sa bann loportinite. Mersi.

### **MR DEPUTY SPEAKER**

Mersi Onorab. E ankor enn fwa pou Lasanble i annan bann Komite par egzanp *IAC*, ki kapab fer swivi lo bann – parski mon rapel depi lontan lavyann ti pou al serse Botswana, ler nou ti dan 6em Lasanble.

E mon pa vwar laliny Bidze ki mannyer sa bann kestyon pou ganny reponn. Mon pa konnen ki obsesyon i annan avek kabri. Mon ti vwar en bann pe danse lo *court Grand Anse*. *Panel* sey donn nou e larepons sa bann kestyon.

*(murmurings off-mic)*

### **MINISTER DEVIKA VIDOT**

Mersi Mr Chair. Non, nou travay i etrwatman avek Minister Zafer Etranzer. E letan i annan bann levennman, ouswa bann levennman ki pou promouvwar lenvestisman aletranze, nou osi pas sa avek sekte prive.

E nou donn zot sa loportinite pou zot asiste, aköz byensir zot ki pou benefisye

avek sa bann keksoz. Annefe i annan serten demars ki nou'n fer pandan lannen, kot i annan bann dimoun dan prive ki'n kapab ale, al partisip dan bann ekspozisyon ensidswit.

Tou resaman osi si nou pe koz diversifikasyon lekonomi, si nou pe koz loportinite, ti annan en tim bann O Zofisye Gouvernman, ensi byen ki bann *staff* ki sorti dan diferan departman konsernen, nou ti al en *trip*, en *learning mission* - en *mission* kot nou'n kapab fer lesanz osi *Singapore*.

E sa osi in ganny *facilitate* atraver Minister Zafer Etranzer, kot zot in donn nou sa sipor. E nou'n kapab kordin sa *trip*. Nou pe plan enn la pou nou al *La Turquie*, konmansman lannen prosenn. Ankor sa i montre sa bann partenarya ki nou annan, avek Minister Zafer Etranzer, kot nou pe rod fason pou nou kapab *market* Sesel.

Ouswa rod loportinite ki i annan dan sa bann lezot pei epi pou nou anmenn li. I annan en lot *avenue* osi ki pe vini atraver *African Continental Free Trade Area Agreement*. Ankor sa enn byen siporte par Minister Zafer Etranzer.

Parske zot ki ed nou pou kordin tou keksoz. Annefe zot asiz lo en Komite *High Level*, zot reprezantan, ki zot osi zot

bezwen byen *involve* dan sa bann prosedir negosyasyon.

Alor ler in ariv ler pou nou *operationalized* sa bann Lakor, zot pou zwe en rol kle ladan. Mersi.

**MR DEPUTY SPEAKER**

Mersi. Ou annan klarifikasyon?

**HON AUDREY VIDOT**

Yes Mr Chair. Minis pa'n reponn mon premye kestyon. E mon mazine petet osi lo komantr Mr Chair, mon a les IAC regard sa zafer kabri. Mersi.

**MR DEPUTY SPEAKER**

Minis ou rapel premye kestyon?

**MINISTER DEVIKA VIDOT**

Mersi, si i pe fer referans avek kabri. Ankor Departman Lagrikiltir ti la, zot ti'n merit sezi loportinite demande ki demars zot pe fer an sa ki konsern sa. Mersi.

**MR DEPUTY SPEAKER**

Mersi. Oule reponn ou premye kestyon?

**HON AUDREY VIDOT**

Mr Speaker si Minis ti pe ekout mwan, mon premye kestyon i referans avek dan zot *strategy*, mon pa pe war ki mannyer, zot pe adres sa zafer *delay* dan bann repons. Mersi.

**MR DEPUTY SPEAKER**

Anr Ladministrasyon Distrik.

**MINISTER DEVIKA VIDOT**

Mersi Mr Chair. Eskize Onorab pou mwan mank sa morso. *Ok*, pli boner bomaten mon ti pe eksplik en pti pe, sanzman dan stratezi ki Minister in antreprann, an sa ki konsern kolaborasyon avek bann departman Minister.

Nou annan sa *High Level - Policy Review Committee* ki annan tou bann *heads*, bann departman ki asiz lo la. Ki reprezant bann *Referral Agencies* ki dil avek lenvestisman, ki mannyer laplikasyon i pase, i ganny laprouvasyon ensidswit.

Me parey mon'n fer resorti, mon pa satisfè avek progre, ki sa Komite in anmennen. E se pou sa rezon ki nou pe apros li en diferan fason. Kot la an se moman nou pe kolekte statistik, lenformasyon, *cases* - ki nou pou kapab met devan sa bann Minister konsernen. E zot ava kapab pran aksyon, spesifik, ki pe abord bann problemn spesifik.

E *SIB* son rol ladan osi, i zwe en rol aköz li osi i en antite ki anmas bokou sa bann laplikasyon biznes. E alor zot fer nou ganny tou lenformasyon, dan *database* ki nou ogarde.

E an menm tan nou osi kot Minister, nou resevwar bokou ka, so nou pe kol ek tousala e *SIB* i asiz lo sa Komite li osi. So nou ekspekte ki nou kapab kontiny sa travay.

An plis ki sa Onorab, si i annan serten demars ki nou bezwen anmenn pli o, sa prezan nou pou fer li dan laform en *Cabinet paper*. Ki nou anmenn kot *Cabinet level* pou adrese, mersi.

### **MR DEPUTY SPEAKER**

Mersi Minister. Nou annan en dernyen entervenans lo sa *heading*, avan nou pas laparol avek *LGB*, mon annan en pti kestyon ki lasosyasyon bann *Bee Keeper* - bann dimoun ki fer dimyel Sesel.

E letan nou ti pe koz lo diversifikasyon lekonomi, zot oule konnen ki kalite sipor ki Minister Lenvestisman, Entreprenarya avek Lendistri i kapab anmennen.

Partikilyerman ki nou kapab promouvwar leksportasyon dimyel - pa an deor Sesel - me an partikilyerman servi marse touris par egzanp ki vin Sesel. Ki nou kapab vann en pe nou bann dimyel, ki aparaman vreman, vreman bon kalite ki sorti Sesel.

I annan *Bee Keeper* Mont Buxton e mon *MNA* Mont Buxton - Dirizan Lopozisyon i

a rapel, mon'n ganny elekte dan sa *seat 2* fwa silvouple. Mersi.

*(Off-Mic)*

### **MR DEPUTY SPEAKER**

*Panel* i ava reponn sa kestyon, mersi.

### **MINISTER DEVIKA VIDOT**

Mersi Onorab. Mersi Mr Chair pou ou kestyon. Zisteman nou annan bokou lenportans ki nou antase avek *Bee Keepers* e lendistri dimyel li menm. Annefe ki nou'n fer, nou ti fer en *meeting* zisteman anliny avek idantifikasyon sa sekter, koman enn ki annan loportinite ladan, pou nou eksplor en pe plis.

E Lasosyasyon *Bee Keepers* ti asiste sa *meeting*, nou ti fer enn santralize - *focus* zis pou zot, e nou'n sir pou dir *feedback* ki zot in donner, nou'n enkorpor li dan sa *investor map* ki nou pe travay lo la.

Savedir lannen prosen letan nou lans sa map, zot pou vwar egzaktman kote zot antre ladan. An plis ki sa Minister nou'n fer en demars pou nou prokir bann lekipman, avek sipor Minister Lagrikiltir.

Nou'n kapab aste bann lekipman pou zisteman teste, bann *properties* dan dimyel ki pou donn li son valer, ki i

kapab ganny mete lo marse, avek sa pri ki nou konnen nou dimyel i annan bokou valer. E alor nou ekspekte ki espesyalman, bann touris ki konn valer dimyel, zot a kapab aste li a en pri pli eleve.

Teknik ki nou pe servi ouswa en nide si oule, ki nou pe itilize se servi bann touris. E nou konnen pou dir nou marse touris, i plizoumwen targete bann dimoun sorti Lerop.

E bann Alman, bann dimoun sorti Lafrans nou ganny bokou Alman - bann viziter Alman ki vin Sesel e Lalmanny i enn bann pei ki zot, zot enport plis dimyel. Alor deswit la ou vwar pou dir, baze lo nou bann viziter ki pe vini, i annan en demann e i pou annan sa demann, pou aste dimyel.

E sa bann viziter zot pou vremen konnen, ki valer ki atase avek dimyel lokal. So nou anvi kontinyelman ankouraz *Bee Keepers*, pou zot kontinyen dan sa domenn. Me selman byensir nou konnen pou dir i annan limitasyon an term, later ensidswit.

E aköz *Bee Keeping* i en keksoz ki vremen sansib. I en aktivite ki vremen sansib e tousala pou nou met tousala an konsiderasyon, i vin avek son bann *challenges*. So nou pe travay lo en striktir byen kordinen pou zot. E nou ava

pran kontak avek zot, letan nou'n pare pou nou prezant avek zot nou plan, ki pou boner lannen prosenn. Mersi.

### **MR DEPUTY SPEAKER**

Mersi Minister pou sa larepons. E enn bann sizesyon se pou servi bann laferm;- savedir en kolaborasyon avek Minister Lagrikiltir, se ki si sak laferm i annan en koloni mous. Aköz i osi ede pou fer laferm vin pli prodiktiv. Onorab GeorgeS.

### **HON BERNARD GEORGES**

Mersi Mr Chair. Mr Chair mon annan en pti kestyon, me avan sa mon konnen bokou dimoun pa kontan ler nou felisit Minis.

E avan mon felisit Minis bomaten, permet mwan silvouple felisit 2 group dimoun. Premyerman mon ti a kontan felisit parti *US* pou lefet ki, apre bokou piblisite ki zot in fer lo televizyon, lo radyo, isi menm dan sa Lasanble,

Zot in kapab anmenn 200 dimoun dan lavil Victoria Sanmdi pase.

**(APPLAUSE)**

### **HON BERNARD GEORGES**

Dezyenmman mon ti a kontan felisit sa 99mil 800 Seselwa, ki'n deside ki en Sanmdi bomaten i preferab reste kot

lakour, fer en pe travay, pou li al rod Lorloz anvil.

Trwazyenmman Mr Chair, mon ti a kontan felisit Minis e *SIB* pou sa travay ekstraordiner, egzanpler ki zot fer. *SIB* i en model pou nou pei. E mon dir sa Mr Chair pou plizyer rezon.

Premyerman zot annan en biro ki akeyan. Zot annan en *website* ki alaoter e performan. Zot annan en *personnel* - en *staff* ki pro aktiv e ki reponn bann demann.

Mwan personnelman, *CEO* i konnen resaman nou'n bezwen travay lo en dosye ase konplike ansanm. E dan en pti lespas letan, zot in kapab trouv solisyon pou en *bottleneck* ki ti annan.

E sa ki pli enportan se ki, se pa mwan ki ti bezwen tay deryer zot. Me se zot ki ti telefonn mwan tanzantan, pou dir mwan nou pe ganny en pe retar, Me la, la sa ki nou pe fer. Donk Minis, *CEO* avek ou tim *bravo, keep up the good work.*

Zot osi Mr Speaker *SIB* en lorganizasyon pro aktiv, dan bokou keksoz. E mon konnen la, mon koz pou plizyer Manm lo tou lede kote latab - zot in pran sa linisyativ *recently* pou anvoy enn zot zofisyè, ver bann distrik pou vwar ki mannyer zot kapab ed nou, travay pou idantifye bann landrwa kot bann distrik zot menm zot, zot kapab trouv

bann loportinite pou lenvestisman.

E dan mon distrik ou ava permet mwan 2 parol Mr Speaker - mon bezwen dir ki zot in permet nou realize ki non selman, Les Mamelles i pli zoli distrik isi Sesel, parey mon dir - avek 2 *viewing point* pli zoli, *including* sa enn kot kannal lanmor.

Me osi i en landrwa kiltirel avek son *trail*, tou dilon larivyer. E istorik akoz ansanm avek Onorab Uranie, nou annan sa 2 *Chateau* ki reste enn La Digue, epi *Chateau Mamelles*.

Alor Mr Speaker sa in permet nou valoriz nou distrik. E mon konnen menm keksoz pe pase dan tou bann lezot distrik.

Alor mon kestyon apre tou sa lentrodiksyon se, *SIB*, *CEO*, Minis, si zot fer en *self-assessment* ozordi, apre tou sa ki nou'n tande ozordi, eski zot pou dir ki zot alaoter? Oubyen *there is still room for improvement?*

E si i annan *room for improvement*, dan ki fason ki zot kapab *speed up the ease of doing business*. Sirtou dan domenn lenvestisman?

E dezyenmman, eski i annan okenn partner, ki pe *let zot down?* Ki pe *slow down* zot travay? Ki pe anpes zot perform a sa nivo ki mwan, mon konnen zot perform. E ki

lezot dimoun i ti a kontan ki zot perform.

*Voila* Mr Speaker, mon ti a kontan si *CEO*, oubyen Minis i kapab ed mwan e ed bann investiser potansyel, avek sa de pti keston. Mersi Mr Chair.

### **MR DEPUTY SPEAKER**

Mersi Onorab Georges. Nou a donn laparol *panel* pou larepons.

### **MINISTER DEVIKA VIDOT**

Mersi Mr Chair. Mersi Onorab pou ou bann mo lankourazman. Felisitasyon, nou vremen apresye lo kote latab isi. Lefe ki ou rekonnet travay dir ki *staff* i met dan zot travay.

E byensir parey nenport ki demars, ki travay, i touzour annan lespas pou nou *improve*. Pou nou vin pli byen, fer pli byen dan sa ki nou pe fer.

Mon pou dir ki byensir i annan dekourazman, letan nou ki la pe siport en kliyan, ki konpran, ki asize, ki pas letan konpran bezwen en kliyan. Me selman letan nou pe pas sa dosye, avek en lot Minister en 1 lot departman, zot, zot pa pe neserman konpran, sa irzans ouswa zot pa neserman konpran sa aktivite dan tou son lansanm.

Ki mwan mon krwar i kapab en keksoz, ouswa en

*area of improvement* ki nou kapab fer, se ki dan sak Minister nou devret pe kapab dedye en departman. Ki *focus* pou asiste, pou siport bann laplikasyon letan i vin kot zot.

Akoz pou le moman problem ki nou pe fer fas avek, se ki bann Minister zot annan zot louvraz, ki zot konsider li koman primer, sa zot louvraz toulezour. E zour konsider bann laplikasyon ki vin kot zot, koman segonder.

E alor zot pa pe met tou resours, zot pa pe met tou latansyon lo sa bann laplikasyon. E prezan nou, nou ganny sa - lo nou kote nou ganny sa retar. E byensir nou, nou bezwen prezan dan en fason vremen ankourazan.

Nou bezwen kontinyelman ankouraz sa lenvestiser, pou gard li ankouraze, pou li kontinyen dan sa laliny. E alor sa mon krwar nou pli gro defi. E mon krwar si nou kapab aranz sa, byensir i annan serten bann Lazans.

Ouswa bann Departman Gouvernman, ki zot pou antreprann zot prop *licensing* tre byento;- Tel parey ki *Public Health Authority*. So lanni ki Gouvernman pe anmenn ladan, se ki *Public Health Authority* i anvi ki li ki annan bann lekspertiz, i annan tou sa konesans pou li siperviz, dizon bann klinik prive, zot ki



bezwen al fer tou *assessment Licensing Authority* i zis la koman sa *licensing body*. Zis i sa dernyen *administrative step* avan en dimoun i ganny son *license*.

E alor sa bout ki pou *involve Licensing Authority*, pou sorti konpletman. E tou keksoz pou ganny fer by *Public Health Authority*. E byensir i annan bann ka legal, ki bezwen vin avek sa. E alor zot pe travay lo sa bann keksoz.

En lot antite par egzanp i *SMSA*, ki i li siperviz bann aktivite la marin. E li osi i pou annan posibilite donn *license*. So nou pe espere ki sa i ava ede pou *speed up* en pe bann keksoz.

Me tou deswit, si ou ti pou demann mwan en keksoz ki ti pou *speed up*, se met resours dan sa bann Minister dedye, ki konpran lenportans letan en laplikasyon i vin devan zot. Ki konpran lenportans pou dir sa laplikasyon i pa zis en louvraz, me selman i afilye avek en aktivite. I afilye avek en potansyel pou pei ganny larzan, anmas reveni.

Pou ou frer ou ser vin en pe pli ris ogmant zot larises, viv en pe pli byen. Se sa ki vedir letan en laplikasyon biznes i vin devan ou. Se potansyel. Ou, ou pe anpes en dimoun progresse.

So, si nou tou nou ti zis pran de trwa minit, ganny en konpran sa konsepsyon, *then* i ti pou anmenn nou *a long way*. Me selman mon krwar pou le moman, se sa diferans dan konsider louvraz koman, sa i mon louvraz primer.

Me selman sa lot i segonder e alor pa tou latansyon ki pe ganny mete lo bann dosye ki vin devan zot. Mersi.

### **MR DEPUTY SPEAKER**

Mersi *Minister*, ki'n anmenn nou zis ler pou kapab aprezan pran vot lo alokasyon pou *Seychelles Investment Board*, Ki trouve lo paz 548 a 554 pou en son R9milyon 617mil.

Tou bann Manm ki an faver endike silvouple? Mersi, okenn Manm ki kont? Mersi. E mersi Madanm Clerk.

Vot pou *Seychelles Investment Board* pou en sonm R9milyon 617mil, i annan 27 Manm ki'n vot an faver, okenn Manm pa'n vot kont, 1 Manm in *abstain*. Donk sa vot i pase.

Nou ava remerci bann zofisyè *Seychelles Investment Board* ki'n avek nou pou bomaten. Nou pou retournen 2er apre midi. E 2er apre midi nou pou konsider Bidze *Industrial; Estate Authority*. E i annan bann zofisyè ki pou reste avek nou.

Pou le moman nou ava pran break ziska 2 er apre

midi, *Bills Committee* pe zwenn anler dan *Committee Room 3*.

**(BREAK)**

**INDUSTRIAL ESTATE  
AUTHORITYM (IEA)**

**MR DEPUTY SPEAKER**

Bonn apre midi tou dimoun, *welcome back*. Nou ava akeyir nouvo delegasyon ki'n zwenn nou la apre midi, sorti kot *Industrial Estate Authority*. Pou kontinyasyon nou staz komite *Appropriation Bill, 2023*.

Zot Bidze i lo paz 534 ziska 539. E *Industrial Authority* i annan li en alokasyon bidzeter ki pe ganny *propose* R60milyon 474mil. E bann zofisye ki'n fek zwenn nou, Minis pou Lenvestisman, Entreprenarya avek Lendistri Mrs Devika Vidot i reste.

Nou annan osi annan *PS* Mr Michael Nalletamby, son *Principal Secretary*. I annan Sef Egzekitiv *IEA* Mr Roy Collie. *Deputy Chief Executive Officer* Mr Barry Assary, I annan Ms Shierley Marie *Senior Accountant* ek Ms Selma Joubert ki *Human Resources and Budget Management Officer*.

E nou annan zofisye osi sorti kot Minister Finans, sa i Ms Tamatave avek Ms Adrienne. Byenveni zot tou.

Nou ava envit *Panel* pou fer lentrodiksyon, apre nou ava pran bann kestyon pou apre midi.

**MINISTER DEVIKA VIDOT**

Mersi Mr Chair, bonn apre midi Mr Chair. Bonn apre midi bann manm Onorab, e tou dimoun ki a lekout. Lotorite pou bann *zone* Endistriyel e sa antite ki responsab, pou devlop e zer sa bann *zone*. E bann lokasyon mikro antrepriz.

Bidze pou lannen 2023 i anviron R60.4milyon. Sa i reprezant en pti rediksyon konpare, avek *Revised Budget 2022*. Bidze 2023 i fer provizyon pou bann proze kapital.

An tou nou annan 3 gro proze ki nou pe antreprann. E apre i annan 4 bann pli pti proze. I enportan pou note, ki sa Lotorite in fer bokou progre, an sa ki konsern koleksyon bann aryeraz. Ziska le 25 Novanm nou'n reisi anmas anviron 65poursan, bann aryeraz ki date ki depi bann lannen presedan.

E avek sa Mr Chair, mon demann laprouvasyon Lasanble pou Bidze *IEA*, pou en sonm R60.4milyon pou en lannen 2023. Mersi.

**MR DEPUTY SPEAKER**

Mersi Minis Vidot. Bon lasal prezan i ouver pou kestyon E

premye dimoun nou ava kriye se Onorab Bastienne.

### **HON DESHEILA BASTIENNE**

Bonn apre midi Mr Chair. Bonn apre midi Minis avek ou delegasyon. E bonn apre midi tou manm Onorab. Minis dan *PSIP* i pe montre en sonm R5.5milyon, koman *bulk infrastructures* pou Ile Perseverance.

Eski ou ti kapab donn nou en pti pe detay, lo sa sonm? E ki mannyer pou benefisyè bann pti biznes dan Perseverance?

E mon 2enm kestyon i relye avek kestyon Onorab Clifford Andre pli boner bomaten. Kot bann pti antreprenè dan Ile Perseverance, zot ankor pe fer zot travay kot lakaz, lo vilaz dan kwen lakaz.

Tel parey garaz, zot pe *spray* loto, sarpantye. I annan ki pe repar bato e plizyer lezot aktivite. Eski dan sa Bidze i annan provizyon pou kapab arive prepar teren lo kote kot *survey* i konsernen, pou ki bann antreprenè, anba *PPP* a kapab rantre pou soulaz bann pti antreprenè dan Ile Perseverance. Pou zot ganny en landrwa konvenab pou fer zot pti biznes. Mersi.

### **MR DEPUTY SPEAKER**

Mersi Onorab, mon'n not 2 kestyon. Spesifikman lo Ile Perseverance, *Panel*.

### **MINISTER DEVIKA VIDOT**

Mersi Mr Chair. Mersi Onorab pou ou kestyon. Zis en pti pwen klarifikasyon Onorab, sa ki mon annan dan mon Bidze, pou Perseverance pou *bulk infrastructure* i R1.5milyon par 5.5. Zis pou klarifye.

E sa i larzan ki nou'n fer provizyon, pou fer semen kot bann later Perseverance. Bann later endistriyel, so sa pou ganny antreprann. Nou ekspekte ki tou bann dokimantasyon, ki konsern pou fer *tender*.

Pou kapab ganny fer by milye Desanm. Koumsa koman lannen i komanse, 2023 nou pou kapab lans *tender*. E nou pou kapab demare avek sa proze.

An sa ki konsern bann lespas, pou bann biznes tel parey bann garaz ensidswit, pou zot ganny en lespas;- i annan en morso later parey ou okouran dan Perseverance, ki nou'n idantifye, pou fer en *Public Private Partnership*. E sa in fini ganny idantifye. I enn parmi sa 2 proze pilot ki nou pou al antreprann.

Lot distrik se Au Cap e pou sa *survey* i fek fini ganny fer. Nou fek fini ganny konfirmasyon avek *Planning*. Ki sa in fini ganny ferm, e se la

ki nou pou kapab prezan fer piblikasyon. Pou nou *request* pou bann proposal, pou bann dimoun ki enterese pou zot partisip dan sa proze. Mersi.

**MR DEPUTY SPEAKER**

Mersi Minister. Onorab Aglae.

**HON EGBERT AGLAE**

Mersi Mr Chair. Bonn apre midi *panel*. Minis mon oule en pe leklersisman. Ou'n dir ki ou'n kapab anmas 64poursan bann aryeraz.

Eski ou kapab tradwir sa pou nou, an term *figures*, konbyen Roupri nou pe koze la, -64poursan? E osi kantite ki reste pou ou kolekte?

Dezyenm Minis, dan le pase en kantite konplent in vin devan ouswa leokri in ganny koze, kot i konsern sirtou *zone Providence*, ki'n dir poudir, ti annan en pe dezord. E bokou bann *change of use* ti pe ganny fer.

E mon konpran pou dir ti annan serten desizyon, ki ti ganny pran par ladministrasyon osi, pou *met on-hold* serten sa bann kalite aktivite. So mon ti a kontan, ouswa *CEO* donn nou en pti pe leklersisman *what is being done now?*

E eski bann ki'n fer sa bann sanzman, baze lo devlopman ki zot sipoze pe fer. I annan serten aksyon ki'n ganny pran ek zot?

E ki pou arive a lavenir, si i annan okenn ki ankor reziste pou pa *abide* baze lo sa kondisyon *lease* ki zot ti'n gannyen. Pou zot kapab fer sa bann aktivite? Mersi.

**MR DEPUTY SPEAKER**

Mersi Onorab. 2 kestyon pou *panel*.

**MINISTER DEVIKA VIDOT**

Mersi Mr Chair. Mersi Onorab pou ou 2 kestyon. Pou klarifye bann aryeraz, so an 2021 nou ti kolekte - nou'n kapab kolekte anviron R10milyon an aryeraz.

An 2022 ziska mentnan nou'n kapab kolekte anviron R8milyon. Savedir i reste nou ankor 36poursan sa total pou nou kolekte, savedir anviron en R10milyon.

Me selman nou pe predir ki dan sa 10 i pou annan en serten konponan, ki nou pa pou kapab re kouver. Alor nou ava aziste pandan lannen 2023.

2enm kestyon an sa ki konsern bann lilitile *Providence Industrial Estate*, savedir *land use*, sa *estate* li menm, byensir nou okouran sa kantite dezord ki ti annan oparavan. E alor ki pe ganny antreprann la, se en odit, ki dan son staz pe konplete. Parske i enportan pou nou konnen, egzaktman ki bann

aktivite ki pe ganny fer dan sa estate avan.

Ankor i enportan pou nou etabli, kwa ki nou annan ki nou pe dil avek, pou nou kapab konnen egzakteman, ki desizyon pou nou pran, baze lo lenformasyon ki nou annan.

So sa ki pe ganny antreprann la, se en odit pou nou konnen ki bann aktivite, verifye, *cross-check* sa bann aktivite avek *lease agreement*, pou regarde si i *inline* avek *permitted use*. E de la *once* ki nou a kapab ganny sa bann rezilta nou pou bezwen asize koman lekip e evalye ki bann aksyon nou pou pran.

Byensir nou konnen i en *zone* endistriyel i bezwen serten konponan ouswa eleman bann servis ki siport sa *zone*. Me selman nou bezwen touzour etabli lord e alor i pou bezwen annan serten travay kot nou fer, ki swa nou pou bezwen fer *zoning*.

E nou pou bezwen met en limit lo lakantite ki bann aktive komersyal ki kapab ganny antreprann dan sa bann *zone*. Mon pa konnen si *CEO* i annan okenn keksoz pou azoute ? I *ok* mersi.

### **MR DEPUTY SPEAKER**

*CEO* ou krwar Minis in kouver. Ou annan klarifikasyon Onorab?

### **HON EGBERT AGLAE**

Minis mersi pour larepons. Minis aköz si ou pe pas sirtou Providence mon pe koz lo lala, ou pe war pou dir i ankor annan bann nouvo *building* ki pe monte. I annan nouvo devlopman ki ankor pe ganny fer. So se sa ki mon pe demann sa kestyon.

Eski prezan sa plan ki zot pe etale i pe al anliny avek sa bann devlopman aktyel ki pe arive, an menm tan ki ou pe fer sa legzersis, *ok*?

E zis anpasan Minis aköz bokou dimoun pe frekant Providence, i annan bann semen ki mon ti demann en kestyon lo la - eski sa bann semen pou dan plan ankor, pour kapab met en sifras? Aköz letan lapli i en pti pe enpitwayab pour al dan serten sa bann landrwa. Mersi.

### **MR DEPUTY SPEAKER**

Mersi Onorab. *Panel*?

### **MINISTER DEVIKA VIDOT**

Mersi Mr Chair. Mersi Onorab pour ou kestyon. Annefe i annan serten – *again* i montre ou en pe dezord. I annan serten sa bann *lease* ki ti ganny donner lo en baz komersyal. Savedir son *lease* i pa endistriyel. Ti annan tousala.

So sa i avan mon letan, so mon'n vin zwenn la mon bezwen sey rod fason pour nou

deal avek. Me wi nou pe zisteman pran kont tou sa bann keksoz. Savedir tousala pou ganny enkorpoze dan sa legzersis ki nou pe fer.

An se ki konsern semen mon pe mazine la ou pe fer referans avek 2 bout semen dan Providence. I annan lo zone 6 epi zone 19. E i annan enn ki an se moman li kontrakter i deza *on site*, i pe fer le nesese pou fer *servicing*.

Pour zone 6 tou keksoz in fini ganny fer, *tender* in fini ganny fer. Kontrakter in fini ganny selekte. Kontra sinyen e louvraz pe al komanse, kekfwa sa semenn ou semenn ki vini. Mersi.

### **DEPUTY SPEAKER**

Mersi Minister. Prezan nou ava pas laparol avek Onorab Labonte.

### **HON ANDY LABONTE**

Mersi Mr Chair. Bonn apre midi Mr Chair. Bonn apre midi Minis avek *panel*, *CEO*. Minis mon 2 pti leklersisman, prensipalman ler mon pe get zot manda - zot manda *IEA*, se ki parey i pe dir pou *facilitate* en pe later pour bann dimoun ki anvi investir.

E an relasyon avek sa, mon vremen apresye ler mon get zot *major achievement*. Partikilyerman limero 3, kot i dir i annan en '*decrease debtors over 90 days by*

*60percent.*' And en '*issue 80 percent revenue collection of current invoice.*' So nou apresye ki sa travay ki zot pe fer, ki zot in kapab met en pe lord dan sa bann dezord.

Me an relasyon avek sa, enn zot *current challenges*, partikilyerman limero 1 - i dir ou '*unable to meet the demand for land and workshop spaces for industrial related activities due to the unavailability of land and space.*'

So an relasyon avek zot manda sa *achievement* avek zot *current challenges* - la mon pe koz partikilyerman sirtou kot *Union Vale Industrial Estate*. I vre petet parler i - bann dimoun ki pe lwe landrwa zot pe peye zot, zot azour avek zot peyman.

Me selman ler nou pe gete zot *workshop* i plizoumwen fermen. *Right?* Sa i en konsern ki mon'n deza devan *CEO*. Zot pa pe performen zot. Me zot pe bar plas pour bann endividi ki pare pou travay, si oule pou kontribye dan lekonomi.

Si petet zot kapab donn en lesplikasyon ki zot pe fer lo sa baz, pou kapab redwir en pe sa. Akoz vi ki i annan bokou zabitan ki pe demann later e zot pe ganny bare par sa bann endividi koumsa.

Apre mon 2enm pti leklersisman ; - *in regards to Ile Du Port*, i annan en porsyon ki

mon konnen *Port Authority* ki i pe *take care of*. Eski sa bann endividi, parey la mon pe get *sea marine* ki i annan serten difikilte ki zot rankontre. Me selman par kont zot pe lwe avek *Port Authority*. Eski *Port Authority* ki pe pey *IEA* or sa endividi li ki pe pey *IEA*? Mersi.

**MR DEPUTY SPEAKER**

Mersi. 2 kestyon pour *panel*.

**MINISTER DEVIKA VIDOT**

Mersi Mr Chair. Mon pou pran 2enm kestyon e *CEO* i ava elabor lo travay ki pe fer pour Union Vale. An se ki konsern Ile Du Port - Onorab sa morso later ouswa sa *zone* spesifik, i pa tonm ditou kote kot *IEA*. Savedir sa zot fer zot tranzaksyon direk avek *Port Authority* ouswa *SFA*, depandan lo lekel ki annan sa *head list* lo sa morso later. Mersi.

**MR DEPUTY SPEAKER**

Mersi. *CEO*.

**CEO ROY COLLIE**

Bonzour tou dimoun. Mersi Mr Chairman. Onorab wi i annan detrwa dimoun. *Well* an partikilye 2 mon krwar Union Vale, ki ou pa war zot dan lazournen la. Me zot, zot lwe zot landrwa pour fer *storage*. So zot annan travay petet ki zot fer an deor. Me zot

landrwa i reste fermen, aköz zot *store* zot bann materyo brit la..

So nou pa vreman kapab fer nanryen aköz zot annan en *lease agreement* ki valid. E parey ou'n dir zot pe pey zot *rent monthly* byen.

So nou a bezwen zis revwar petet fer en *meeting* avek zot pou dir zot ki rod en lot solisyon en lot landrwa ki nou kapab donn zot pou fer *storage* selman. Me donn laba pou fer bann lezot parey *mechanic*, sarpantye. Mersi

**MR DEPUTY SPEAKER**

Mersi *CEO*. Onorab Vidot.

**HON AUDREY VIDOT**

Mersi Mr Chair. Mr Chair mon kestyon. – Onorab Gill oubyen Onorab Vidot?

**MR DEPUTY SPEAKER**

Non mon'n dir Vidot.

**HON AUDREY VIDOT**

*Ok*, mersi. Mr Chair mon kestyon pour *Industrial Estate* i annan en legzersis ki ti fer detrwa lannen pase an referans avek bann aktivite ki - parey mon koleg Onorab Bastienne in fer resorti - dan bann landrwa rezidansyel parey Roche Caiman. Kot i annan bann aktivite garaz, sarpantye pe ganny fer.

E sa bann dimoun avek bi sa *survey*, ti pou ede letan

proze swa *zone* 20 ti pou konplete *or* laba kot *Industrial Estate* ti pou annan en loportinite pour zot benefisyé, atraver avek en lespas pour zot kapab amelyor zot biznes. Eski sa bann dimoun pou benefisyé atraver sa Bidze ki la an referans avek sa *zone*?

E eski zot pou priyoritiz sa bann dimoun osi ki en pe letan zot pe espere pour zot ganny en tel sipor?

Apré lo kestyon Onorab Aglae mon ti le zis demann zot pou eklersi, kan petet zot pe mazinén pour dire sa legzersis ki zot pe fer pou met lord Providence pou konplete. Akoz i annan en pe letan nou pe demande, konnen osi lekel bann dimoun ki'n benefisyé avek bann bout morso later. So kan zot espekte sa travay pour konplete? Mersi.

#### **MR DEPUTY SPEAKER**

Mersi Onorab. Panel.

#### **MINISTER DEVIKA VIDOT**

Mersi Mr Chair. Mersi Onorab pour ou kestyon. Dan Bidze 2023 nou'n fer provizyon pour *Marine Industrial Park*. Sa nou pou osi *cater* pour garaz. Savedir okenn aktivite endistriyel *basically* ki bann dimoun i abitye fer dan distrik.

Me selman i ava en gran lespas ki zot pou kapab ganny bann pli pti lespas. E sa i ava benefisyé bann dimoun parey

ki ou'n fer referans avek. E dan prosedir evalyasyon pou swazir sa bann dimoun, kantite letan ki zot lo lalis i pou ganny konsidere. E sa bann ki annan plis letan pou ganny pli favoritize.

An se ki konsern sa legzersis ki'n ganny fer, lo kote nou *master list*, nou'n preske dir fini met sa azour lo kote *IEA*. Sa ki ankor en *work in progress*, se avek Biro Rezistrar ki li i akoz son bann travay ki annan pou fer.

So nou'n ganny en pe retar lo son kote. Me selman la depi – en pe semenn la nou kapab ganny en *staff* ki kapab al laba tou le Lendi, pour kapab konplet sa legzersis.

E an se ki konsern legzersis pour *land use*, sa nou espekte konplet li petet dan mwan Desanm menm. Parske nou pe travay en pe entans lo la. Mersi.

#### **MR DEPUTY SPEAKER**

Mersi.

#### **HON AUDREY VIDOT**

Zis en pti leklersisman. Savedir Minister ou pe dir nou boner 2023, nou kapab garanti ki sa bann travay pou'n fini konplete ?

#### **MINISTER DEVIKA VIDOT**

Onorab an se ki konsern *master list* i tou depan lo Rezistrar lavites ki zot les nou



ganny akse avek sa bann *files*.  
*Otherwise* nou ti pou'n fini.  
 Parske lo nou kote nou'n fini.  
 Mersi.

**MR DEPUTY SPEAKER**

Mersi. Onorab Woodcock.

**HON WAVEL WOODCOCK**

Mersi Mr Chair. Minis mon premye kestyon i kot i konsern *One District One Project*. Ki zistans ki *IEA* in arive avek sa proze? Ki sirtou pour bann *MSMEs*. Kot zot ti pou idantifye bann lespas dan sak distrik ouswa dan bann rezyon.

E lanfaz la mon pe mete, si ou kapab donn nou en pe detay sirtou lo kote Praslin, ki zistans zot in arive avek sa proze?

E dezyenman, Minis mon bezwen fer sorti e mon bezwen anefer remersye ou avek Mr Collie, pour sa travay ki zot in fer pou met en lord dan Ile Eve. Ki ti en dezord total. Ti annan koripsyon in pase laba. *Land speculation, encroachment*, ti napa en *land use plan*.

Ti en dezord total ki zot in vini, zot in met en lord. E zot in met en alokasyon Bidzeter depi 2 lannen konsekativ. E sa lannen ankor mon war en alokasyon R45milyon, ki enkli 15milyon pour 2023 e 22.75milyon pour 2024.

Deza sa bann later i lo *tender* koman nou pe koze la - demen *deadline*. E 46 si mon pa tronpe – 48 morso later pe al ganny *allocate* avek bann biznes Praslin. I annan dimoun ki'n esper plis ki 10an-12an pou ganny en bout later, apre tou sa bann manboulouk e dezord ki'n arive lo Ile Eve.

Mon 2enm kestyon i kot i konsern sa alokasyon bidzeter. Ki bann louvraz ki zot in konplete la. E ki bann louvraz ki zot pe antreprann dan salannen ki pe vini, dan sa 2 lannen ki pe vini?

E avek sa lokasyon later ki zot pe al fer, ki bann kriter ki zot pou servi? Eski bann dimoun ki pe espere lo lalis pour bokou lannen, zot pou ganny konsidere ouswa zot pou ganny serten priyorite dan sa alokasyon sa 48 bout later? Mersi.

**MR DEPUTY SPEAKER**

Mersi Onorab. *Panel?*

**MINISTER DEVIKA VIDOT**

Mersi Onorab pour ou kestyon. Mon ava pas avek *CEO* pou reponn premye lo *One District One Project*. Sa bann *public private partnership*. Epi mon a kapab elabor en pti pe lo evalyasyon, ki bann kriter ki nou servi pou selekte bann dimoun. Mersi.

**MR DEPUTY SPEAKER**

*Proceed.*

**CEO ROY COLLIE**

Mersi Onorab. *SODOP* parey i apele *Seychelles One District One Project*, nou annan de proze pilot ki nou pou konmanse boner lannen prosenn. Parey Minis fek dir Perseverance kot nou fek ganny *approval survey diagram* Vandredi avek *Planning*, Vandredi pase.

E nou annan Au Cap ki'n fini pare, in fini *survey* later i la. Selman nou pa'n demare ek Au Cap, akoz nou ti pe esper Perseverance pour nou fer '*expression of interest*' pour tou lede. *Now* nou'n travay lo '*expression of interest.*' Selman *to be honest with you* nou'n ganny en pti retar. Nou ti pe travay avek msye Jude Commettant *from* Finans, pour nou kapab tonm dakor lo sa '*expression of interest.*'

Akoz ou konnen dan en *SODOP* i en *PPP*, kot en *investor* i *invest* tou son larzan dan en proze, epi Gouvernman i benefisye *part of* devlopman. So nou ti bezwen fer sir ki Finans i *onboard* ek nou lo sa diskisyon, ki mannyer nou pou fer sa travay. E *hopefully* ler Bidze i konplete, nou ava annan en pe plis letan pour nou asize avek Finans lannen prosenn, pour nou kapab demar sa 2 proze pilot.

Me tout an rekonesan ki lezot later osi in pare. Praslin i annan later ki'n ganny idantifye. I annan lezot distrik - apepre 20 distrik ki annan later. E parey ou'n war dan nou Bidze nou'n fer provizyon pour nou kapab *IEA* ganny son prop *surveyor*.

E sa i pou ed nou en kantite lo al *survey* sa bann later dan bann distrik. E fer sir ki nou kapab etablir taso. Ganny sa egzakt *square meter*. E fer sir ki nou kapab demar sa bann lezot *SODOP* an menm tan ki sa 2 proze pilot i an mars. Mersi bokou Mr Chair.

**MR DEPUTY SPEAKER**

Mersi. *Panel?* Minis i annan keksoz pou azoute?

**MINISTER DEVIKA VIDOT**

Wi. Lo kote evalyasyon. Non zis pou azoute baze lo alokasyon later lo Ile Eve; Onorab parey ou konnen nou'n bezwen re *survey* antyerman. Nou'n bezwen re fer *survey* antyerman. Parske ti annan tou sa bann dezord, parey nou'n dir.

E baze lo evalyasyon, byensir lakantite ki ou'n espere lo lalis, sa i pou en kriter mazer. Nou pou osi regard ki sekter ou, ou pe al ladan. Byensir i annan diferan *land use* lo Eve. Savedir i pou bezwen pe al *in accordance*

avek sa *land use* kot ou pe *apply*.

Si sa proze bann dimoun ki evalye, Komite ki evalye pou regard si proze i enn ki vyab. Savedir enn ki zot vwar e i pou anmenn rannman.

Zot pou regard leksperyans ek kapasite sa dimoun ki pe fer laplikasyon, kantite relevan i ete. Son leksperyans anliny avek aktivite. Ki kantite lespas ki dan son proze i pou *allocate* dizon pour bann dimoun ki napa sa mwayen pour zot aste later e fer devlopman.

Me solman zot a kapab *at least rent* en lespas. So sa osi i en kriter, ki si en dimoun i enkorpor sa dan son devlopman i pou kapab ganny li plis pwen.

Nou pou regard lo lakantite lespas ouswa *use, optimal use* of sa later. Savedir si i pe deservi byen sa resours ki nou pe met a son dispozisyon. Nou pou regard son *coverage*. Nou pou regard bann konsiderasyon lanvironnman. Tou keksoz ki nou pe fer konmela nou pou bezwen mazin sa laspe soutenabilite.

Alor i enportan ki nou regard bann lenpak lanvironnman osi. E lafason ki sa dimoun pou antreprann son aktivite. An vi ki bann aktivite endistriyel - eski i pe servi lenerzi renouvlab? Eski i

pe servi bann fason ki pli ver, pli *green* parey nou dir ?

E byensir nou pou get an term kontribisyon ekonomik ki sa aktivite pou anmennen. E la i annan en komite ki'n ganny selekte e zot, zot pou fer sa bann evalyasyon, baze lo bann proze i ganny soumet. Mersi.

### **MR DEPUTY SPEAKER**

Mersi Minister. Ou annan klarifikasyon?

### **HON WAVEL WOODCOCK**

Mon ti annan zis en kestyon ki pa'n ganny reponn. Lo sa alokasyon bidzeter. Mon konnen i annan en kantite travay ki zot in fer deza. Me parey ti ete avan - avan ou ti vin Minis e avan *CEO* ti ganny apwente, ti annan plizyer mankman Ile Eve ; - mankman drenaz, semen, *utilities*, delo, elektrisite, ti en gro konsern.

Parey mon'n dir ti en dezord total. E kantite travay ki reste pour zot fini konplete? E kan ki zot pe mazine zot pe prozekte ki zot pou konplet sa bann travay neser lo Ile Eve?

### **MR DEPUTY SPEAKER**

*Proceed.*

### **MINISTER DEVIKA VIDOT**

Onorab letan nou tin konmans regard proze Ile Eve, letan nou'n antre dan lofis, sa plan semen ki ti'n ganny desinen, i

pa ti pe fer provizyon pour servi. Savedir i pa ti pe fer provizyon pour bann koridor pou fer pase elektrisite, *sewage* delo ensidswit. Savedir sa bann dimoun ki ti pou al ganny later ti pou bezwen *endup* pe fer *soakaway* lo sa bann *plots*.

E sa parey ou konnen lo en zil tel parey Ile Eve i pa ti pou marse. I pa ti pou marse. I pa ti pou fer sans. E alor ki nou'n bezwen fer, nou'n bezwen reetablir plan, refer plan, re desinen, konpletman.

E byensir baze lo la i annan serten landrwa kot nou'n bezwen pran *easement* lo serten morso later. Re regard *design* ki mannyer bann servis pou pase. E la atraver *PUC*. *PUC* in siport *IEA* kot zot, zot in antreprann en konsiltan pou fer *services design*.

E nou ti espekte ganny rezilta *by* Desanm la. Nou ti'n ganny en pti pe retar an vi ki nou ti pe rod en sit, pour nou kapab met sa *STP* lo zil Eve. Me nou'n fini kapab tonm dakor lo sa sit. E la nou a kapab ganny sa *services design* ki pou konplete.

E byensir nou pa pe kapab - i annan semen ki'n fini ganny trase. E an se moman nou pa kapab met koltar parske nou bezwen esper sa *services design* konplete. Parske i pou annan bann

landrwa dan semen kot tiyo pou bezwen *cut across*. So nou pa kapab met tarmak apre pou rekase.

So nou pe esper sa *services design* fini konplete, *so that* sa kontrakter i kapab fer le neser, pou fer sa bann - pou fouy *across* semen kot i annan en neserite pou fer sa bann koneksyon.

Epi nou pou kontinyen byensir - sa i zis faz enn. Nou pou kontinyen. I annan provizyon dan Bidze pour nou kontinyen avek Zil Eve. E nou pou fer provizyon ankor pour bann lannen ki vini pou fer sir pou dir *even* sa morso anba - akoz la pour le moman nou pe target zis sa bout anler - sa mwatye ki *towards the north of* Eve, nou pou re retourn anba kot malgre i annan semen, i annan landrwa ki napa sa *proper* drenaz, napa *proper* servis e elektrisite delo *sewage*. So nou pou osi bouz lo sa faz pour nou kapab fer le neser pour ki zil Eve antye i ava ganny tou servis. I ava ganny tou lenfrastruktir neser. Mersi.

#### **MR DEPUTY SPEAKER**

Onorab Cosgrow.

#### **HON WALLACE COSGROW**

Mersi Mr Chair. Bonn apre midi tou dimoun. Mr Chair mon annan 2 keston an se ki konsern *Providence Industrial*

*Estate*. Mon premye i an relasyon avek ki kantite *plot* later zot annan dan *Providence Industrial Estate* la, realistikman pour *allocate* avek bann biznes ki lo lalis pour ganny en bout later?

E si zot pe plan pour antreprann bann *reclamation*. Par egzanp o bor *zone 18* - sa bout ki bord avek *Cascade - Petit Paris* si mon pa tronpe. Apre *off the coast of Providence* li menm ki al *towards* - dan lanmer *towards Ste Anne area* la.

Akoz ti annan bann proze - bann *plan project* pou fer bann *reclamation*. E si zot kapab dir nou si zot pe plan pour kontinyen sa bann proze, pour kapab donn lespwar bann biznes ki anvi later dan *Providence area*. E bann bout kot zot in konble.

2enm Mr Chairman, ler Minis Lagrikiltir ti vin la i ti fer en *statement* konsernan labatwar. *Now* Minis in dir nou ki pou dir labatwar pour sitye lo *zone 18*. E si mon konpran byen son demarkasyon *zone 18* son bann aktivite ki sipoze fer laba - si mon konpran byen - i pa sipoze en *zone*, kot i annan aktivite tel konman labatwar.

So eski zot kapab konfirman si labatwar - *well* labatwar an zeneral - *white and red meat* labatwar pou ganny *relocate* lo *zone*, kot

ozordi nou annan *building* "Leve Debourye". Nou annan *building FSA*. Nou annan tou sa bann *dealership* transpor partou. So eski *it is the ideal area*? Si zot in aksepte pou met en labatwar dan sa *area*?

Sa 2 kestyon Mr Speaker. Apre mon ava - si i annan okenn ...

### **MR DEPUTY SPEAKER**

Wi. 2 kestyon lo labatwar avek konblaz. Nouvo konblaz.

### **MINISTER DEVIKA VIDOT**

Mersi Mr Chair. Mersi Onorab pour ou bann kestyon. An se moman lo *Providence* li menm, i annan sa *extension* avek *zone 20*. E lo la i annan anviron 16 morso later ki *IEA* pour fer demars. Nou pe fer demars pour nou fer alokasyon avek bann dimoun.

E nou pe target bann kontrakter *class 2*. Akoz sa *land use* in ganny *designated as such* dan sa *area*. E anliny avek tou ban fasilite ki annan an plas.

An se ki konsern konble - *reclamation zone 18*, parey mon'n deza mansyonnen oparavan - wi, i annan en plan pour *reclaim* akote *zone 18*. Sa i bezwen ganny osi siporte par Minister Later. So nou pe esper lo zot kote pour zot kapab siport nou, pour nou kapab finaliz bann prosedir

pour nou kapab fer sa vin en realite.

E pour sa enn nide par deryer sa *reclamation*, se pou les bann dimoun ki zot, zot annan zot finansman si zot, zot anv *reclaim* zot kapab partisipe e zot kapab fer li. So alor i ti enportan ki –

E se pour sa rezon ki *Planning Authority* lo kote Minister Later annefe, zot pe regarde ki mannyer sa bann *design* pou ete. So *that* i kapab les en dimoun - en endividi konble lo li menm.

An se ki konsern lo kote Ste Anne *reclamation* non napa ... dan sa *area* laba la pour le moman napa okenn keksoz ki dan plan. Me i annan en lentere ki'n ganny montre en pti pe par anndan. E apre i annan en *reclamation* ki pe al ganny fer dan *area* an al an *between zone 20* avek *zone 21*.

An se ki konsern labatwar zot *zone 18* - sa plan in fini pas atraver *Planning Authority* e *Land Use Committee*. E sa in ganny aksepte par *Land Use Committee*. So i paret mwan ki sa aktivite i anliny. Annefe kot sa sit i ete zis akote li i annan en *processing* – I annan en *meat processing factory* - si oule - ki zis akote li. So i pou tonm en pti pe anliny avek sa. Mersi.

### **MR DEPUTY SPEAKER**

Mersi Minis. Ou annan klarifikasyon?

### **HON WALLACE COSGROW**

Yes. Minis zis en pti klarifikasyon. Ler ou dir i annan 16 bout later ki pe al ganny *allocate*, eski ou pe *mean extension zone 20*, kot fek ganny *reclaim*, ki ti fini *reclaim* mon krwar an 2019. Se sa 16 bout later e napa lezot ankor apard sa bout ki ti fek ganny *reclaim*?

Apre zis mon le klarifye ler mon'n dir Ste Anne mon pa *mean Ste Anne Marine park*. Mon ti pe zis dir sa bout *PIE* ki vir konmsi an fas ek Ste Anne. Konmsi mon ti pe *distinguish between* dan lagon anndan avek deor, ki vir avek kote Ste Anne avek Ile Au Cerf. So pa neseserman dan *area Ste Anne* en? Akoz laba nou konnen i en *marine park and* i pa en landrwa ki pou al ganny *reclaim*. So zis klarifye sa pti bout la? Mersi bokou.

### **DEPUTY SPEAKER**

Mersi. Klarifikasyon lo sa 16 bout.

### **MINISTER DEVIKA VIDOT**

Wi. Zis pou konfirman wi pour le moman Onorab i annan sa 16 morso ki *available* Providence. E prosedir pe ganny fer pour ki sa bann dimoun i a kapab partisip dan

*tender* konmansman demen, si mon pa tronpe - pandan sa semenn.

An se ki konsern sa *reclamation* ki ou pe dir mwan, ki vir avek Ste Anne. Annefe ti annan en lentere ki ti'n ganny met devan Gouvernman, me selman apre sa dimoun - sa antite i pa'n deside pour li *proceed* avek. Mersi.

### **MR DEPUTY SPEAKER**

Mersi *Minister*. Onorab Mondon.

### **HON TERENCE MONDON**

Mersi Mr Chair. Mon kestyon Mr Chair. Premye kestyon i konsern devlopman lenfrastruktir *zone 6*, faz 1 ti annan en sonm R5milyon ki ti ganny Bidzete pour 2022. Ler mon pe get zot detay 2022. E pour lannen 2023 mon vwar en sonm 600mil ki'n ganny mete dan Bidze. Be selman ou pa war sa 5milyon ler mon pe get zot detay.

Eski i annan travay ki'n ganny fer lo sa premye faz devlopman *zone 6*? Si wi ki konponan travay ki'n ganny fer e ki lot konponan ki pou dan faz 2?

Mon 2enm kestyon i konsern defi ki zot in fer resorti - ki konsern letan ki pran pou revwar bann *lease*. E finaliz bann lagreman. Eski Minis i kapab dir nou kwa ki fer sa bann retar e konbyen

letan i pran pou konplet sa *review* an mwayenn? Mersi Mr Chair.

### **MR DEPUTY SPEAKER**

Onorab mersi pour ou kestyon. *Panel*.

### **MINISTER DEVIKA VIDOT**

Mersi Mr Chair. Mersi Onorab pour ou bann kestyon. *Ok* mon a donn lesplikasyon lo *zone 6*. Bon travay i espekte konmans. Parey mon'n dir bomaten ouswa en pe pli avan, tou keksoz in fini ganny konplete - *tender* e tou sa. Kontrakter in fini ganny *awarded* osi.

Savedir zot espekte konmans travay *any day*. Si sa semenn ouswa semenn prosenn. Me zot pou komans avek faz 1 sa proze. Savedir zot pou fer drenaz *storm water drain* avek zot pou fer *surfacing* semen.

Bon faz 2 la nou pou al antreprann fer provizyon pas elektrisite e bann lezot koneksyon. An se moman *zone 6* i pe ganny servi *already* li. Savedir sa bann dimoun i annan koneksyon avek elektrisite, me zis selman zot pe ganny li atraver bann poto elektrik. Savedir se pour sa rezon ki –

Me pour lenstan zot ganny bokou *flooding* so se pour sa rezon ki nou'n deside pou konmans avek sa *storm*

*water drain* avek *surfacing*, pou retir en pe sa bann linondasyon. Nou pou osi regarde pour nou kapab fer en koneksyon *between* – dan *zone 6* li menm, fer sir pou dir drenaz i ganny byen konekte, pour ki i ava retir sa bann delo ki akimile.

Si ou mazin byen la kot *Sunshine House* la dan sa zanmirant, letan lapli i tonbe i annan bokou delo ki akimile la. Senpleman akoz napa en *proper outlet* pour li sorti.

So sa i sa bann travay ki pou ganny deroule. E rezon ki ou vwar sa 600mil fer ganny provizyon pour lannen prosenn, se sa *retention fee* ki nou'n bidze li -met li dan Bidze pour 2023 letan sa proze ti pou ganny konplete.

Savedir ki nou pou fer avek nou Bidze 2022 si nou pa fini servi li la i pou al dan *Suspense* epi nou a kapab fini pey sa kontrakter diran lannen prosenn. E sa 600mil i ava al pour sa *5 percent* ki ganny *retain* normalman.

Mon pou les *CEO* klarifye en pti gin lo *lease* e akoz i tarde pour kapab finalize.

### **MR SPEAKER**

Mersi. *CEO*?

### **CEO ROY COLLIE**

Mersi. *Anyway* wi sa kontrent i ki ler nou nou'n anvoy tou bann dokiman petet parey kot *AG's Office* annan de ler i pran bokou letan pour bann dimoun ganny zot *lease*. E ler nou'n vini ti annan bokou bann *lease* ki ti *pending*. E sa ti en *challenge* akoz ou konnen bann *tenant* zot *lease* petet pour zot al labank avek. So –

Me pou dir an se moman nou annan bon *partnership* travay avek *AG's Office*. E dan bann dernyen ka lannen nou'n konmans war bann keksoz pe bouz en pe pli vit.

So *hopefully* lannen prosenn nou kapab redwir sa kantite letan ki ler nou annan *addendum* pou fer. Ler nou annan nouvo *lease*. Ler nou annan *vetting*, bann *change of use* ki nou anvoy kot zot, nou kapab ganny sa bann keksoz en pe pli vit posib e ki sa *challenge* i ava ganny efase. Mersi Mr Chairman.

### **MR DEPUTY SPEAKER**

Mersi *CEO*. Onorab Gill.

### **HON CHURCHILL GILL**

Mersi. Mon premye kestyon. Mwan osi mon'n note ki *tender* ozordi dernyen zour anefef. E i annan - Vandredi i annan sa *pre-bidding meeting*. E prezan vi ki mannyer mon'n tann ou eksplik kriter, i pa paret en proses ki pou ase kourt.



Eski ou kapab donn en nide sa *process* apre ki bann *bid* in anmanse, konbyen letan dapre zot ki sa *process* i kapab terminen? An menm tan sa 2zyenm faz ki zot in koz lo la, eski sa i pou annan *bearing* avan ler ki *tender* i donnen?

Savedir si i annan serten travay ki pou bouz lo 2enm faz, ki prezan bann dimoun ki'n partisipe pou bezwen esper serten travay konplete pour zot ganny *allocate*?

Apre mon 2enm kestyon, menm si tou sa bann travay in ganny fer lo zil Eve. Me selman mwan mon ti met en konsern devan Gouvernman e nou'n fer vizit ansanm Minis ek CEO, kot mon ti fer zot konpran pou dir ozordi pou al zil Eve, i annan zis en semen antre, zis en semen sorti.

E nou, nou pe al fer *Industrial Estate* laba e *Fire Brigade* osi i baze laba. E si i ariv en keksoz kot sa sel antre sel sorti, nou pou dan problem. E nou'n vizit landrwa kot ti pe propoze pou fer en lot semen. Eski dan sa Bidze i annan provizyon pou adres sa enn? Vi ki i annan sitan travay ki pe ganny fer pou *tender* sa bann keksoz. E natirelman bokou aktivite pou *come up soon*.

So eski sa i ladan li pour nou asire ki mouvman pou garanti e sa nivo *risk* i a osi desann? Mersi

### **MR DEPUTY SPEAKER**

Mersi Onorab. *Panel*.

### **MINISTER DEVIKA VIDOT**

Mersi Mr Chair. Mersi Onorab. Mon a tous lo 2 pwen apre CEO avek son tim i ava donn klarifikasyon lo lakantite letan ensidswit, ki pou pran. E i ava donn en pti pe plis detay lo prosedir *in line* avek evalyasyon letan pou fer alokasyon later.

Bon an se ki konsern *exit* - sa 2enm exit lo Ile Eve, sa i en keksoz ki nou pe - Gouvernman pe mazin fortman lo la. E parey ou'n mansyonnen Onorab i en keksoz ki ou osi ou'n partisip dan bann vizit. So ou konnen sa konsern ki dan nou lespri.

Napa okenn alokasyon dan Bidze sa lannen, pou fer provizyon pour en solisyon pour en 2enm *exit* sorti lo zil Eve. Me sa konsep pe ganny mazin lo la, anliny avek sa devlopman Baie Ste Anne li menm.

I annan sa konponan sa pti bout konblaz ki *reclamation* ki nou pe mazin osi regard ladan. So nou pou regard li anliny avek sa plito. Me dan Bidze li menm li *IEA* napa okenn provizyon. Petet i ava vin dan Bidze en lot antite.

An se ki konsern si nou pou *proceed* avek alokasyon deswit? Byensir akoz la in ariv

moman kot nou kapab. Parske bann dimoun *by the time* zot pou ganny zot later, zot pou bezwen al fer zot plan. Zot pou bezwen al soumet kot *Planning*. Zot pou bezwen al fer laplikasyon zot *loan* - serten parmi zot.

E alor i pour en dele letan osi. So nou avan'n ganny letan nou osi lo nou kote. An vi ki en bon pe *groundwork* in fini ganny konplete. *Then* tou keksoz i ava al en pe pli vit apre. So i ava al en pti pe *in parallel – in parallel* – wi. Mon ava pas laparol avek *CEO* pou donn detay lo evalyasyon. Mersi.

#### **MR DEPUTY SPEAKER**

Sertennman. *Proceed*.

#### **CEO ROY COLLIE**

Mersi Mr Chair. Mersi Onorab. Onorab *yes you rightly said* ki ozordi i dernyen zour pou dimoun aste nou *tender*. E nou pou annan *pre-bid meeting* Vandredi avek tou dimoun. E *closing of tender*, anmas *tender* i le 13 Desanm. 5 zour apre anviron dan 18 Desanm Komite i zwenn pour zot konmans fer evalyasyon.

*Now* depandan kantite *tender* ki nou'n vann, mon pe estimen ki *by* Zanvye tou dimoun ki'n kapab ganny en bout later, satisfere Komite nou pou kapab anonse lekel ki'n gannyen. So *within* en mwan

Desanm-Zanvye nou pou kapab fer alokasyon later. Mersi Mr Chair.

#### **MR DEPUTY SPEAKER**

Onorab Labrosse.

#### **HON RICHARD LABROSSE**

Bonn apre midi Mr Speaker. Bonn apre midi Minis ek ou Delegasyon. Minis ler mon pe regard dan ou liv Bidze la mon vwar zot pe osi mazin dan zot *non-financial*. Zot in met en *parking facilities* Providence. So mon annan en pe konsern konsernan bann biznes ki pe *operate* Providence. Sirtou sa bout anba kot *Barclays* i fini la, tou dilon an montan. I annan *take-aways* tou la.

Konplent ki mon pe gannyen ek bann dimoun ki fer biznes la sirtou dan mon distrik se ki ler bann dimoun i debarke pou vin aste sa bann servis la, ler zot sorti zot ganny en tiket avek lapolis.

So nou tou nou konnen pour ou fer en biznes, ou bezwen annan en *parking facilities* pour ou ganny *license*. So mon mazin sa i form parti sa bann dezord zot in vin zwenn.

So mon pe mazin la dan pou fasil en pe lavi sa bann *businessmen* laba, eski zot in fer en dyalog li menm li, ler nou pe koz *parking facilities* pou nou kapab - mon pa konnen ki mannyer nou pou

kapab rektifye sa. Akoz mon pa pe war li mwan osi. In deza annan en semen ki pe pas la o bor.

Mon 2enm Minis, i konsern menm lo kote fasilite menm pour bann dimoun ki servi pyeton, ki mars apye. La i annan konplent ankor lo sa bann pyeton ki zot mars lo lala. Sa bann *pavement* la, ki tanzantan i kase. I pe koz bann *hazard* e sirtou bann dimoun ki pe servi sa. Bann dimoun aze.

E ler mon pe get li dan en serten sans i pa osi *disability friendly* pour bann dimoun dezabilite pas lo la. So la mon pe gete dan tou sa bann travay ki zot pe fer, eski i annan bann koze ki zot pe fer pou revwar en pe sa bann fasilite li menm dan Providence Estate li menm? Mersi.

### **MR DEPUTY SPEAKER**

Mersi pour ou kestyon. CEO?

### **CEO ROY COLLIE**

Mersi Mr Chair. Mersi Onorab. Lo kote *parking* la devan *Barclays Bank* depi an Zen nou'n kre en *buffer parking* lot kote semen. Nou'n netwaye, nou'n fer kler, nou dir tou dimoun park la. Malerezman personn pa *park* la. Mon krwar sel dimoun ki ler i al *Barclays* i *park* se zis mwan. Mon *park* lot kote, ou koup semen ou al *Barclays*.

*However* dan Bidze sa lannen, nou ti annan 1.1milyon bidzete pou fer *parking* ler ou antre Providence kote gos anndan kot bann bizne, nou annan larzan pour sa. E Kontra in fini ganny *tender* in fini pe al ganny *award* pour sa dimoun konmanse *anytime soon now*. Ki pou pran 6 semenn pour nou fer *parking all along*.

*Whereas* lo kote desann ler ou pe sorti Providence, sa i en *lane traffic* ou pa ganny drwa *park*. E lapolis *obviously* kot en *no parking zone*, i pou donn ou tiket. E sa i ariv ek bann dimoun ki dan midi ki al aste *take-away* zot park la vitman zot sote zot al rod en *take-away*. E mon'n ganny bokou kritik ki dir lapolis i vin zis midi menm, kot zot konnen dimoun i vin aste *take-way*, zot donn tiket.

Me dimoun i kapab *park* lot kote semen. Fer sa pti marse tanporer, ziskan ler sa *parking* ki nou'n bidzete pou ganny fer. Nou a gete ki mannyer i pou amelyor sityasyon. E *parking* i annan. Lo tou lede kote. Kot PUC i annan *parking*. Kot en kantite *pick-up* i *park*. E *opposite* nou ti'n netwaye la. Malerezman nou pa *park*, pye sed in fini pous ankor.

Me nou annan en dimoun ki'n demann nou pour

li *level*. Pour li met en bon sirfas, kot petet ler dimoun i a war li en pti pe pli zoli zot ava vin *park* la.

An se ki konsern *container* i en *battle* enorm ki *IEA* pe pas atraver pou fer bann dimoun tir zot *container*. Dousman, dousman zot pe konpran nou aköz nou, nou annan en *container* park ki nou'n kree kot 'Leve Debourye.'

E nou annan dimoun ki'n konmans tire sirtou kote *zone 18* menm kot nou ete, dimoun in konmans tire lo *pavement*. E zot pe met laba pou fer zot *unloading*.

So nou annan fasilite tou dimoun ki anvi *unload* zot *container*. Pa met lo *pavement* me met dan nou *container* park pou zot fer zot *unloading*. Mersi Mr Chair.

### **MR DEPUTY SPEAKER**

Mersi *CEO*. Ou ...

### **HON RICHARD LABROSSE**

Wi Mr Speaker. Zis en pti klarifikasyon kekfwa si ou pa'n konpran mwan. Nou pe koz osi lo *pavement* kot bann dimoun i pase, ki nou santi i pa tro an sekirite. Eski i annan travay ki pe ganny mazin fer lo la? Mersi.

### **MR DEPUTY SPEAKER**

Wi ou'n mansyonnen sirtou bann dimoun aze.

### **CEO ROY COLLIE**

*Pavement* i kase gras aköz bann dimoun i met *container* lo *pavement*. E nou bezwen pran nou larzan dan nou fon Bidze, pou aranz sa bann *pavement*.

E mwan si mon vwar en dimoun ki met *container* mon fer li aranz son *pavement* li menm. E i annan detrwa ki'n aranze. Si ou vin *zone 18*, ou pou vwar ki i annan bokou bann dimoun, bann *tenant* menm, ki mwan mon'n apros zot mon dir *look* sa *pavement* in kase.

Aküz ou'n met *container*. E sa zot pe fer aranze.

Mon a fer en lapel ankor. Si ou konnen ou'n kas *pavement* aköz ou'n met ou *container*, silvouple ou bezwen aranz ou menm. Mersi Mr Chair.

### **MR DEPUTY SPEAKER**

Mersi *CEO*. Onorab Lemiel.

### **HON SYLVANNE LEMIEL**

Mersi Mr Chair. Mon kestyon probableman i pou *CEO*. Nou annan program 2 *estate management*. *CEO* mon krwar ou mazine boner sa lannen *COGA* ti vin vizit *industrial estate*.

E menm nou ti vin Praslin e dan nou rapor nou ti fer sorti e menm ou, ou ti fer en lapel avek *COGA*, ou ti dir

nou sey *advocate* osi pou ou, pou *IEA* pou zot ganny en sonm larzan dan Bidze. Ki zot a kapab konplet tou sa bann proze. Depi *zone 20*, nou ti al *zone 19*. Nou'n al kot sa ki ti pou annan sa *sort of marine* ...lot zafer la.

E mon vwar selman ki anba sa *non-financial asset* in sorti 54.3milyon 2022, avek ler in *revise* tou. E in vin la 47.7milyon. Mon kestyon pou *CEO*, i eski ou santi ki avek sa sonm larzan e ler ki nou ti vin nou vizit, sa lakantite travay ki ti reste pou ou fer lo tou sa bann proze;- lo *zone 20*, ti annan *zone 19* - tousala ti annan bann bout, bout keksoz ki ti reste pou ou fini fer.

Eski sa sonm larzan ki ou'n mete dan Bidze pou 2023, i pou ed ou pou ou kapab akonpli tou? Oubyen menm petet nou kapab dir 99 or 95poursan lakantite travay petet ki ti reste pou ou fini fer? Mersi.

### **MR DEPUTY SPEAKER**

Mersi. Vey byen mannyer ou reponn sa akoz sinon *COGA* pou vin fer en lot vizit kot ou en.

### **CEO ROY COLLIE**

Onorab mersi bokou pou kestyon. Wi mwan mon satisfè. Ou konnen akoz? Proze *zone 19/20* nou'n *award* Kontra e in ariv 32milyon. E

nou'n ganny nou – 32milyon pou *zone 19*. Ki pe an progre - ou'n vwar *exit road* in ouver. Nou ti pe debout laba. Ler ou ti vini ti napa koltar. La i annan. Kontrer vini vin regarde.

Dan *Mid-Year Review* nou'n ganny ekstra larzan. Sa zot ti azoute kontrè pou zot fini sa. Nou'n fini pey *PUC* R11.5milyon pou *electrical equipment*. *Zone 6 tender* in fini ganny donner. *Parking* in fini ganny donner. *Zone 19* pou konplete *within 3 months* lannen prosenn.

E nou annan *Eve Island* ki an progre ki nou'n depans bokou larzan avek sa proze. La i pe al lo faz 2.

E dan Bidze si ou vwar nou annan bann pti bout semen ki pa'n zanmen konplete. Koneksyon bann semen. *Zone 20* ek *zone 20 extension* pa ti dan Kontra. I annan en pti bout

Nou'n met 2milyon. Perseverance nou'n met 1.5milyon pou sa lannen. Me selman sa ki fer 5.5 i pou 2024-2025, *ok*. Epi nou annan ki konekte *zone 20* ek *zone 20 extension* ki mon'n dir ou. Ki konekte *zone 20* kot Morin kot ti annan bann konblaz. Tousala...

Wi larzan pou ase pou nou konplet tou sa bann proze lannen prosenn. *Hopefully* ler *COGA* pou vini - *well* i pa pou

zanmen ase - me selman sa ki nou'n gannyen nou pou konplet sa bann -

Mon promet ou ler COGA pou vini i pa pou mars dan lapousyèr. I pou mars lo koltar. Mersi Mr Chairman.

**MR DEPUTY SPEAKER**

Mersi. Mon annan klarifikasyon Onorab?

**HON SYLVANNE LEMIEL**

Mersi Mr Chair. CEO mersi. CEO petet en *deadline* ki ou kapab donn nou. - ou pe mazine apepre kan sa bann travay pou fini? Akoz wi *definitely* COGA pou retournen pou vini pou vin verifie *the final works* ki'n ganny fer. Mersi.

**MR DEPUTY SPEAKER**

Mersi.

**CEO ROY COLLIE**

*Zone 6, 6 months*, san Kontra - ok? *Whereas 19 - zone 20* i ti sipoze fini *by* Desanm. Me selman dife in met li retar, akoz nou ti bezwen *close* partou. Sa dernyen dife - pou 2 semenn. E apre i annan bann pti *variation of works* ki nou ti donn sa dimoun ki pa ti la. *So by hopefully* Mars-Avril nou kapab konplet *zone 20-zone 19*. E vwala. Mersi Mr Chair.

**MR DEPUTY SPEAKER**

Mersi CEO. Onorab William.

**HON WAVEN WILLIAM**

Mersi Mr Chairman. Mon ti a kontan aport latansyon Minis lo *current challenges*. E mon pe refer avek *bullet point number 2, 3*. E pli enportan se *6 and 7*. Minis mon anvi konnen avek CEO, vizavi bann lenfrastruktir enportan. Par egzanp mon'n tann CEO koz lo *parking*. Wi i nesese.

Me solman i annan enn ki mon vwar ki i demann ganny donner priyorite. Sa se kabinen piblik. Eski ozordi laba dan Providence *estate* i annan kabinen piblik? Akoz ler ou regarde poudir sa i en keksoz vremen esansyel. E mon vwar poudir Minis mon pou enplor ou, akoz sa fasilite i vremen nesese. Pa zis pou nou Seselwa me pou touris.

So si ou ti kapab donn li en priyorite. E eski i annan sit ki kapab ganny *designate* pou kapab fer sa proze? Akoz sa mon krwar i e priyorite vremen enportan.

Epi Mr Chair, letan mon pe regard lo *Providence Industrial Estate* osi, apard ki sa *crossing* ki vir lo *public road* ki mont an montan Pointe Larue la - Cascade. Me *internally* li menm li, konmsi pou dimoun koup semen i vremen en problem. So ki zot pe mazin fer a kour term, letan

nou pe mazin *zebra crossing* an menm tan lalimyer.

Me an menm tan letan Departman *Land Transport* ti vin la, mon ti koz osi lo *overpass*. Zot in dir poudir zot annan de proze pilot. Me ki zot, zot pe mazin pou fer ansanm avek *SLTA* dan sa lespri sinerzi, pou *facilitate* akse piblik dan ver koup semen. Mon krwar sa i tre enportan. E ...

### **MR DEPUTY SPEAKER**

De kestasyon lo *public toilet* avek zafer koup semen?

### **CEO ROY COLLIE**

Mersi Mr Chair. Mersi Onorab. Wi i vre nou napa *facilitate public toilet*. Me selman depi ler mon'n vini mon'n an kontak avek detrwa bann *businessmen* menm. Mon'n dir zot be annou *partner* – donn nou - pa zis pou *public toilet* en. En *Police Headquarters* osi nou ti anvi. En landrwa kot i annan en – *police* i la *at least* diran lazournen.

So be bann diskisyon in ale ki en dimoun in dir nou wi i ava donn nou. Par egzanp en *container* kot nou kapab fer *toilet*. Be selman ou konnen ler ou demann en keksoz zot osi zot oule ganny en keksoz an retour.

So nou pa'n kapab ziska la asize pou regarde ki mannyer

sa *partnership* pou marse, kot zot, zot a donn nou en *toilet*. Landrwa nou annan dan bann *buffer* nou kapab fasilman met bann *toilets*.

So be sa i en diskisyon ki nou bezwen rekonmanse. ... ler nou'n konmans bann proze diskisyon in arete. E fer tou le de *simultaneously*, met en *public toilet*. Met en stasyon lapolis osi, kot i kapab ed nou avek trafik.

*Whereas crossing* i vre anndan dan Providence napa *zebra crossing*. E *lately* en mwan pase nou'n form en Komite avek lapolis, *SLTA* pou nou regard tou sa bann zafer. *So hopefully* ki *SLTA* ava vin avek en rekomandasyon kote zot kapab dir nou pou met *crossing*. E petet nou a *partner* ek *SLTA regarding funding* pou nou kapab fer *crossings* anndan dan Providence. Mersi Mr Chair.

### **MR DEPUTY SPEAKER**

Mersi. Ou annan klarifikasyon?

### **HON WAVEN WILLIAM**

Mersi Mr Chairman. Mr Chairman mon'n ekout *CEO* koze e nouvo Gouvernman i en Gouvernman ki pran desizyon e fer aksyon. Nou pa en Gouvernman ki ise, bose, apiye pou fer monte. Pran tro bokou prosedir.

So mon a demann ou - mon a met lanfaz *CEO* avek Minis ki - akoz dimoun i soufer - bezwen annan en landrwa nou kapab fer kabinen piblik. Konmsi sa pou mwan mon vwar li en problem akok sa i annan pou fer avek piblik. So silvouple sey konsider sa.

E *CEO* in vwar poudir ou pou al fer *meeting* be zot ki ansarz! E prezan sa bann dimoun anler laba i bezwen korpore. Akok mon pe regarde dan *current challenges*, be zot ki ansarz, zot ki bezwen kapab enpoz serten keksoz! Silvouple pran desizyon. Mersi.

### **MR DEPUTY SPEAKER**

Mersi. Mon krwar i en pledwari ki panel ava pran li a *coeur*. E zot ava fer en keksoz pou ki bann dimoun ki servi laba ava ganny en *better facility*. Onorab Monthy. *Sorry* mon pa'n ti'n vwar ou lanmen. Me ou pre laba - *sorry*.

### **HON PHILIP MONTHY**

Premye pou lev lanmen. *IEA* dan distrik Cascade so i enportan. Premye kestyon en pe lo bann dezord lepase ki'n annan.:- Onorab Vidot in elabor lo la. Onorab Aglae in elabor lo la. E ler mon pe get zot *current challenges*, zot in koz lo '*absence of enforcement*

*powers through legal provisions.'*

E fason pou zot adres sa *bullet point* limero lo *strategic priority*, se '*expand that powers and authority of IEA, to ensure compliance with regulatory guidelines, such as traffic, environmental, illegal access and breach and complete survey work on all parcels.*' Savedir si i annan e pou re vwar bann taso osi. Tousala i bann manboulouk ki'n arive.

So mon kestyon se ki pouvwar legal -ziske ki zistans zot pou annan dan sa pouvwar legal, pou zot kapab *deal* avek sa bann dezord ki'n arive? *Ok?* E ki garanti ki la anba nou *watch* anba nou Gouvernman, sa bann pratik ki si ou konn en dimoun isi, laba, pa pou arive pou ou ganny en morso later anba *zone* endistriyel? *Ok?*

Dezyenm kestyon i annan pou fer avek dife *landfill*. Eski zot satisfes avek zot *emergency plan* dernyen lensidan ki ti annan lo dife *landfill*, lafason ki keksoz in deroule? Akok mon pa'n vwar okenn provizyon dan Bidze.

So eski zot satisfes avek zot *emergency plan* an ka li annan en lot dife *landfill*? Mon konnen i annan en *master plan* pe al ganny me an plas. Me donn nou en pe lenformasyon lo la, ki nivo



preparasyon *IEA* i annan lo la an ka i annan en lot dife *landfill* pou zot *deal* avek? Mersi.

**MR DEPUTY SPEAKER**

Mersi Onorab. *Panel?*

**CEO ROY COLLIE**

Mersi Mr Chair. Mersi Onorab pou ou kestyon. Lo konsernan *enforcement powers* sa ki nou pe fer se enn se vwar *IEA Act*, pou donn li plis sa bann Lotorite. Sa bann serten keksoz ki dan *lease agreement* ennler dan *policy* ki pou ganny reflekte dan bann regilasyon ek Lalwa, pou kapab donn li sa Lotorite dan *Industrial Estate* partou, pou li kapab enplimant son bann *policies*, ki ozordi i napa neserman bann pouvwar legal.

Nou annan serten *policy* ki nou ti'n fer sorti depi lannen pase. Ki nou pe travay avek *AG's Office* an se moman. Pou transform dan regilasyon. Sa i pou *enforcement* bann provizyon dan bann *lease agreement*.

E lannen prosenn nou pou travay lo son *actual Industrial Estate Authority Act*, kot nou pou entrodwir bann nouvo *enforcement powers* ki prezan pou kouver bann lezot aktivite ki bezwen pran mezir lo la. Mersi Mr Chairman.

**MR DEPUTY SPEAKER**

Mersi. Lo plan zafer dife? Dife *landfill*?

**DEPUTY CEO BARRY ASSARY**

Mersi Mr Chair. Mersi Onorab. Ou konnen depi bann dernyen zafer dife, nou vremen annan *working relationship* avek *DRDM*. E ou konnen *LWMA* avek *DRDM* ki annan Bidze ki fer sir sa bann *emergency plan* i ganny met an plas.

Me selman nou nou'n fer sir ki tou *meeting* ki nou annan, *IEA* i form par ladan. E nou konn tou keksoz ki *DRDM* i met an plas. Tou keksoz ki *LWMA* i met an plas. E si zanmen i annan okenn evakyasyon -

*In fact* ler dernyen dife la nou'n fer sorti en form kot tou *tenant*, pou nou konnen konbyen dimoun ki reste la lo Providence. Pou nou kapab si zanmen i en sitasyon ki grav ki nou bezwen evakye tou dimoun, nou pou'n pare. Nou pou konnen konbyen dimoun. Ki degre mobilizasyon nou bezwen fer.

E vwala wi, nou *working relationship* avek sa de Lazans i konstan. Nou kontinyen fer li. E nou krwar nou pou kapab met en bon plan ater. Mersi Mr Chair.

**MR DEPUTY SPEAKER**

Mersi *CEO*. Onorab Pillay.

**HON SEBASTIEN PILLAY**

Bonn apre midi *CEO*. Bonn apre midi tou bann dimoun ki pe ekout nou. Mr Chairman mon premye kestyon i *relate to non-financial assets*.

Mon vwar *infrastructure zone 20* ti sipoze kout 34milyon R980mil. E mon vwar i annan en 2.1milyon osi ki'n mete pou sa lannen ki pe vini.

An tou zot Bidze pou lenfrastruktir i *basically* R47milyon pou sa lannen. Prezan ler mon pe regard sa R34.9milyon, mon osi regard *award* Kontra anba *National Tender Board*. E mon vwar ki *bid amount* ti R28.6milyon.

So eski *IEA* i kapab eksplik mwan la diferans ant sa R34.9milyon - sa *bid amount* e donn mon *final cost of sa construction of bulk infrastructure for zone 20*? Sa i mon premye kestyon.

Prezan mon dezyenm kestyon mon pa konnen si sa i *relate* avek en *statement* ki *Leader Zafer* Gouvernman in fer taler, me i al anliny en pti pe avek en kestyon ki Onorab Monthy in demande.

Ou konnen Mr Chairman mon bezwen met lo rikord ki annan detrwa dimoun ki'n *call* mwan. Ki apre ki zot in partisip dan sa lamars, i annan ki'n ganny serten *call from* zot bann Sef ki dan

Gouvernman. So mwan mon ti a kontan ...

*(Interruption)*

**MR DEPUTY SPEAKER**

Onorab sa bann keksoz koumsa -

*(Interruption)*

**MR DEPUTY SPEAKER**

*Hang on-hang on- hang on. Hang on!* Mon ti ava advise ou dir avek sa bann dimoun al kot *Human Rights Commission* e fer en konplent formelman.

Akoz mwan konman en politisyen zanmen mon pou toler okenn *public servant* menas en dimoun, akoz i siport son parti politik.

***(APPLAUSE)***

**MR DEPUTY SPEAKER**

Dir zot fer en konplent formel kot *Human Rights Commission*. Mersi. *Proceed* avek ou kestyon.

**HON SEBASTIEN PILLAY**

Mon a *proceed* ek mon kestyon. Wi ozordi nou pa pou toler okenn *public servant* pou partisip dan politik. Me i annan *public servant* ki ganny drwa poste zot bann komanter politik lo *Facebook*.

So pou swiv kestyon Onorab Monthy, ki garanti ki mon annan anba *award* bann

par egzantp sirtou, sa 16 *plot* ki annan pou fer avek bann Kontrakter *class 2*. - ki garanti ki Lasanble i kapab gannnen, ki *award* sa bann *tender* pou ganny fer lo en baz transparan e ouver.

E ki tou dimoun ki partisipe sirtou bann kontrakter *class 2* byensir sakenn pou annan en *fair chance* pou zot partisip dan sa *tender*? Mersi Mr Chairman.

### **MR DEPUTY SPEAKER**

Mersi pou ou kestasyon. *Panel*?

### **MINISTER DEVIKA VIDOT**

Mersi Mr Chair. Mersi Onorab pou ou kestasyon. Mon pou abord dezyenm e *CEO* i ava donn ou sif egzakt pou premye. Larepons dezyenm kestasyon se ki i annan en Komite Evalyasyon ki'n ganny *set up* avek bann kriter pou zot swiv.

E alor sa i pou garanti pou ki tou keksoz pou ganny fer dan latransparans. Zot pa pou vwar non okenn bann aplikan. Me plizoumwenn zis travay lo zot bann dosye parey pou ganny soumet avek zot. Mersi.

### **MR DEPUTY SPEAKER**

Mersi Minister. *CEO*?

### **CEO ROY COLLIE**

Mersi Mr Chair. Mersi Onorab Leader Lopoziyon. Kontra

*Turnkey* wi i 28.6milyon. Ier ou azout *VAT* 4.29milyon i fer 32.895milyon. So 28 *plus* 4 - 32. Epi nou annan osi bann *consultancy fees* ki nou bezwen peye anba sa proze. So nou'n met en pti provizyon pou nou kapab pey *consultancy* osi. Mersi Mr Chair.

### **MR DEPUTY SPEAKER**

Mersi. Ou annan klarifikasyon?

### **HON SEBASTIEN PILLAY**

Mersi Mr Chairman. Mon premye klarifikasyon;- so mon rapel Minis ou ti nonm en sif lo televizyon. Si mon pa tronpe i pa ti 32milyon ou sif ki ou ti nonmen. So eski mon kapab ganny *the correct figure* la. Vi ki Minis an piblik ti nonm en sif. Lasanble pe ganny en lot sif la.

Annou konfirman ki sif ki'n ganny depanse pou fer proze lenfrastruktir lo *zone 20*? E konbyen ki reste ki bezwen ganny depanse pou konplet depans lo lenfrastruktir lo *zone 20*. Mersi Mr Chairman.

### **MR DEPUTY SPEAKER**

Mersi. Zot annan sa sif devan zot?

### **MINISTER DEVIKA VIDOT**

Mersi Mr Chair. Mersi Onorab pou kestasyon. Onorab mannyer keksoz i marse se ki,

si ou rapel byen letan mon ti mont lo televizyon, *tender* pa ti ankor ganny lanse. Alor nou ti pe travay lo en sif baze ankor lo en *estimate*. En *bill of quantities* savedir en *estimate*.

Definitivman alor letan *tender* i ouver sa sonm ki bann kontrakter pou *bid*, i pa pou parey sa *estimate* ki'n ganny fer. So sa Kontrakter li sependan son mwayen, son resours i fer son *bid*.

So se sa ki i pou annan sa diferans. E an plis ki sa nou letan nou koz alokasyon nou mars avek sa kotasyon ki sa *bill of quantities* ki Departman Lenfrastriktir i donn nou. E se from sa ki nou travay avek Minister Finans pou nou demann zot larzan pou finans nou dan Bidze.

An plis ki sa dan sa proze pou zone 19 - zone 20 i annan *electrical equipment* ki pa'n ganny enkorpoire anba sa Kontra, ki *turnkey* in ganny *allocate*. Me nou'n bezwen pey li separe avek *PUC*.

So i annan en larzan adisyonnèl ki nou'n bezwen. So savedir sa *sum* ki mon ti fer referans avek la, i enkorpoire sa bann konponan. Mon espere ki mon'n kapab klarifye. Mersi.

**HON SEBASTIEN PILLAY**

*(Off-Mic)*

**MR DEPUTY SPEAKER**

Sertennman.

**HON SEBASTIEN PILLAY**

Mersi Mr Chairman. Ou konnen ler nou pe diskite Bidze, i nou lobligasyon pou fer sir bann sif ki nou donn piblik i bann sif ki as korek *as possible*. Mon konpran dilenn Minis akòz ou'n ganny en lenformasyon from *in-house* baze lo bann travay ki'n ganny fer.

Me selman sa lenformasyon in fini al dan domenn piblik lo en *cost*. Prezan la ler nou pe get dan Bidze *the cost is much higher than* ki ou ou'n prezante. I diferan avek sa ki ou ou'n prezante. So problem ki sa i vini *then* i kree bann lenterpretasyon lo sa bann *cost*.

So sa ki mon pe *advocate* - mon pe demande se ki, *at least* bann lenformasyon ki ou, ou gannyen akòz ou, ou pa pou neserman dan sa Minister pe *micro manage* tou keksoz.

Mon kapab konpran.

Me selman i enportan ki konman Minister ler ou al devan piblik, ou pe ganny *as close information as possible*, ki ou pe donn piblik. *So that* piblik i *aware* tou bann *costing*, bann keksoz pou koute.

Aprè dezyennman wi Mr Chairman Minis i korek

*regarding* sa 11.5milyon. Akoz sa nou ti vot li anba en *supplementary budget* ki ti pas devan Lasanble. Sa nou rapel tre byen.

So ler nou pe regard *the cost - total cost - the total cost of zone 20 what is the final figure* Mr Chairman ki nou pe rode ki *zone 20* in kout nou? Mersi Mr Chairman.

### **MR DEPUTY SPEAKER**

Mersi. Mon satisfè avèk leksplikasyon Minis an term *estimate*. E dan son *interview* ki in donn nou lo lapres - ki an prensip Onorab ou konnen ki nou *Standing Orders* i dir nou ki nou pa bezwen pran bann keksoz ki'n pas dan medya, pou fer li vin laverite Lasanble Nasyonal.

Akoz par egzanp COGA ki tipe *follow* sa proze, zot kapab *scrutinize* sa *figure* baze lo promes ki'n ganny fer dan Lasanble. Be Minis ava koz lo sa dezyenm bout ki annan pou fer avèk kou final proze *zone 20*. Mersi.

### **MINISTER DEVIKA VIDOT**

Mersi Mr Chair. Onorab si ou pou azout sa valer sa Kontra avèk valer kou ki nou'n depanse pou aste bann lekipman elektrik, i pou tonm an se moman 44.3milyon.

Me selman parey nou'n fer resorti, i annan varyasyon

osi ki pou ganny fer. Alor i annan provizyon dan Bidze kot nou'n mete ki nou pou kapab fer sa bann koneksyon dan semen.

So petet i tou depan lo Departman Lenfrastruktir ki mannyer zot, zot pe antreprann sa kalkilasyon. Si zot pou fer li atraver en *variation of contract*. Ouswa si zot pou fer li en keksoz separe, sa mon pou kit avèk sa bann teknisyen pou zot fer desizyon. Mersi.

### **MR DEPUTY SPEAKER**

*Point of order* konsernan kwa Onorab.?

### **HON SEBASTIEN PILLAY**

Mersi Mr Chairman. Mr Chairman ou'n pran en *ruling* an relasyon avèk en *statement* ki mon'n fer an se ki konsern nou *Standing Orders*, ki dir ki mon pa kapab pran bann eleman ki sorti dan medya e raport li dan Lasanble.

### **MR DEPUTY SPEAKER**

Yes.

### **HON SEBASTIEN PILLAY**

Be mon ti a kontan ganny gidans Lasanble Nasyonal. E la vi ki nou Lasanble Nasyonal, vi ki nou'n akiz dan lepase bann Gouvernman presedan pou don en sif e fer en lot keksoz, petet mon ti a

kontan met sa devan ou, eski i normal alors pou en Minis, nenport ki Minis - mon pa pe koz Minis Vidot la, me nenport ki Minis pou fer –

Akoz sa nou pe koz *statement* Gouvernman fer par en Minis. I pa *statement* en zournalis. I pa *Statement* en endividi. I *statement* en Minis. Eski i pou normal alors pou sak Minis ler zot fer en *statement* ki pa korek, oubyen ki mank serten lenformasyon.

Akoz mon pa le *impute* ki Minis ti pe fer okenn *statement* mal. Ler i mank lenformasyon eski i pou normal alors, e i pou kont etik Lasanble Nasyonal pou Lasanble kestyon sa *statement*?

Akoz sa i sorti *from* en *official source* dan Gouvernman. Se sa ki ou bezwen klarifye avek mwan. *How do you want to proceed on this?*

### **MR DEPUTY SPEAKER**

Mon *advice* – mon *advice* - e la mon pe koz dan mon leksperyans letan mon'n *Chairman COGA*, si i annan en proze ki ganny diskite dan Lasanble Nasyonal. Par egzansp la sa sif ki ganny dir la anndan, *this is what we as members of National Assembly we scrutinize.*

Nou demann tou bann dokiman, nou diskite e nou pran sa fe ki'n deroul la

anndan. Ki'n pase dan medya, akoz i posib ki pa tou lenformasyon ki ti devan li a sa moman. Me letan i vin la nou ekspekte avek tou bann teknisyen, avek Minister Finans ki la zot pou ganny *the closest figure.*

E pou mwan sa ki nou konman Lasanble Nasyonal nou merit konsernen avek. Sa ki pas la anndan. E nou *Standing Orders* i kler lo la. Akoz sinon nou pou tant pou al fer politik avek bann keksoz ki pas deor e anmenn anndan, kan nou, nou preokipasyon i dan nou lakaz.

Dernyen – ou le klarifye en keksoz Minister.

### **MINISTER DEVIKA VIDOT**

Mersi Mr Chair. Non zis pou mwan – i enportan ki nou met keksoz an perspektiv osi. Letan mon ti donn sa *interview* – i ti baze e mon ti fer resorti ki dapre *estimate* baze lo *figure bill of quantities* ki nou ti pe fer referans avek.

So mon ti fer resorti poudir *tender* pou ganny fer pandan lasemenn. Savedir i pa kapab posib ki mon'n *quote en figure* ki anliny avek en sonm ki'n ganny soumet dan en *tender*, si sa zour mon ti pe debout pou donn sa *figure* - ti avan ki en *tender* ti ganny fer.

So mon krwar manm piblik letan zot analiz sa bann keksoz, zot pou ganny en

konpran zot. Nou pa pe *mislead* piblik dan okenn fason. Medya in demann kestyon. Nou'n reponn en *approximate*, baze lo *estimate* ki nou'n gannyen. *Tender* i ganny fer e la tou depan lo kontrakter i fer son evalyasyon. E i donn ou sa sonm appropriye.

Savedir i enportan pou manm piblik os pou zot met sa an konteks letan zot pe mazine. Mon pa vwar li Mr Chair en fason ki mon pe *mislead* e mon anvi eklersi poudir mon pa la pou *mislead*. Ouswa pou konfiz Lepep Seselwa, akoz i fer bokou fwa la ki Onorab i pe donn lenpresyon poudir mwan mon'n *mislead* Seselwa. Mon pa *mislead* Seselwa. Mersi.

### **MR DEPUTY SPEAKER**

Mersi Minister. De tout fason nou konman Lasanble Nasyonal nou pa bliye ki nou annan en *oversight* lo Gouvernman. Nou annan en Komite *FPAC* ki kapab *scrutinize* bann depans Gouvernman. Ekrir Oditer Zeneral demande pou fer en lanket dan en depans ki'n ganny fer. Fer en *public hearing*. *We have this power*. - 7tyenm Lasanble, servi bann zouti ki nou annan en annou pa viv dan *shadow of* 6enm Lasanble.

Annou met nou lipye ater en kou si nou santi i annan keksoz pa pe mars byen. Mersi. Onorab Arissol.

### **HON SANDY ARISSOL**

Mersi Mr Chair. Bonn apre midi Minis avek ou lekip. Mon anvi prezant sipor pou Minis. Minis nou lo sa kote latab nou krwar tou sa ki ou dir nou. Napa okenn personn an deor ki krwar ki ou pe *mislead* zot. Se pou sa rezon ti annan sa 200 dimoun ti desann Sanmdi dan lamars.

E nou ti tann zot pe kriy "Lorloz, Lorloz, Lorloz" parski zot konfizyon i antre zot menm laba. E pa anmenn lo nou kote latab.

Mwan mon annan de kestyon mon ti a kontan demande Minis. Taler mon'n tann koz aryeraz ki Onorab Aglae in demande. Be ti annan en travay ki ti ganny dir zot pou fer an relasyon ek bann dimoun ki annan plizyer morso kare lo *IEA*. En sel endividi ki annan detrwa morso.

Letan mon'n koz aryeraz larzan, mon ti a kontan demann zot ki travay ki'n ganny fer pou ki si Sandy Arissol ki siport *LDS* i annan li 3/4 morso, e i pa pe servi pou nou kapab rebran avek li, pou ki en lot *US* ki pe espere ki lo laliny li osi ganny asiste. I ganny en bout later pou li

kapab devlop son biznes., pou li kapab bouz de lavan.

Par egzanp Bel Ombre, mon annan Mr Waye-Hive. En dimoun ki fer mekanisyon, pou en bon pe letan i dir mwan i pe esper. I la deryer Cameroun. I dan en landrwa rezidansyel. I o bor en larivyè. E i bezwen manze ziska prezan i pa ankor ganny dir nanryan.

So ki zistans zot in arive avek regran avek bann ki annan plizyer ki pa pe servi, pou nou kapab re partaz li byen avek bann ki dan bezwen?

Mon dezyenm keston mon ti a kontan demande, eski lalis bann dimoun ki fer aplikasyon bann bout later konblaz parey nou dir - eski nou konman Lotorite Distrik nou pa kapab ganny akse avek;- par egzanp fer nou konnen - par egzanp ler en dimoun i fer aplikasyon lakaz avek Gouvernman, i retourn kot distrik. E nou osi nou donn nou *say* ladan. Pou nou *advice* Lotorite pou dir wi sa dimoun i serye. Wi i en dimoun ki lontan i pe rode. Wi kot i ete i danzere, pou nou kapab pous son aplikasyon.

Par egzanp mon annan en zenn madanm dan distrik Bel Ombre ki'n lev-e in debourye, Nella Victor. Me malerezman menm in debourye i napa landrwa pou

met son bann lekipman pou li *store* son bann lekipman.

So letan zot anvoy nou lalis par distrik, nou osi nou kapab ed zot konman sa Minister, pou pous nou bann aplikan oubyen *advice* zot pou dir wi. Sa enn i kapab bouze. Sa enn non i pa serye. Sa enn kekfwa in sanze. Sa enn i nepli enterese. Pour ki nou tou lo menm paz e ki tou bann dimoun ki bezwen lasistans i ganny sa lasistans. E nou pa senm okenn konfizyon oubyen sey *mislead* person. Mersi bokou Mr Chair.

### **MR DEPUTY SPEAKER**

Mersi Onorab.

### **MINISTER DEVIKA VIDOT**

Mersi Mr Chair. Mersi Onorab pou ou bann keston. Mon pou pran premye. CEO pou abord dezyenm konsern *waiting list*. Garanti Onorab ki nou kapab donner. An se moman nou Polisi ki mannyer i marse, se ki si ou annan en morso later, ou annan plis ki en morso later le moman ki ou annan enn, ou pa pou ganny konsidere pou ganny en lot.

Savedir sa i *hors de question*. Savedir nouvo *plots* ki pe vini zot pa pou kapab - *unless* si demen nou bezwen reviz nou Polisi ensidswit, pou nou regard bann biznes ki anvi devlope. Akoz sa osi nou pou bezwen ler i ariv en moman



donnen nou pou bezwen regarde si tou dimoun in *ok*. Apre regarde ki mannyer bann ki anvi devlope ki napa plis ki enn i kapab devlope.

An se ki konsern sa bann ki annan plis ki en morso e ki pa pe devlop zot later. Nenport ki ki pa pe devlope, zot in ganny servi en *notice of breach*. E aksyon legal pe ganny pran avek zot, pou ki sa bann later i retourn kot *IEA*.

Me selman sa prosedir, an vi i bann prosedir legal e i kot *AG's Office* i pran li en pti pe letan. I annan selman par kont ki nou'n fini kennsel. Mersi.

### **CEO ROY COLLIE**

Mr Chair mon pou reponn dezyenm kestyon. Wi *by all means* nou pare pou donn zot tou Onorab - *in fact* Mr Onorab Gill, Onorab Woodcock e Onorab Poris i kapab konfirman - ler nou ti lans *tender* pou Praslin, nou ti donn tou le 3 en kopi sa lalis Praslin, pou zot fer sir ki napa okenn dimoun ki manke lo lalis.

Nou pa ti anvi ganny akize ki nou'n mank dimoun. E wi i annan fot lo la. I annan dimoun ki reste Praslin selman *somehow* son ladres i Pointe Larue. Prezan ler ou *sort out* mon krwar enn ant zot Manm ti dir be sa msye i reste Praslin. I posib *IEA* in fer en

fot. *But* dan sa rafal dan le pase - nou pe koz ou lalis 20 an pase sa.

*So by all means* zot kapab vin kot *IEA*.

Nou ava donn zot *by district*. Tou Onorab vin kot nou. Nou annan nou *lease manager*. Son non i Ania, zot kapab pran. Vin kot li. I kapab *email* zot tou sa dimoun ki lo nou lalis by district e nou kapab korize an alan. E ler nou annan *tender* pou fer i ava vin pli fasil ki nou napa fot. Mersi Mr Chair.

### **MR DEPUTY SPEAKER**

Mersi *CEO*. Dernyen entervenans lo sa *heading* avan ki nou pran *break*, Onorab Larue.

### **HON FLORY LARUE**

Bonn apre midi Mr Chair. Mersi. Bonn apre midi panel. Dan *current challenges bullet point* 1 lo paz 534, nou vwar ki enn bann defi i swiv en pe sa ki Onorab Labonte ti pe dir lo kote zot *unable* pou *meet* demann later. Ouswa bann *workshops spaces* ki dimoun i le. Sa i enn zot bann defi. E i kler ki nou annan sa defayans lo kote pei antye.

Lo program 2 lo paz 538 nou vwar ki enn zot bann *indicator*, zot *outcome indicator* nimer 1, i *percentage of plots of land develop based on total number of lots allocated*. E la

nou vwar ki zot bann poursantaz i ase o. E zot pou zwenn zot bann target.

Me par kont eski dan zot Bidze lo kot *management* pou later anba sa program, eski zot pe mazine pou sanz modalite sa model ki zot servi pou donn later? *In the sense* kot nou napa later - i limite, eski nou pe mazine pou fer bann lezot fasilite? Tel ki bann pli gran lizin lo en sel bout later, ki enkli en kantite fasilite ladan?

Pa model parey 'Leve Debourye'. Me en keksoz ki fit lo kote endistriyel. Me solman lo en sel *plot rather than individual plot* en dimoun i ganny li *unit*. Si i kapab en *floor*, de *floor*. Menm trwa *floor*, ki fer ki nou pa kontinyelman pe get sa opsyon konble. Akoz i pa en keksoz soutenab a *long term*. Akoz deza nou napa later pou donner *as it is*. E lalis i long.

Alor en lot zot bann defi lo kote Lalwa, defayans dan bann Lezislasyon. E pou zot kapab donn bann penalizasyon kot dimoun pe servi en bout later ki limite deza, pou fer stokaz olye fer sa ki i sipoze fer avek. Eski zot annan lide anmenn Lezislasyon *soon*? Pou nou kapab rektifye sa bann problem e pa les li tro trennen. Mersi.

### **MR DEPUTY SPEAKER**

Mersi Onorab. *Panel*?

### **MINISTER DEVIKA VIDOT**

Mersi Mr Chair. Mersi Onorab pou ou bann konsern e ou bann kestyon. An se ki konsern sa bann *units*, nou annan provizyon dan Bidze, pou nou fer en model. E se sa, sa 25milyon ki nou'n fer provizyon dan Bidze pou 2023, pou nou fer egzaktaman parey ou'n eksplike.

En gran lespas ki bann dimoun ava ganny bann *units* ladan. So nou'n fini fer provizyon pou sa. E *PS* ava abord sa size anforse Lalwa. Mersi.

### **MR DEPUTY SPEAKER**

Sertennman. *PS*?

### **PS MICHAEL NALLETAMBY**

Mersi Mr Chair. Mersi Onorab ankor pou kestyon. Konsernan Lalwa, parey mon'n eksplike taler nou annan en *Board* Lalwa, pou regilasyon ki kouver bann *lease agreement*. Ki nou'n deza *submit* en serten keksoz kot *AG's Office*. E nou pe travay ek zot pou zot pou drafte sa bann regilasyon, pou nou kapab servi sa.

Apré nou annan sa lot bout lo son Lalwa pou *enforcement IEA Act*. Pou donn li en pe plis Lotorite pou *enforcement*. Sa nou pou

konmans fer li depi lannen prosenn pou nou travay ek *Cabinet* ek *AG's office* pou nou kapab finalman anmennen. Mersi.

**MR DEPUTY SPEAKER**

Mersi. Ou annan klarifikasyon.

**HON FLORY LARUE**

Mersi *Panel*. Mersi Mr Chair. Wi lo kote model mon pe *mean* en pe pli strik lo kote *manner* sa later i ganny servi. *In the sense* kot souvan nou vwar en later, ki nou konnen i en later ki nou'n konble e peye *for it*.

Solman sa dimoun pe konstri direktman dan milye - en pti *building* apre sa larestan later pa ganny servi. So eski mon pe mazin lo kote *usage* li menm. Eski zot annan lentere pou zot antre direktman dan dir - *usage*?

Letan mon pe koz sanzman model, mon pe *mean* letan i annan en *plot* later si zot pou kapab fer li disponib pou 4 dimoun. Pou kapab *build vertically* pou nou *go up*. Olye pou nou zis get sa kare kot i ete. Mon pe *mean through* Lalwa - Lezislasyon ki *straight away* nou kapab enplimant sa bann zafer. Mersi.

**MR DEPUTY SPEAKER**

Mersi Onorab.

**MINISTER DEVIKA VIDOT**

Mersi Mr Chair. Mersi Onorab pou ou de pwen klarifikasyon. Wi dan sistenm evalyasyon nou'n fer provizyon pou ki en dimoun pou ganny *assess* baze lo plan ki i soumet. Ouswa sa konseps. Si i pe servi *maximum use* son later.

*So the more* i servi *then the more* pwen ki i pou gannyen. So nou pe met sa an konsiderasyon, parski nou konnen poudir nou'n met en resours a son dispozisyon. Alor i bezwen make *the maximum use of it*.

E apre ou'n demann an se ki konsern lo en morso later, fer provizyon swa plizyer *unit*. Wi i annan - se sa nide par deryer sa bann *public private partnership*. Me selman dan Bidze 2023, nou osi annan enn ki Gouvernman pe finanse dan en stil koumsa. Me selman napa okenn Lezislasyon, okenn regilasyon ki pe fors en dimoun pou li fer sa tou deswit.

So se zis atraver sa bann *PPP* ki nou pou kapab regarde ki bann *proposal* ki sa bann dimoun i soumet avek nou. E byensir la sa bann ki zot, zot pe fer provizyon pou plis lespas pou bann dimoun - dizon *1st floor* ou annan ou apepre 4 ou 5 *unit*, ki ou pou met a dispozisyon bann pti biznes pou zot kapab vin lwe.

E la dan *assessment* sa *proposal* sa bann dimoun i ava kapab ganny en pe plis pwen si oule. Me selman tan ki sa Lalwa pou annan en Lalwa *eventually* ki pou vini.

Me selman pou li al spesifik avek later endistriyel, sa mon pa asire si sa pou ganny aborde. Me selman nou a kapab regarde toudmenm letan i ariv staz konsiltasyon ki nou kapab fer en konversasyon lo la. Mersi.

### **MR DEPUTY SPEAKER**

Mersi Minister. Mon krwar Onorab Larue i pasyonnen *about* sa ki i ti pe propoze. *It's a good topic* pou en Mosyon ki ou kapab table a en moman a lavenir, pou demann pou revwar fason ki sa bann konstriksyon i ganny fer dan bann landrwa endistriyel.

In ariv le moman pou nou pran en vot lo sa *heading* - sa i *Industrial Estate Authority* ki trouve le paz 534 a 539. Son alokasyon bidzeter ki pe ganny propoze - i R60milyon 474mil. Mon ava demann tou bann Manm ki an faver pou endike silvouple. Mersi. Okenn Manm ki kont? Mersi.

Donk vot pou *Industrial Estate Authority* pou en sonm R60milyon 474mil i annan 26 Manm ki'n vot an faver, okenn Manm pa'n vot kont, 5 Manm in *abstain*. Donk sa vot i pase.

Nou ava remersi bann zofisye *IEA* ki'n avek nou. E nou pou pran en poz ziska 4er. Ler nou retournen nou pou pran alokasyon bidzeter *Seychelles Licensing Authority*. E nou osi annan en pe bann *First Reading* bann *Public Bills* ki nou pou pran semenn prosen. Donk nou ava *adjourn* ziska 4er. Mersi pou bann ki pe kit nou bonn fenn lazournen.

**(BREAK)**

### **SEYCHELLES LICENSING AUTHORITY (SLA)**

#### **MR DEPUTY SPEAKER**

Bonn apre midi tou dimoun *welcome back* e nou ava swet labyenveni delegasyon sorti kot *Seychelles Licensing Authority*. E nou dir *welcome* Mrs Jessica Larue i *Deputy Chief Executive Officer* e Ms Pettrina Mathiot ki *accountant*.

Minis Vidot i ankor avek nou. Mr Nalletamby i ankor la. E i annan osi bann zofisye Finans ki ankor avek nou depi bomaten. Donk ki nou ava fer se nou ava demann *panel* pou fer lentrodiksyon lo *heading SLA*. E apre nou fer pran kestyon avek *floor*.

#### **MINISTER DEVIKA VIDOT**

Mersi Mr Chair parey zot okouran depi konmansman,

Zanvye sa lannen lotorite *Licensing* in ganny transfer anba Minister Lenvestisman Lantreprenarya ek Lendistri, swivan bann restriktirasyon dan Gouvernman e zefor Minister, dan fasilitasyon fer biznes dan Sesel.

Sa transfer i fer ki lotorite in ganny en manda pli divers en lanvironnman biznes. E anba sipervizyon Minister apropiye. An vi ki nou ki vizyon i pou kre plis prosperite, lanplwa e en lanvironnman biznes, ki promouvwar fasilitasyon e fer biznes, sa Lotorite *Licensing* i pe transform son prosedir loperasyon, e son bann Lalwa pou li vin anliny avek sa vizyon.

Bann lobzektif stratezik ki pou *SLA* pou sa prosen 3an, i pou reviz zot *framework Licensing* moderniz li, enkli bann Lalwa regilasyon, kondisyon, prosedir entern. E menm bann protokol antre bann Lazans konsernen ki tonm dan *framework Licensing*.

Pou *digitize* ouswa transform bann rikord fizik e fer li vin nimerik, koumsa tou keksoz i ava vin pli fasil e sa pou siport son proze *digitalization*.

Amelyor striktir kominikasyon e provizyon lenformasyon avek manm piblik. Nou la pou deservi

manm piblik alor i vremen enportan ki nou kapab *improve* lo sa kote.

E byensir avek tou sa bann sanzman, i pou bezwen annan bann restriktirasyon dan lorganizasyon pou fer ki bann lobzektif i ava ganny atenir pli efektivman.

Bidze pou Lotorite *Licensing* pou 2022 ti pou en sonm 17milyon. E pou 2023 nou pe propoz en logmantasyon 12poursan ki reprezant anviron R2.083milyon. Sa i fer ki Bidze pou 2023 i pou en sonm total R19.1milyon.

E avek sa Mr Chair mon demann laprouvasyon Lasanble pou Bidze *Seychelles Licensing Authority* pou en sonm R19.145milyon pou lannen 2023. Mersi.

### **MR DEPUTY SPEAKER**

Mersi *Minister*. Onorab Cosgrow ti'n port mon latansyon pou en size.

### **HON WALLACE COSGROW**

Yes Mr Chair. Mersi bokou Mr Chair. Mr Chair mon annan en klarifikasyon, ki petet Minister Finans i kapab eklersi.

Dan *Budget details* pou *Seychelles Licensing Authority* ki nou'n gannyen, tou bann *headings* lo la i pou *Bureau of Standards* e ler mon pe get *Bureau of Standards* pou *Bureau of Standards* osi i

parey. So eski in annan en konfizyon, ouswa ki mannyer nou pou *proceed from there*?

Aprè mon le koze tou - mon oule demann kestyon. Mersi.

**MR DEPUTY SPEAKER**

Minister Finans pou-- anr dan son detay olye met *SLA* met *SBS*. Ms Tamatave?

**COMPTROLLER GENERAL ASTRIDE TAMATAVE**

Mersi Mr Chair. Mr Chair wi sa i en lerer. Petet nou ti a kapab re-sirkil sa detay korek pou bann Manm Onorab? Zis sa *heading* ki pa bon son detay i pou *Licensing*. Zis sa tit ki mal.

**MR DEPUTY SPEAKER**

Solman pou benefis pou personn pa lev okenn sityasyon annou re-sirkile - solman si bann detay i parey nou kapab kontinyen ek bann kestyon apre pandan konversasyon.

*Ok* zot pe dir i pa parey. Si Onorab Rocky ki'n dir mon *trust*, akòz konman en Ansennyan ou'n war bann sif pa parey. Mon *trust* ou lo la. Onorab Aglae.

**HON EGBERT AGLAE**

Yes. Mr Speaker, problemm avek sonm ki anler i ok li sa 19milyon. Be selman i annan program 2 osi ki atase avek i

annan en lenpak, pou *Metrology and Conformity Assessment* i deza ladan. So i annan en brouyaz. Sa ki nou bezwen kler si ou desann anba ou pou war dan programm.

**MR DEPUTY SPEAKER**

*Ok*. So si zanmen i annan ki pa pe demann kestyon lo sa *breakdown* ki pe demann lo manda, ki pe demann lo *strategic priority* ki pe demann lo target. Endike nou a pran sa bann kestyon touzour, pandan ki bann teknisyen pe asire ki bann dokiman i sirkile. Nou pa ava tarde akòz pou nou kapab fer -

Onorab Gill ou kestyon i pa lo sa *breakdown* ou? So ou ki ti lev lanmen premye oule *proceed*? *Very good*.

**HON CHURCHILL GILL**

Mersi Mr Chair. Mon kestyon pa lo sa *breakdown*. Mon kestyon se ozordi tou dimoun Praslin ki annan en *driving license*, ler sa i *expire* ler nou al kot *Licensing* nou bezwen esper bokou letan avan ler nou re-ganny nou kart.

E mon kestyon alors, eski dan sa Bidze i annan provizyon ki Biro *Licensing* Praslin, i ganny en masin pou kapab fer sa *process*, lo Praslin menm *instead of* ozordi *at this day and age* nou ankor pe anvoy Mahe, pou *process* pou nou? Mersi.

**MR DEPUTY SPEAKER**

*Panel lo masin SLA? Deputy CEO.*

**DEPUTY CEO JESSICA LARUE**

*Thank you Mr Chair, good afternoon. Thank you Onorab. Bon pou driving license Praslin nou okouran sa e ler mon ti vini dan Lasanble last year, mon ti fer zot konnen ki mon pe fer demars pou nou rod en printer. Printer nou'n gannyen - bann gro printer i bann heavy duty printer ki spesifik pou fer sa bann printing.*

*Ler nou'n gannyen unfortunately sa software li menm, li i ti pe donn en pe problem pou li kapab be compatible with the database. So nou pe travay avek DICT zis pou fer sa software konpatib. E aprezan nou pou pran sa printer ki nou pe servi la - HQ - nou pou anvoy Praslin e nou pou servi sa enn nef la Mahe.*

*Zis pou met dan zot latansyon ki pli tar petet keston pou lo la. Nou annan nou online services napa driving license pou le moman lo la. Me solman pli tar nou pe espekte met driving license en additional service. Selman i annan sa bann proze parey digitization ki'n ganny bidzete, ki pou fer sa ganny realize. Thank you.*

**MR DEPUTY SPEAKER**

*Mersi Deputy. Ou annan follow-up?*

**HON CHURCHILL GILL**

*Mersi pou ou larepons tre kler. Zis selman en presizyon pou sa compatibility software, konbyen letan ki ou ekspekte ki sa process i fini? En mannyer pou benefis bann dimoun ki pe ekoute pou zot konnen, dan konbyen dele ki sa pou rezourd? Mersi.*

**MR DEPUTY SPEAKER**

*Mersi Onorab. Panel.*

**DEPUTY CEO JESSICA LARUE**

*Mersi Chair. Mersi Onorab. Nou pe ekspekte li osito sa lannen fini nou pe travay avek DICT. Zot in garanti zot pou asiste nou. Thank you.*

**MR DEPUTY SPEAKER**

*Mersi. Dan email Lasanble si zot tyek zot email Clerk in fini anvoy sa nouvo dokiman. Ms Tamatave?*

**COMPTROLLER GENERAL ASTRIDE TAMATAVE**

*Mr Chair non i still mal, selman Mr Chair si mon kapab zis – sa data in terms of figures i korek li. I zis sa bann non ki al avek sa bann program ki pa pou korek.*

*Savedir program 2 kot zot pe war i ekrir Metrology*

*and Conformity Assessment Services* la i sipoze *Licensing Services*. So get sa *amount* pou 2023 i 5.2milyon parey dan *PPB Statement Licensing*.

Program 3 dan *plas Standardisation and Certification Services*, i sipoze *Inspection, Investigation and Enforcement*. Sa *amount* i parey 2.854 parey dan *PPB Statement*. So i zis sa deskripsyon program dan sa detay, ki mal. Son bann *figures* i korek. Mersi Mr Chair.

**MR DEPUTY SPEAKER**

Son bann detay i pa - i - ?

**COMPTROLLER GENERAL ASTRIDE TAMATAVE**

Sa bann *figures* Mr Chair i korek, i zis sa program *heading* ki mal. Nou ava aranze sa deskripsyon sa non sa program ki mal.

**MR DEPUTY SPEAKER**

Ok mon dokiman anfet ki nou merit pe travay avek i osi dokiman ki Minister Finans i poste lo sa *site web* ki piblik i annan akse avek. So eski sennla detay zot pa gannyen piblik?

**COMPTROLLER GENERAL ASTRIDE TAMATAVE**

Detay Bidze i ganny prezante avek zis bann Manm Onorab i pa en *public information*. E nou

osi donn bann Minister. So i zis sa *programme name* dan sa dokiman ki Lasanble in gannyen ki mal.

Me son *figures* par program i korek li zis sa deskripsyon program. Nou ava amande pou nou re-anvoy Lasanble *with the right programme name*.

**MR DEPUTY SPEAKER**

Mon war lanmen *Leader* Lopozisyon anler, ou annan en -?

**HON SEBASTIEN PILLAY**

Wi mon krwar, ler mon pe regard Bidze li menm e mon pe regard *consolidated expenditure estimates*. Sa ki Ms Tamatave i dir i reflekte ladan. So Manm i kapab *refer to* sa. Me selman ki Manm petet pou napa se serten eleman ki'n donner dan sa *breakdown*.

Me selman lamazorite eleman Manm pou kapab war par egzanp *uses of goods and services* zot pou kapab war, *transportation and travel cost* zot pou kapab war, *materials and supplies* zot ou kapab war dan Liv Bidze menm.

So i pou annan bann eleman ki zot pou kapab war.

So mon krwar petet ti ava meyer si bann Manm i konsider lekel bann *areas* ki zot pou demann kestyon. E si Manm i *still feel strongly* ki zot



le ganny sa *actual breakdown*, then nou ava *move* pou demann sa *actual breakdown*.

Me selman la pou le moman;- par egzanp ler mon pe gete la, an se ki konsern *Licensing Services* i 4.544million. Kestyon Onorab Gill in sort of de-koul from sa *Licensing Services* e si nou regard *compensation to employees* lo en Bidze 19milyon - 13milyon ladan pe al lo saler. So i reste zis 6milyon ki nou bezwen konsidere ek sa selman, pou nou regarde kote ki *Licensing* pe vreman depans sa larzan.

### **MR DEPUTY SPEAKER**

Manmzel Tamatave i annan en keksoz?

### **COMPTROLLER GENERAL ASTRIDE TAMATAVE**

Mr Chair si mon kapab zis refer mon lekor en pti git pli kler en? Sa detay ki nou'n donn Manm Lasanble ki son *heading* i mal - son *heading* pe read *Seychelles Bureau of Standards* i sipoze read *Seychelles Licensing Authority*.

Tou sa detay ki dan sa dokiman i pou *Licensing Authority*. Tou sa *figures* si zot gete i koresponn avek *figures Licensing Authority Programme 1 Governance, Management and Administration* i korek.

Si zot pou get par egzanp paz dan *PPB Statement* pou *Licensing Authority*, programm 1 son total i 11.063milyon. E si zot pou get total Programm 1 dan detay, i 11.063milyon - so i balanse.

Si zot pou get lo paz kot i pou montre ou detay programm 1, si nou pou get lo paz 558, kot pe montre saler programm 1, i 5362. Dan detay i 5362 ki montre ki konbyen alokasyon *basic pay* ek tou sa bann lezot *Code* anba la.

*Office expenses* dan detay i 2170, 2023 e si zot pou get lo paz 558 i 2170. So sa detay i ale ek *Licensing* li. I zis sa bann non programm ki annan en fot ladan.

Tou *figures* dan sa detay i pou *Licensing Authority*. So zot kapab swiv sa detay me zis pran sa non programm 2 ki pou le moman i pe lir *Metrology and Conformity Assessment Services*. I sipoze *Licensing Services*. Sa programm 3 ki pe lir *Standardisation and Certification* i sipoze lir *Inspection, Investigation and Enforcement*. Mersi Mr Chair.

### **MR DEPUTY SPEAKER**

So savedir i annan zis de landrwa ki – ok? Nou kapab viv ek sa le de *Whip* eski nou kapab viv ek sa? *Chief LDS* i oule dir en keksoz.

**HON SANDY ARRISOL**

Mr Chair wi nou kapab viv avek, selman parey nou ti'n propoze pli boner ki sey gete si nou kapab ganny sa bann lenformasyon. Konmsi ki korek - *the right wording everything*.

En fason ki avan kekfwa nou vote nou sa a kapab sirkil avek nou pou asir poudir deliberasyon ki nou'n fer, kestyon ki nou'n demande i korek.

Konmsi letan nou'n fer en bon diskisyon aköz nou pa pe vot lo en *head* ki pa parey. Konmsi zis pou sirkil sa avek nou. Mon krwar i ava ok pou tou bann Manm, parske bann sif ki pe ganny donnen i dir ok. Mon napa problemm avek sa. Mersi.

**MR DEPUTY SPEAKER**

Mon plis ki sir dan koridor *Liberty House* la tou dimoun i lo zot lipye, aköz Lasanble pe dir dokiman pa bon la. Tou dimoun pe taye pou aranze pou anvoye en pti moman. Onorab Vidot?

*Ok so we will proceed* touzour. Nou pou gannyen ankor dan en pti moman. Zot pe travay lo la, la kot *Liberty House*. *Next* enterven an Onorab Esparon?

**HON REGINA ESPARON**

Mersi Mr Chairman. Bonn apre midi avek ou bann nouvo

delegasyon. Mr Chairman mon annan zis de kestyon.

Enn; se letan mon pe regard *strategic priority 2023-2025 bullet 3* i met '*increase accessibility, speed and transparency of the Licensing service*. E mon pe regarde bann *challenges* ki zot pe fer fas avek se *insufficient staff capacity*. Prezan mon pe demann mon lekor ki mannyer zot pou kapab fer sa?

E dezyenmman enn bann lot defi se '*insufficient, convenient and conducive office space despite great effort to renovate, refurbish and repartition space*'.

Mon kestyon Mr Speaker en lot defi mazer sa akse avek lokasyon kot *SLA* i ete an se moman. E sa zafer *parking* i osi en defi. Eski a lavenir zot anvizaze *relocate SLA*?

Eski i dan zot plan pou *relocate*. Me osi eski zot pe mazin ofer plis servis lo nivo rezyonal, pou ki sa osi i ava degaz en pti pe sa komosyon kot *Licensing* anvil. Dezyenmman -

**MR DEPUTY SPEAKER**

Konmsi ou'n ariv 4 kestyon la ou?

**HON REGINA ESPARON**

Non, non en sel kestyon sa. I an de parti la prezan mon dezyenm. Eski zot pe mazin a lavenir antre dan en sistenm

anvoy *renewal alert notice* pou bann kliyan? Mersi.

### **DEPUTY SPEAKER**

Mersi. Zot pa'n donn Onorab Cosgrow en lide ki mannyer pou demann sa kestyon pou li apre la en. *Panel*.

### **MINISTER DEVIKA VIDOT**

Mersi Mr Chair. Mon pou pran mon krwar dezyenm ouswa trwazyenm kestyon. An se ki konsern lokasyon, Minister avek enkorporasyon *SLA* anba son Minister, nou annan lentansyon pou nou bouz dan en sel landrwa.

Savedir i dan plan si sa nide pou nou fer tou keksoz dan en sel *building*, ki dimoun i a kapab fizikman dan en menm lokasyon.

Be selman an plis ki sa nou anvii osi ankouraz dimoun pou servi nou servis nimerik. Koumsa i ava redwir sa nesosite pou dimoun bezwen vin dan okenn biro, *be it* la kot *SLA* i ete, ouswa dan le fitir kan zot bouz dan en sel *building* avek nou.

So i enportan ki sa i ganny fer, parske an se moman dizon an term pou fer patant, pou fer *renewal road fund license* tranzaksyon i annan apepre en 20mil ziska – Zanvye ziska la i annan anviron apepre 20mil ki'n ganny rikorde.

So ou kapab mazinen sa i lakantite tranzaksyon ki pe deroule. E sa i zis lo kote trafik *renewal, road fund*. So i annan lezot servis ankor ki adisyonnell avek sa. An plis ki sa i annan tou sa bann lezot servis *trade license* ki *SLA* i ofer.

So nou anvii vremen, vremen pouse avek sa konpanyy pou sansibiliz dimoun e fer zot bouz lo nou *platform* nimerik. E sa i ava ede bokou ava delarg komosyon e redwir sa kantite trafik. Mon pou pas laparol avek *Deputy* i ava donn zot klarifikasyon en pti lo konstrent resours. Mersi.

### **DEPUTY CEO JESSICA LARUE**

Mon a zis tous en pe lo kote *office space*; - Minister in fini koz *generally* lo la. Mon ava tous en pe ki'n preokip piblik en pe lo sa kote *Orion Mall parking*.

Nou pa *manage parking area* dan *Orion Mall*. Menm si nou *own* en porsyon sa *building* kot nou ete ladan, nou pa *manage* sa *parking*. Nou *only* ganny en *couple of slots* pou nou bann *vehicles*. Me selman nou lanmen i anmare.

E lo kote *VTS* mon konnen menm si pa en kestyon ki'n ganny demande, zis pou klarifye aköz piblik ti pe demande;

VTS pou le moman nou absan laba, akoz i annan bann difikilte ki nou pe gannnen lo kote kot Departman Transpor, difikilte ek *logistics e crowding*. E la nou pe lans *online services* osi nou pe rod en lot fason prezan, ki mannyer nou prezans VTS pou ete.

Eski nou pou *still* annan en *cashier VTS*? Depandan lo negosyasyon ki nou annan ek Departman Transpor *or* nou zis annan en *kiosk* laba, ki pe ankouraz dimoun pou *enroll* lo sa servis *online*. So sa i bann keksoz ki an diskisyon.

Lo kote *decentralization* sa i en keksoz ki nou'n koze depi oparavan lo kote *cost and benefit*. Si nou pe bouz digital nou ekspekte ki *decentralization* pa pou vreman en topik ki pou annan bokou priyorite. Me selman toultan nou rod fason pou anmenn servis pli pre avek piblik.

Lot kote *renewal alert* nou annan en servis *SMS*.

Nou anvoy en mesaz 1 mwan davans avan ou *license* i *expire*. Sa i en keksoz adisyonnèl ki *SLA* in sey fer. I pa dan nou manda, selman nou war li i neserer pou nou fer sa. Akoz *sometimes imagine* 5an en *license* ou pa pou mazinèn.

So nou anvoy en *reminder* par *SMS* selman

fodre ou nimero ki avek *SLA* i *accurate*.

Aprè toultan ou pou war ek teknolozi i annan sa bann pti *hiccups*. Ennler parey ou anvoy 100 ladan en 15 pa pou ale. So sa ennler nou gannnen.

Me selman sa sistenm i kontinyen. Pou *vehicle* mon konnen i mars *very well* selman pou *Trade* nou ti pe ganny en pe difikilte la in retourn normal. Aprè nou annan nou sistenm *online* si ou *online* ou kapab *monitor status* ou *license*.

Aprè nou pe devlop en *messaging service* sa lannen - *actually end of this year*. Kot ou kapab parey Lapos pa i annan en *Code* ou kapab anvoy lo la pou vin kolekte ou *parcel*,

i pou en pe parey. Ou pou anvoy ou *ID or license number* i pou donn ou bann lenformasyon lo ou *license*. So sa i en pe bann keksoz en pti pe pli inovativ ki nou pe anmenn a laporte.

Lo kote *strategic priorities* wi i pa toultan anba *quantity of staff*. Akoz par egzansp nou kapab annan bokou *staff* dan en seksyon me selman nou war dan en lot seksyon ki demann annan plis *staff*.

Sa i en pe bann balans ki nou bezwen regete e nou pa kapab zis tir dimoun met dan lot. I annan *Scheme of Service* ki nou bezwen mazin lo la. I

annan striktir lorganizasyon ki nou bezwen *review* li anliny avek Lalwa Lotorite ek son bann regilasyon, son *framework Licensing*.

So *Licensing framework* nou pe *review* e avek sa *review* nou pou vin avek en *proposed organisation structure* ki pou anliny, ki pou fasilite, ki pou ed nou *achieve* sa bann *strategic priorities*. *Thank you very much*.

### **MR DEPUTY SPEAKER**

Mersi *Deputy*. Bann Manm zis port latansyon ki nou sipoze fini sa *heading 5er*, pou nou pran en lot Antite apre pou nou fini 5edmi.

So nou prese avek nou keston e larepons osi mon ti ava demann *Panel* pou nou fer li *concise answers*. Onorab Lemiel.

### **HON SYLVANNE LEMIEL**

Mersi Mr Chair. Bonn apre midi *CEO* avek ou delegasyon. Vitman Madanm *Deputy*. mon konnen letan nou pe koz lo aksesibilite servis. Mon konnen ti deza annan en laranzman pou zot bouz Anse Royale dan *CSB Building*.

So mon ti pe regarde atraver ou Bidze 2023 la, mon'n tande ou'n dir poudir pe vin *online*, ou pa pe tro mazin desantralizasyon. Me selman mon pe mazin eski sa

demars i *still on*? Akoz fransman i ankor annan en demann pou *SLA* desantraliz son servis lo kote dan sid.

So mon pe *regarde then* ki zistans nou ete pou 2023? Si sa servis pou desantralize Anse Royale? Mersi.

### **MR DEPUTY SPEAKER**

Mersi.

### **DEPUTY CEO JESSICA LARUE**

Mersi Onorab pou ou keston. Annefe sa proze nou'n *shelve* li pou *online services*. Akoz osi i konsern *benefits* parey mon'n dir pou kout en kantite lo Bidze pou nou *maintain* en brans ki petet alternativ. Nou zwenn avek *SRC*, Lapos pou *share* en pti *cubicle*. Ou konnen, nou kapab pran sa bann alternativ koumsa. *Thank you*.

### **MR DEPUTY SPEAKER**

Mersi *Deputy*. Onorab Romain?

### **HON GEORGES ROMAIN**

Mersi Mr Chair. Minis bonn apre midi ek ou delegasyon. Mon keston Minis i pe vwar lo zot *current challenges*, zot pe fer resorti ki zot dan en *package* pou *internet* ki vreman slow. E sa byensir i pe afekte zot loperasyon.

Apre byensir zot pe koz *digitalization* byensir i pa dan

zot faver. Pou 2023 ki zot pe mazin fer mon mazine byensir zot bezwen al lo enn ki pli vit. E mon ti a kontan ganny vot pwennvi.

Aprè dezyenman, lo zot biro ki Onorab Esparon in fer sorti, Onorab Lemiel in fer sorti, mon vwar ki zot biro anvil kot *Orion* vreman i en biro ki vreman bizi en kantite. E mwan mon'n al laba detrwa fwa mon'n vwar e i kwense.

Be selman zot ferm 3er. Mon pe mazine si napa posibilite pou ferm en pti pe pli tar, oubyen menm ouver Sanmdi kantmenm ziske 11er. Akoz i kre en ta lenkonvenyans ler ou pa ganny sans vin *renew* ou *license*.

Akoz ou konnen lapolis byensir si i tyonbo ou byensir ou pou bezwen pey ou *fine*. So alors sa ti enn mon keston si i annan posibilite pou ouver biro ziske pli tar, oubyen ouver Sanmdi ziske 11er. Mersi Mr Chair.

### **MR DEPUTY SPEAKER**

Mersi Onorab. *Panel?*

### **MINISTER DEVIKA VIDOT**

Mersi Mr Chair. Mersi Onorab pou ou bann keston. Byensir Bidze pou 2023 nou pe fer provizyon pou *internet* pli vitman. Espesyalman la ki nou annan sa *online services* ki nou pe ofer. Alor i

absoliman nesese ki nou pe kapab ganny *internet* ki pli vit.

An se ki konsern *closing hours* - sa *closing hours* an se moman 3er in ganny met anfers pou nou kapab fer *banking*. Parey ou kapab konstata i annan bokou tranzaksyon *cash* ki pase kot *Licensing*. E i enportan ki *cash* i ganny *manage* dan en fason ki byen e ki regilyerman osi.

E alor i enportan ki sa eleman *banking* nou pe swiv li. Me selman byensir nou kapab eksplor bann alternativ. Mon dakor avek ou anliny avek donn piblik en pli bon servis, nou ava regarde ki mannyer pou fer. Be selman ankor mon ava lans lapel pou mwan ankouraz manm piblik, pou zot servi nou *online platform*.

E letan nou'n kapab lans nou *driving license online* osi pou fer *renewal*, sa osi i ava ede, me selman la pou le moman avek *road fund* ki nou konnen sa i anmenn bokou - i anmenn bokou trafik dan *SLA*. Si nou ti kapab ankouraz bann dimoun koumsa i ava redwir osi sa kantite *cash* ki *SLA* i bezwen *handle*. Mersi.

### **MR DEPUTY SPEAKER**

Mersi Minis. *Follow up swa i ok?*

### **HON GEORGES ROMAIN**

Mersi Mr Chair. Minis lo kote ouver Sanmdi mon ti pe zis regarde si i annan posibilite dan le fitir, pou ouver Sanmdi ziska 11er.

### **MINISTER DEVIKA VIDOT**

Mersi Onorab. Definitivman sa i en keksoz ki nou kapab eksplere byensir anliny avek letan nou'n fer nou rev, restriktirasyon, nou a regarde ki mannyer nou kapab anmenn servis pli bon a laporte piblik. Mersi.

### **MR DEPUTY SPEAKER**

Mersi. Onorab Aglae?

### **HON EGBERT AGLAE**

Mersi Mr Chair. Bonn apre midi *Panel Licensing*. Premyerman mon ti a kontan an vi ki *Licensing* i pa *operate* li tousel kot i konsern lenspeksyon e *enforcement*. Ok, ou annan bann lezot akter. Mon ti a kontan konnen akoz resanman osi nou'n war lo televizyon ki zot pe fer serten travay.

Dan sa bann travay *enforcement* e Bidze ki ou annan ladan, petet dir nou ki bann mezir ki zot in pran - sirtou kot i konsern *licenses*. An vi ki i annan diferan konplent atraver nou bann piblik, lo servis ki pa alaoter ki zot in kapab persyade ouswa menm pran bann prose legal, avek bann ki pe kas Lalwa?

Dezyenmman eski i annan en diskisyon avek Minister Finans ouswa *Trade*, akoz se zot ki *regulate* bann *fees*, pou kapab revwar en pe sa bann *fees* osi ki, akoz ozordi kou lavi osi in ogmante.

Si zot pe mazin revwar serten bann *fees* pou donn nou en pti pe kapab dir respire finansyerman, sirtou kot i konsern parey lo kote transportasyon bann keksoz koumsa. Mersi.

### **MR DEPUTY SPEAKER**

Mersi Onorab. *Panel?*

### **MINISTER DEVIKA VIDOT**

Mersi Mr Chair. Mon pou pran dezyenm kestyon, an se ki konsern *fees*. Onorab letan nou fer sa legzersis revwar *Licensing framework* bann regilasyon e tou sa, nou pou revwar osi sa konponan *fees* ladan. Pou premye parti kestyon mon ava pas laparol avek *Deputy* i ava reponn. *Thank you*.

### **DEPUTY CEO JESSICA LARUE**

Mersi Onorab pou ou kestyon. Lo kote bann mezir, parey nou'n eksplike taler Lalwa pou le moman i ankor parey. So nou en pe limite lo serten bann alternativ nou kapab pran konman *disciplinary actions*, konman bann penalti.

So an di-z-an sa i annan en dokiman nou pe prepare. In fini travay lo la i reste zis pou *submit* pou konsiderasyon, pou nou met bann lezot mezir parey *spot fines*. Akoz i napa sa *deterrence* ase ler ou annan sa bann birokrasi nou kapab dir sa, bann prosedir.

Si ou kapab aplik Lalwa osi to ki ou war sa *breach* pe ganny arive, pa bezwen al devan *Board* al isi la laba. So i pli fasil. So sa bann *spot fines* nou pe propoze i pe vini pou zot konsiderasyon. Mersi.

#### **MR DEPUTY SPEAKER**

Mersi. Prosen entervenans - Onorab William?

#### **HON WAVEN WILLIAM**

Mersi Mr Chairman. Mr Chairman pou mwan i pa en kestyon i zis ki mon anvi felisit *CEO* avek son lekip, pou sa bon travay ki zot pe fer. E mon kontan ki zot pe bouz *digital*. Mersi.

#### **MR DEPUTY SPEAKER**

Mersi, *panel* i not ou komanter. Onorab Gabriel?

#### **HON CONRAD GABRIEL**

Mersi Mr Chair. *Welcome* nouvo delegasyon. Zis petet pou ed en pti git zis pe swiv Bidze. *SLA* i *180 E* – bann ... Apre *SBS* li i *180 C*, so sa i ava ed en pti pe sa *Code* – *ok*?

Mon kestyon i direk lo zot Bidze dan *P1 'Minor capital, acquisition of software'* e in sorti 20mil pou ariv 584mil. Zis donn nou en pe lesplikasyon petet lo la, *why that huge increase*?

E dezyenman i dan *P2 - office expenses, printing, stationery and publication*, i annan zis en pti logmantasyon. Zis donn nou en pe detay ki nouvo keksoz zot pe anvizaze fer? Mersi.

#### **MR DEPUTY SPEAKER**

Mersi Onorab. *Panel*?

#### **MINISTER DEVIKA VIDOT**

Mersi Mr Chair. Mersi Onorab pou ou kestyon. Sa *software* - i depan *software* i al anliny avek sa program *digitization* ki nou pe fer. Savedir konverti bann rikord fizik e fer li vin en nimerik.

Akoz si nou pe al *online*, nou pe ofer servis *online* i osi enportan ki bann rikord lefase, i pa *file* fizik. Zot osi zot bezwen *online* pou ki nou kapab *run* bann rapor. Nou kapab vwar tou le neserer pou bokou lannen ki'n pase.

E i osi enportan pou konman en baz *contingency* konman en antite, konman en lazans ki enportan, ki nou pe prevwar an ka i ariv en dezaz kek keksoz koumsa - ki nou bann rikord i ganny mete dan en versyon, kot i kapab ganny



*backup* lo en *site* aryer, kot si i ariv okenn *issues* nou konnen poudir nou annan rikord.

E mwan personnelman mon krwar sa legzersis in enn ki'n vin en pe tar. I ti'n merit arive en bon pe letan pase. Me selman mon kontan ki la nou pe met nou lanmen lo la e nou pe fer sir an 2023 ladministrasyon, nou bezwen travay for lo nou bann Lazans;- Gouvernman annan tye pou fer sir ki poudir nou *digitize*. Akoz tou sa letan i pa'n ganny fer. Mon ava pas laparol avek *Deputy* lo kote *stationery*.

**DEPUTY CEO JESSICA LARUE**

Mersi Onorab pou ou kestyon. *Printing and stationery* menm si nou'n fer en kantite *cost savings* lo nou menm nou, nou *internal usage* - kantite, nou pe servi bokou nou bann teknolozi ki *available*.

Me solman nou vwar ki i annan bann parey riban pou *driving license, toners* pri pe kontinyen monte *exponentially*. So nou servi en kantite sa. E *that's the reason* ki ou war i annan bann *slight increases every year*. Nou fer provizyon pou sa. *Thank you*.

**MR DEPUTY SPEAKER**

Mersi *Panel*. Nou ava aprezan pas laparol avek Onorab Roucou.

**HON MICHEL ROUCOU**

Mersi Mr Chair. Bonn apre midi a tous. Minis si ou kapab dir avek nou apeare konbyen reveni ki *SLA* pe anmase par lannen, espesyalman sa lannen?

E apre osi i annan en pti pe konsern avek espesyalman bann *owner* bann transpor, ki si i arive demen i annan en problem ek zot transpor, petet i annan serten pyes ki napa. -zot war zot, zot pe ganny penalize akoz petet zot transpor zot pa ti pe roule ti anndan, pou en serten letan. E zot war zot ganny somonn pou pey en gro sonm.

Si *SLA* pe mazin revwar en pti pe sa ki pou ed bann drayver en pti pe, ki dan plas zot transpor pa pe roule, zot bezwen desann vin peye. Mersi.

**MR DEPUTY SPEAKER**

Mersi Onorab. *Panel?*

**MINISTER DEVIKA VIDOT**

Mersi Mr Chair. Mersi Onorab pou ou de kestyon. Dapre statistik ki mon'n resevwar ziska la pou 2022, *SLA* in anmas environ R211 milyon.

An se ki konsern sa bann sityasyon avek bann transpor ki pa pe roule. Ki sa bann dimoun i kapab fer, se ki zot kapab ekrir en let *SLA*, pou demann konsiderasyon.

Me byensir zot bezwen osi siport sa avek levidans konmkwa vre zot transpor ensidswit ti dan garaz. So i bezwen ganny *substantiated*, akoz *otherwise* nou ouver en laport. Si nou tro *lenient* nou ouver en laport pou bokou labi.

So nou bezwen osi serye nou bezwen *customer friendly*, me selman nou bezwen osi konman en Lotorite nou bezwen annan lord e striktir. Mersi.

**MR DEPUTY SPEAKER**

Mersi Minister. Onorab Cosgrow?

**HON WALLACE COSGROW**

Mersi Mr Chair. Mr Chair an premye lye mon ti a kontan zis solider en pti pe avek bann *staff* Finans. Sa pti brouyar bomaten ek apre midi nou konnen poudir zot travay en kantite. E petet bann pti fot i arive. Sirtou ler Minis i dir ou prepar Bidze by le 4 avan rally US, pou kapab ganny prezante - nou konpran.

*(Interruption)*

**HON WALLACE COSGROW**

Ok mon kestyon ...

*(Interruption)*

**HON WALLACE COSGROW**

(... mon kapab demann mon kestyon)? Mon kestyon Mr Chair premye i an se ki konsern zot *current challenges* en?. Ler mon get zot Bidze nou war ki apard sa pti *increase* ki Onorab Gabriel in mansyonnen, zot Bidze son *increment* in plizoumwen dan *wages and salaries*, pou *cater* pou trezyenm mwan avek lapey. menm si trezyenm mwan pa antye.

Dir mwan mon war bann *current challenges* ki enkli par egzanp '*Review of Licenses Act and Regulations, slow internet, insufficient conducive office space*' e tou sa.

*Now*, eski zot pa'n fer sa *request* pou ganny larzan pou sa bann *challenges*, ouswa zis sa bann *challenges* i enn ki kontinyen *recur*.

E sirtou an relasyon avek *the ease of doing business*. Akoz ou enn bann *partner* kle kot i konsern *the ease of doing business* - *hmm* So pou ou kapab *effective* lo sa kote *ease of doing business*, ou bezwen kapab, *effective* osi dan *delivery* ou *service*.

Si ki mannyer zot mazin regle sa *challenge* an 2023, vi ki zot napa larzan, zot napa sa finansman *as such* pou zot kapab fer sa, ki mannyer zot deside *deal* avek sa *challenge*?

E dezyenm kestyon i an se ki konsern bann *license plate* (ki mannyer nou dir sa

bann ki en pe *personalised*-en? Ti annan en proze ouswa en lavi pou bouz ver *personalised license plate*. Kote zot ete avek sa?

E si mon kapab demann en trwazyenm keston Mr Chair?

**MR DEPUTY SPEAKER**

*No you can't*. Tro bokou Manm i reste lo –

**HON WALLACE COSGROW**

Vi ki non mon ava aret lanmenm, mersi bokou. Solman enn ki vremen enportan an relasyon avek lapolis. Mersi.

**MR DEPUTY SPEAKER**

*Current challenges* avek *license plate*. Mersi.

**MINISTER DEVIKA VIDOT**

Mersi Mr Chair. Mersi Onorab pou ou bann keston. Wi sa bann *challenges* par egzanp si ou konsider *salary review*. Sa i en *challenge* ki pa zis *SLA* pe fer fas avek me lezot Departman dan Gouvernman osi enkli Minister departman kot, kot mon. e ki nou bezwen fer se *PSB* pe antreprann li en legzersis byensir, pou regarde pou revwar bann diferan *Schemes of Service*.

Se pou sa rezon ki nou an se moman nou pa pe kapab fer okenn logmantasyon saler, ouswa parey nou, nou ti a

voudre pe donn en logmantasyon saler ensidswit, pou *repay* nou bann *staff* pou nou kapab osi atrakte bann *staff* ankor ki, ki i annan swa plis kalifikasyon plis leksperyans plis lekspertiz.

So nou bezwen zis *bear* avek *Public Services Bureau* letan zot pe fer sa legzersis ziskan ler zot ava kapab konplete. E mon espekte ki sa pa pou adres selman *SLA* konman en antite, me selman i ava adres Gouvernman *across the board*.

An se ki konsern *internet* sa *SLA* letan in vin anba Minister, mon'n aprann ki en pe letan zot, zot ti pe demann plis resours pou al anba *internet*. E sa lannen nou'n kapab ganny alokasyon pou nou kapab ogmant nou kapasite *internet*.

An se ki konsern *review of Licenses Act*, anvi ki ou pa pe war nanryen ki'n ganny mete dan Bidze pou revwar *framework*, moderniz li ensidswit, sa i aköz nou pe ganny sipor atraver korperasyon ki Gouvernman Sesel i annan avek *UAE*. *For personal, personalized license plate*, mon a pas laparol avek *Deputy* i ava elabor lo la. Mersi.

**MR DEPUTY SPEAKER**

Mersi *Minister*. *Deputy*?

**DEPUTY CEO JESSICA LARUE**

*Thank you Chair. Mersi Onorab. Mon pou vitman lo sa personalized plate number, akoz proze ti'n fini - basically ti'n fini drafte ti reste zis pou DICT customize sistenm SLA pou Lapolis figure out lo son end pou li. Nou ti'n fini anvoy the draft.*

*Me selman apre for reason or the other in ganny shelved pou en pe letan, me selman nou ava follow-up lo la. Mersi.*

**MR DEPUTY SPEAKER**

*Mersi. LGB.*

**HON BERNARD GEORGES**

*Mersi Mr Chair. Mr Chair point of order. Mon, mon ti'n lev mon lanmen taler mon war ou'n met mon non i pa ti pou demann laparol i ti pou raise en Point of Order. Mr Speaker mon pa, mon pa pe dir Onorab in mislead the House, me mon krwar in misspeak. E i mon responsabilite pou koriz sa mis konsepsyon.*

*Onorab Cosgrow in dir ki 13enm mwan malgre i pa 13enm mwan plen. Non Bidze i pou sak anlwaye Licensing Authority parey sak anlwaye Gouvernman i pou 13enm mwan plen.*

*Gouvernman donk i son lentansyon pou pey 13enm mwan plen, tou travayer*

*Gouvernman, tou travayer servis piblik. Prezan si anlwaye pou ganny zot 13enm mwan or not, i pa dan lanmen Gouvernman;- Gouvernman in fer provizyon i dan zot lanmen pou zot delivre pou zot ganny zot 13enm mwan. Mersi.*

***(APPLAUSE)***

**MR DEPUTY SPEAKER**

*Mersi. Mon krwar sa i ti sa in sorti byen zour Lasanble Nasyonal ti amann Lalwa konsernan peyman 13enm mwan saler. Si nou ti dan Lasanble, si nou'n swiv deba, si nou'n swiv Minis si nou ti prezan dan Lasanble, nou ti pou konpran sa. Mersi. Prosen entervenans lo lalis Onorab Monthly.*

**HON PHILIP MONTHY**

*Mersi Mr Chair. Zis en pti kestyon lo program 3 'inspection and investigation.' Zot in fer sorti dan zot current challenges ki zot annan insufficient staff dan sa Departman Inspectorate.*

*Me selman swivan kestyon Onorab Aglae, nou'n ganny dir ki Lalwa pe al ganny amande. Ok? Bann spot fines pou ganny issue. Vi ki zot annan en mankman staff dan sa seksyon, ki mon krwar i enportan, Lalwa ou kapab*

amann li, me si i pa kapab ganny *enforced* i pou *still* en problem – *ok?*

So ki manner aköz ler mon get saler napa en gran logmantasyon saler, pou zot *recruit* nouvo *staff*. So ki manner zot pou al enplimant sa, kot parey mon a donn ou en senp legzanp dan distrik.

Ou kapab annan en dimoun ki fer *license* pou vann *spare part*, me selman i pa zis vann *spare part* i pe *run* en garaz tou dan en landrwa rezidansyel, *ok?* So ki manner zot pou, pou *tackle* sa bann *issue?* Mersi.

**MR DEPUTY SPEAKER**

Mersi. *Panel?*

**DEPUTY CEO JESSICA LARUE**

*Thank you* Mr Chair. Mersi Onorab. Lo kote kantite *staff* wi dan *Inspectorate Section* nou war nou annan *over 1600 active licenses* pou biznes, apre nou annan bann *vehicle licenses*. Tousala i annan zis apepre 9 *staff inspectorate* Mahe. *So you can just imagine* kantite *load*.

Prezan *load* i vin pli bokou aköz zot pe fer *inspection, investigation* ek *enforcement* tou le trwa ansanm. So sanmenm ler toultan nou koz lo *insufficient staff*, nou osi koz lo

restriktirasyon avek sanzman dan Lalwa.

Akoz sa i pou fasilite nou, nou kapab met *inspection* dan en departman, *investigation* ek *enforcement* li dan en lot departman. So sanmenm sa toultan nou *link* sa de ansanm. Tan ki nou toultan pa *sort out* sa *challenge* Lalwa ek striktir - e osi annan bann, bann limitasyon lo reviz *Scheme of Service* parey *Minister* in koz lo la, nou pa pou kapab adres sa bann lot *challenge* ki annan pou fer avek *inspection*. *Thank you*.

**MR DEPUTY SPEAKER**

Mersi. Ou annan klarifikasyon lo la?

**HON PHILIP MONTHY**

Zis en pti *follow-up*. Anvi ki zot annan en mank *staff*, si i annan sitwayen ki pare pou raport sa bann *malpractice* ki pe arive, kot dimoun pa pe respekte zot *license*, eski sa bann keksoz i reste konfidansyel e non sa bann dimoun pa ganny pibliye avek sa *business owner*, ki apre i vin en problem? Mersi.

**MR DEPUTY SPEAKER**

Mersi. *Straight forward* kestyon.

**DEPUTY CEO JESSICA LARUE**

Yes annefe nou annan en sistenm an plas - en *inquiry email* ki annan en pti *taskforce* ki nou *manage* li. E nou ganny en kantite - bann *inquiries*, bann *complaints*, bann *sizesyon*, ki piblik i servi. *Thank you.*

### **MR DEPUTY SPEAKER**

Mersi. Onorab Vidot?

### **HON AUDREY VIDOT**

Mersi Mr Chair. Mr Chair mon kestyon pou fer referans osi avek program 3 kot *inspection, investigation and enforcement*. Mon war i annan en logmantasyon ki'n ganny prozekte pou 2023.

Eski nou kapab ganny en leklersisman ki sa i petet lo baz lo lakantite ka ki zot in deza rankontre? Bann rapor ki zot in *investigate* in bokou sa lannen. Ki petet zot pe war ki zot bezwen plis, pou annan plis *monitoring* avek *enforcement* lo bann biznes?

Dezyenm mon konnen zot travay pros avek bann Lazans parey *Public Health Authority*. Zot deza annan en kontrent *Public Health* zot osi pou fer *monitoring*. E i annan konsern kot parfwa bann biznes ki si zot anv i agrandi petet zot devlopman, letan zot ganny met dan en serten mezir *Public Health* e byensir sa i anpes zot ganny zot *license*

pou zot kapab kontiny zot biznes.

E i annan konsern kot parfwa zot annan en pwa de mezir, kot zot annan bann biznes ki annan pou fer ek manze, si sa biznes in fini annan son lenfrastriktir i anv i agrandi, me i pe war i pe ganny prese par serten Lotorite.

Me i annan ki zis antre lo propriyete Gouvernman, zot fer biznes, me napa sa kordinasyon pou annan lord parey kot *Public Health, Licensing* pou antre. Petet kwa ki ansanm zot pe kordinen avek Bidze ki zot pe gannyen, pou ki 2023 i annan bann travay ki ganny fer, petet pou adres serten sa bann diferans ki egziste?

E osi pou asire ki ler bann dimoun i fer konplent avek *Public Health* e osi avek *Licensing* ki vremen zot war i annan aksyon pe ganny pran avek bann biznes ki pa pe respekte bann regilasyon ki an plas? Mersi.

### **MR DEPUTY SPEAKER**

Mersi Onorab. *Panel?*

### **MINISTER DEVIKA VIDOT**

Mersi Mr Chair. Mon ava abord bann pwen Onorab ki'n koz lo la ver lafen apre *Deputy* i ava pas lo *performance indicators* li menm. Onorab mon ganny en konpran egzakteman ki ou pe dir, sa

bann lenstans en pwa de mezir.

Mwan osi bokou fwa mon'n tann nonmen e alor avek ou bann dimoun ou bann *constituents*, ankouraz zot pou servi sa *portal ease of doing business*, ouswa sa limero telefonn 4325942.

Parske se sa, sa laport ki pe ouver pou nou ganny lenformasyon avek piblik. Akoz tou, tou kou i zis vin bann komanter - i pa vin bann *case*. E mwan, mon anvi nou travay lo bann *case*. Se sa ki depi bomaten mon pe fer resorti.

I enportan ki mon ganny sa sipor avek manm piblik, pou mwan kapab formil bann vre statistik, vre *case* pou met devan sa bann Lotorite, pou nou kapab *deal* avek sityasyon ki mannyer i arive.

Savedir si ou kapab ed mon dan sa, dan sa demars nou vreman kontan ankor. Mon repete 4325942 a e *email address* i *odb@gov.sc*. Si ou kapab anvoye e si ou kapab ed sa dimoun osi anvoy en *email* lo son lapar – formidab!

An se ki konsern lafason ki nou pe mazin fer keksoz - ki mon pa krwar i pou annan lenplikasyon bidzeter - me selman plito i travay ki ti pou fer an koneksyon avek tim *UAE* anba sa Korperasyon ki ti'n sinyen. Sa ti pou revwar sa, sa bann prosedir *licensing*

e revwar lanpler swa lanvironnman *licensing*, pou nou ed nou bann Lazans *Referral Agencies* konpran, poudir letan ou met bokou restriktirasyon pou en bann dimoun ganny *license*, i pa neser ki letan apre ki en dimoun in ganny en *license*, ki pou kontinyen mentenir sa standar.

Se sa ki nou pe fer mal. La an se moman - e sa nou'n vin zwenn li koumsa - dan lepase bokou regilasyon, prosedir i ganny mete avan ou ganny sa *license*. Bokou, bokou menm e sanmenm sa ki tard dimoun pou kapab ganny en *license*.

Me de ki dimoun i ganny en *license*, Lotorite i sorti tou lezot Lazans i sorti i ale, sa dimoun i kapab fer sa ki i anvi deryer e standar pa ganny mentenir, sa dimoun i fer sa ki i anvi e kliyan ki perdi a lafen dizour.

So ki nou anvi fer se ki re ed nou bann Lazans e re moderniz nou *framework*, pou nou met plis resours olye lo konmansman *pre licensing*, annou met li *post licensing* koumsa plis resours i al lo lenspeksyon, *enforcement* aranz nou Lalwa pou ki letan en dimoun i fer en *breach*, son konsekans i sever.

Koumsa i pa pou i pou annan touzour sa linisyativ pou li fer sir ki i pe swiv Lalwa.

So se sa laliny ki nou anvi al ladan, pou ki nou met responsabilite lo sa bann antite, dan plas la an se moman i parey bann Lazans ki pe tay deryer zot; pe fors zot fer en keksoz ki zot, zot napa en lentere pou fer.

So i en *complete* sanzman dan lafason nou fer keksoz. Mon ava pas laparol avek *Deputy* pou li *carry on*. *Thank you*.

### **MR DEPUTY SPEAKER**

Sertenman. *Deputy?*

### **DEPUTY CEO JESSICA LARUE**

*Thank you* Mr Chair. *Thank you* Onorab. Mon pa'n tro tann byen ou kestryon. Selman zis diriz mwan si an ka mon pa pe reponn byen. Lo kote *increase in quantity of inspection*, ou pou war ki *actual* pou 2021 i *very low compared to* nou *target* 2022.

Sa ti aköz an 2021 nou fer fas avek en kantite difikilte lo kote transpor, *availability of staff* dan bann letan *Covid*. Apre osi i depan lo *type of licenses* - pa tou *license* ki ou bezwen al, al vizite.

Me selman 2022 *given the forecast* i espekte vi ki i *already* ptipti sa *value* nou espekte i pou annan en *significant increase*, apre *increase at a reasonable rate over 2023 to 2025*. *Thank you*.

### **MR DEPUTY SPEAKER**

Mersi. Ou annan klarifikasyon.

### **HON AUDREY VIDOT**

Petet parey mon ti pe dir, lo kote *table 9* i annan sa bout logmantasyon - sa ki petet kekfwa ou pa'n tann mon letan mon ti pe demann en pti leklersisman lo la. Apre mon ti le zis en leklersisman avek Minis baze lo sa ki ou'n dir, eski nou ou pe donn en lendikasyon ki petet *Public Health Authority* letan bann dimoun i fer rapor avek zot, petet i annan serten ka ki zot pa pe raport avek *Licensing Authority?* Mon ti le zis leklersisman.

### **MR DEPUTY SPEAKER**

Mersi. De pwen konsernan *table 9* e zot relasyon travay avek *Public Health Authority*.

### **MINISTER DEVIKA VIDOT**

Mersi Mr Chair. Mersi Onorab. I posib. I posib ki kekfwa napa sa swivi ki pou les *Licensing Authority* konnen, ouswa i bokou - dan bokou fwa osi manm piblik i pa pe fer sa rapor parey bann landrwa kot i sipoze pe fer. Alor zot pou pas sa komanter avek ou zot pou dir ou. Me selman pou ariv sa pwen kot nou kapab pran aksyon, zot pa pe fer li.



So se sa ki mon anvi ankouraz bann dimoun e nou'n *designate* en landrwa pou nou kapab. Konmsi koumsa nou pa ava ganny diferan konplent ki pe al en pe partou i santralize e nou kapab kolekte lenformasyon pli byen. Mersi.

**MR DEPUTY SPEAKER**

*Deputy?*

**DEPUTY CEO JESSICA LARUE**

Yes Onorab *thank you* for *clarifying*. Sa ogmantasyon dan *wages and salaries* pou 13enm mwan ek *salary review*. Apre sa pti ogmantasyon dan *transportation* ek *travel cost* sa i zis nou pe *capture* nou pe *take on* plis *night inspection* and *spot fines*. *Thank you*.

**MR DEPUTY SPEAKER**

Mersi. Onorab Pillay?

**HON SEBASTIEN PILLAY**

Mersi Mr Chairman. E bonn apre midi delegasyon sorti kot *Seychelles Licensing Authority*. Mon premye kestyon i *relate* avek sa *statement* ki Minis in fer. E mon krwar ou larepons Minis *was a right answer regarding* sa *same day banking* ki *Licensing* i bezwen fer, depandan lo son ler louvertir. E mon krwar sa i en pwen ki'n deza souleve dan

Rapor Oditer Zeneral *way back*, me i pa'n *come up* ankor *regarding Licensing Authority*.

So mon kestyon pou Minis se lefe ki Lasanble pe demann nou en *commitment* pou *Licensing Authority* sanz son bann ler louvertir. E ou annan en lobligasyon anba bann lenstriksyon finansyel, pou annan *same day banking* pou depan.

Akoz annou admet ki en kantite larzan pe pas atraver *Licensing Authority* dan en zour. Eski premyerman ou'n etabli ki kantite sa bann tranzaksyon i *by electronic* e ki kantite ki *cash transaction*, so *that* ou a konnen ki proporsyonnelman ou ava konnen ki mannyer pou aziste ou ler louvertir, si ou pou annan en dekalaz dan ou bann ler louvertir?

E ki mannyer ou pou koz ek Minister Finans pou war prosedir pou ou kapab fer rekonsilyasyon *and then* kapab fer ou *banking*?

Akoz si ou rekonsilyasyon i mal e ou pou fer *the wrong banking*, ou pou ganny problemm avek oditer. So eski ou pe mazine ki mannyer ou kapab fer sa?

Apre dezyenmman Minis mon swiv ou largiman *regarding Schemes of Service* avek *PSB*. Me selman ler nou regard en group *staff* ki'n kapab anmas \*R213mil -

R213milyon *which is* en sonm signifikan e mon krwar en kantite travay in ganny fer par bann *staff*, pou fer sir zot bann kont i byen, zot bann keksoz i byen.

Me nou pa ankore war ziska la Oditer Zeneral *regarding raise* okenn *red flag* kot *Licensing*. Eski i annan lezot fason ki bann *staff Licensing* i kapab ganny *remunerated within* striktir zot lanplwa, si zot pe fer *extra* travay, zot pe fer bann keksoz ekstra - si i annan okenn keksoz?

Akoz si nou pou *rely* lo *PSB* pou revwar *Scheme*, *then* i pou bezwen fer *comprehensive review* pou bezwen ferm Gouvernman antye e bann *staff Licensing*, pa pou neserman kapab ganny en benefis. Mersi Mr Chairman.

### **MR DEPUTY SPEAKER**

Mersi Onorab. *Panel*.

### **MINISTER DEVIKA VIDOT**

Mersi Mr Chair. Mersi Onorab pou ou de keston. Mon abord premye dabor *in terms of opening hours*. Byensir sa i en diskisyon ki nou kapab fer avek Minister Finans. Parey nou'n dir nou ava regarde, parce bi se pou nou anmenn pli bon servis avek nou kliyan.

Me selman an se moman letan nou pe regard Bidze la, la

aktyel, nou pa'n fer provizyon pou *extend* avek sityasyon *current* mannyer *banking* i marse. Nou napa provizyon pou *pay staff overtime* dan sa Bidze la.

Me selman baze lo diskisyon ki nou ava fer, nou ava regarde avek Minister Finans ki mannyer sa pou marse.

Regardan *Scheme of Service* mon dakor avek ou - en antite ki pe anmenn sa kantite larzan son *Scheme of Service* i devret enn ki devret ki byensir ganny ki diferan e *staff* i bezwen ganny *compensated accordingly*.

Nou pe eseye. Nou pa arete nou kontinyen persiste avek *PSB* pou nou detanzaot regarde ki mannyer nou kapab fer le neser pou nou donn plis benefis *staff*. E *Deputy* i ava mansyonn en pti gin - i ava elabor en pti gin lo sa bann demars.

Me selman in plizoumwen depi Zanbye ziska Desanm, nou kontinyelman fer bann demann e fer bann demars. Me selman la *PSB* in demann nou pou nou *bear* avek zot pou en pti gin letan, aköz zot pe aktyelman travay lo sa bann rev *Scheme of Service*. Mersi.

### **MR DEPUTY SPEAKER**

Mersi *Minister*. Derynen enterven an lo sa ... *Deputy* i annan larepons?

**DEPUTY CEO JESSICA LARUE**

Annefe mon ti pe dir *Minister* in kouven tou. *Yes thank you*.

**MR DEPUTY SPEAKER**

*Ok*, ou annan klarifikasyon.

**HON SEBASTIEN PILLAY**

Wi mersi. Mon apresye larepons ki mon'n ganyen. Mon krwar i en larepons senser lo lapar Minis ki'n donn mwan. So Minis pe siport nou pledwari lo sa kote latab alors ki lefe ki travayer *Licensing* in anmenn R213milyon e kontrerman avek sa ki *Leader* Gouvernman in dir, zot alors deserve zot *full* 13enm mwan saler. Mersi Mr Chairman mersi- mersi.

**MR DEPUTY SPEAKER**

Minis?

**MINISTER DEVIKA VIDOT**

Mersi Mr Chair. Non zis pou klarifye Onorab Pillay. Mon ti pe fer referans avek zot saler; -savedir zot *monthly salary*. Se sa kot mon pe dir i bezwen annan en *monthly* revi.

Lo kote 13enm mwan nou tou nou konnen ki mannyer i marse. Dimoun ki delivre i kapab ganny son *full* 13enm mwan saler. Me sa ki

pa pe delivre byensir son *appraisal* avek ganny fer e la son performans avek ganny demontre.

E i ava anliny avek larzan ki i pou ganyen lo son 13enm mwan. Mersi.

**MR DEPUTY SPEAKER**

Mersi *Minister*. Derynen enterven an Onorab Loizeau.

**HON NORBERT LOIZEAU**

Mersi Mr Chair. Bonzour tou dimoun. Mr Chair mon ti anvi demann Madanm *Deputy*, dan en repons ki i ti donn Onorab Esparon pli boner, Madanm *Deputy* ti dir ler i pe koz lo en biro pou *Licensing* kot *Testing Station* la ou ti dir ki zot pe travay lo la pou annan sa.

Me selman dan en vizit ki nou Komite COGA ti fer de mwan pase, nou ti ganny dir par bann zofisye ki ti la bann zofisye *Land Transport* konmkwa ki pou annan en travay ki pou ganny fer, kot zot pou petet agrandi biro pou *vertical*.

E kot ava ganny en lespas ki pou ganny donner avek zot. Selman vi ki ou'n dir zot pe travay lo la, mon pe zis demande. Eski zot, zot annan en alokasyon dan Bidze pou fer sa?

Ouswa *SLTA* ki pou fer apre zot, zot pou ganny *allocate* en space pou zot

kapab *operate*? Sa mon kestyon. Mersi.

**MR DEPUTY SPEAKER**

Ok mersi. *Deputy* ou ava klarifye sa?

**DEPUTY CEO JESSICA LARUE**

*Thank you* Mr Chair. Mersi Onorab pou kestyon. *In effect* napa dan nou Bidze sa provizyon aköz tou pe ganny finanse par Departman Transpor mon kapab konfirman.

Wi i annan sa *repartitioning, renovation* pou nou kapab travay dan en landrwa pli *convenient*. *Thank you*.

**MR DEPUTY SPEAKER**

Mersi. Donk sa i anmenn nou lafen bann entervansyon lo alokasyon Bidze pou *Seychelles Licensing Authority*. Nou pou al pran en vot lo li la, son Bidze i lo paz 555 ziska 561 pou en sonm ki pe ganny propoze R19milyon 145mil.

Donk nou ava demann bann Manm ki an faver pou endike silvouple? Mersi. Okenn Manm ki kont? Mersi. Vot pou *Seychelles Licensing Authority* pou en sonm R19milyon 145mil, i annan 29 Manm ki'n vot an faver, okenn Manm pa'n vot kont e okenn Manm pa'n *abstain* - vot i pase

e i premye vot inanim depi bomaten.

**SEYCHELLES BUREAU OF STANDARDS (SBS)**

**MR DEPUTY SPEAKER**

Nou pou osi pran vot lo de lezot antite ki pa'n bezwen vin devan Lasanble Nasyonal pandan ki nou pe delibere lo zot Bidze.

Sa i *Seychelles Bureau of Standards* son Bidze i trouve lo paz 540 a 547 li i annan en propozisyon Bidze pou li R29milyon 108mil. Nou ava demann bann Manm ki an faver pou endike silvouple?

Mersi. Okenn Manm ki kont? Vot pou *Seychelles Bureau of Standards* pou en sonm R29milyon 108mil - 31 Manm in vot an faver, personn pa'n vot kont okenn Manm pa'n *abstain*. Vot i pase par inaminite pou *SBS* - 2 vot an plis ki sa enn ki nou ti pran avan.

**ENTERPRISE SEYCHELLES AGENCY (ESA)**

**MR DEPUTY SPEAKER**

Dernyen vot pou sa Minister dernyen vot anba sa Minister sa se *Enterprise Seychelles Agency* li i trouve lo paz 528 a 533. Son Bidze ki pe ganny propoze i R9milyon 433mil. Tou bann Manm ki an faver zot ava endike silvouple?

Mersi. Okenn Manm ki kont?  
Mersi.

Vot pou *Enterprise Seychelles Agency* pou en sonm R9milyon 433mil - 31 Manm in vot an faver, personn pa'n vot kont e personn pa'n *abstain*. Vot i pase par inanimite.

Donk sa ti dernyen vot ki tonm anba Minister Lenvestisman, Lantreprenarya avek Lendistri. Nou ava remerisi Minis Devika Vidot pou avek nou depi bomaten.

Ti osi annan son Sekreter Prensipal Mr Michael Nalletamby. Bann ki'n zwenn nou apre midi i annan Depite Sef Egzekitiv *SLA* Mrs Jessica Larue e osi Ms Pettrina Mathiot konman *accountant*.

E bann zofisye ki ti lo *side table* i annan Ms Selma Joubert ki *Human Resource and Budget Management Officer*. E Ms Shierley Marie ki *Senior Accountant*.

Donk nou pou permet zot pou zot fer zot depar nou ava pran en poz *sanitizing* koumsa pou nou apel lot antite. Mersi pou vini bonn fen sware.

*(technical break)*

## **SEYCHELLES HUMAN RIGHTS**

### **MR DEPUTY SPEAKER**

Nou ava rebran travay Lasanble pou dernyen antite pou sa lazournen. Nou ava dir labyenveni Lasanble Nasyonal bann zofisye sorti kot *Seychelles Human Rights Commission* i pe dirize par Sef Egzekitif Mr Elvis Julie. I akonpanyen par Ms Karen Jean-Baptiste ki *Senior Finance Officer* e Mr Winsley Cedras ki *Senior Investigation Officer*. Nou annan bann zofisye Minister Finans ki ankor avek nou depi bomaten.

Ki enkli Ms Tamatave avek Ms Adrienne ki sorti kot Minister Finans. Donk nou ava zis dir zot briyevman fer en lentrodiksyon lo zot Bidze. E apre nou ava pran bann entervansyon. Mersi. *Panel?*

### **CEO ELVIS JULIE**

Bonswar tou dimoun, tou bann Onorab *Members of National Assembly*. Nou *Seychelles Human Rights Commission* in anmenn en Bidze sa lannen konpare avek nou Bidze lannen pase.

Lannen pase nou ti resevwar e 8,026milyon pou nou bann loperasyon. E sa lannen nou'n ganny propoze en Bidze \*2033 sorry 8milyon - 8.560milyon e i annan en *apparent* ogmantasyon of 534,000.

Me pou fer sorti pou fer kler sa ogmantasyon se pou kouver *13th month pay* e osi to

*incorporate the new salary structure system* ki pe pran lefe an Zanvye. *So effectively* nou Bidze pa'n vremen an term *figures* pa'n sanze *from what it was* lannen pase.

Permet mwan fer en *very brief* lentrodiksyon lo nou travay konman *Seychelles Human Rights Commission*. *Seychelles Human Rights Commission* i annan en manda ki nou apel li i ase *broad mandate* e sa i anba nou *Seychelles Human Rights Commission Act, 2018*. E i annan de rol primordyal.

Enn se pou promot e dezyenmman se pou protez drwa imen. Anba sa manda i annan serten pouvwar ek serten fonksyon ki i desarze. Par egzanp pou konmanse, pou *investigate* anba son prop inisyativ, ouswa si in resevwar konplent ouswa okenn alegasyon vyolasyon drwa imen.

En lot son bann pouvwar, se pou revwar parey nou dir *review* bann Polisi Gouvernman e osi *any written law* konsernan drwa imen. E osi fer rekomandasyon ver Gouvernman.

Nou osi enn nou rol se pou *monitor* bann *international rights convention* ek bann *Treaties* ki bann *domestic human rights standard* osi ki annan dan Sesel. Pou fer remarke Sesel i annan 9

*Treaties* ek bann *conventions* ki nou konman en pei nou'n ratifye.

E *Seychelles Human Rights* i annan rol pou *monitor* sa bann *rights convention*, pou *ensure* ki Leta pe onor son bann lobligasyon e pe met an akor tou son bann agreman ki ti fer ler i ti ratifye sa bann drwa.

E osi enn nou rol se pou devlope, kondwir. E amenaz lenformasyon;- fer bann program ledikasyon pou nou kapab kree en pli bon konprenezon e osi *awareness* lo sapit 3 *of the Constitution* ki koz lo *human rights* ek *human dignity*. So i kouver - sa *Act of the Commission* i kouver sa.

Enn nou bann fonksyon kle dan sa travay ki nou fer, se nou resevwar konplent. Nou resevwar dimoun *rather* ki krwar ki anba lenpresyon ki zot drwa in ganny vyole. E pli tar si bann Onorab i le konn en pe plis lenformasyon ki mannyer nou fer sa, mon pare pou mwan fer li.

Nou osi evalye dan bann diskisyon ki nou annan ek bann dimoun ki vin kot nou, si vremen sa *grievance* ki zot in anmenn kot nou i *warrant* en *investigation or not*. Akoz nou ganny dimoun ki vin kot nou i dir nou son drwa in ganny vyole me ler nou, nou, nou swiv nou bann prosedir, nou war ki vremen napa nanryen

ki konsern en *rights* ki'n ganny vyole dan sa sityasyon la.

E osi nou *investigate* bann konplent dan en fason tre profesyonnel, transparan *be accountable*. An zeneral mon kapab dir nou, nou ganny bann diferan kliyan ki vin kot nou, lo diferan bann drwa ki'n ganny *institute* anba nou Konstitisyon.

Par egzanp drwa travay, drwa propriyete, drwa pou mouvman, drwa pou ganny en *shelter*, drwa pou lavi, drwa pou *social security*. Drwa pou dinyite, drwa pou lenformasyon. E osi nou pe resaman ganny en pe lo *freedom from slavery and forced labor*, me pa bokou. E apre nou osi fer sir nou *focus* lo sa laspe ki nou dir *forced labor*. Si vreman i egziste.

So an gro *Commission* i ase okipe. I annan serten *key issues* ki nou pe *deal* avek a sa moman la. E sa nou pe fer li atraver nou bann *investigation e analysis report* ki nou pe prodwi. En keksoz ki nou'n fer e ki petet in ganny en pe latansyon, se ki nou pe *conduct* osi bokou bann vizit pou nou get kondisyon bann *places of detention*, prensipalman lo Mahe, Praslin ek La Digue.

E mon fyer pou mon dir dan lannen 2023 nou dekouver tou bann kaso antye dan Sesel. E nou *focus* sorry

2022 (eskiz mwan) e 2023 nou *focus* i pou nou pe konmans travay pou nou kapab kouver *Prison Department*. Including son bann *detention centers*, son bann *cells* kot i annan son bann *inmates*.

E sa i en travay ki nou'n deza annan diskisyon avek *Commissioner of Prison* ki nou'n agree ki lannen prosen, sa i en laspe ki nou bezwen touse. E nou fer sa, letan nou fer sa bann keksoz koumsa nou fer li anliny avek sa Konvansyon ki nou apel li '*Convention Against Torture and Other Cruel Inhuman or Degrading Treatment or Punishment*.' Fer rapel ki Sesel ti siny sa Konvansyon an Me 1992.

So nou'n osi fer serten travay *obviously* ki nou krwar nou devret kontinyen fer;- par egzanp nou pe get *detention powers* ki ganny *confer under the Immigration Decree*.

E nou war ki dapre nou analiz ki kapab annan *contrary to* serten laspe ki *contrary to human rights*;- namely the rights to liberty, rights to a fair hearing, rights to privacy and rights to freedom of movement.

Nou'n osi abord sa *issue* ki *very contentious* lo 13<sup>th</sup> month senpleman pou nou egzamin li pou nou gete si sa i ti permisib anba *Domestic Law* ouswa *International Law*.

E osi ki nou pe fer osi se ki nou'n osi revwar sa laranzman ki ti annan kot ti annan *private contractor* pou kontrol *citizen* ouswa pou *manage citizen entering the country*. Parey ti nou apel li, nou apel li *Travizory*. So nou a pe fer en pe travay lo la.

E osi *lately* nou'n - mon pa pou koz bokou lo la akoz sa i deza en *court case*, ki nou'n osi *challenge* en pe sa *amendment of the Constitution of Republic of Seychelles* e pe war si i *contrary to the chapter 3 of the Constitution*.

So vreman nou annan bokou keksoz ki nou pe fer. So si mon kapab *very briefly* koz lo bann *challenges* e bann *way forward* ki ...

*(murmurings off-mic)*

**MR DEPUTY SPEAKER**

*Chief Whip LDS?*

**HON SANDY ARISSOL**

Mr Chair mersi. Mon krwar nou apresye lentrodiksyon ki Mr Julie in fer. Avek kontrent letan, mon krwar bann *strategic priorities* nou deza annan, so nou'n deza pas lo la.

So, donn nou posibilite pou nou kapab kestyonn ou en pe lo sa ki ou'n dir, pou nou kapab donn nou bann larepons. Mon pa konnen si lot kote i dakor avek sa - mon

krwar pou nou kapab bouze. Mersi.

**MR DEPUTY SPEAKER**

Wi mersi *Chief Whip*. *Chief Whip US* i agree. Mr Julie i pa bet li, i konnen poudir son letan i ziska 5er 30edmi.

*(laughter)*

**MR DEPUTY SPEAKER**

I koze i kit 10minit pou zot. E mon, mon napa swa mon bezwen zis donn de Manm i demann kestyon nou fermen nou ale. Onorab Larue?

**HON FLORY LARUE**

Mersi. Bonn apre midi. Mersi Mr Chair. Bonn apre midi *panel*. Mr Chair mon ti a kontan pran sa lokazyon e mon krwar i vreman *fitting* ki nou fer sa la ki nou pe get *Human Rights Commission* ki nou mazin en ki ozordi le 29 Novanm 1985, i sa i 37an pase i laniverser lasasina Gerard Hoareau par bal, devan son lakaz. Sa msye ti annan zis 34an e i ti en militan ...

***(APPLAUSE)***

**HON FLORY LARUE**

... ki ti an egzil Langleter kot i ti antet Mouvmman Pou Larezitans - ki ti mouvmman Lopozisyon sa letan pou anmenn la demokrasi Sesel!



Bann drwa imen ki nou ti napa isi Sesel sa bann letan, kot ozordi nou byen kontan nou annan en Bidze pou sa biro, akoz anba US- Parti Lepep-SPPF, nou ti napa drwa imen Sesel!

*(Off-Mic)*  
Yes! yes!

**(APPLAUSE)**

**HON FLORY LARUE**

Mr Speaker mon ti a kontan adres sa *heading* pou regard zot *current challenges* - enn bann *challenges* ki zot ti'n dir i zot limite dan bann program ledikasyon ki zot kapab donnen e zot mansyonn senk program.

Anliny avek sa, ki provizyon alor zot in fer dan zot Bidze, pou travay direktman avek bann antite; tel parey Lasanble Nasyonal, Biro *Attorney General* e lezot MDAs pou asire ki bann Lalwa, sa bann Lalwa ki pe vin anmars, ki ganny entrodwir dan pei, i pran kont laspe drwa imen.

Dan son globalite bann nouvo Lalwa ki sa bann biro antite i anmennen?

**MR DEPUTY SPEAKER**

Mersi. Mon krwar ...

**HON FLORY LARUE**

Kestyon de ...

**MR DEPUTY SPEAKER**

Non, mon krwar ki baze lo ler ...

**HON FLORY LARUE**

Mr Chair ...

**MR DEPUTY SPEAKER**

Baze lo ler- baze lo ler mon krwar nou a fer en kestyon;- en kestyon sak Manm so ou'n demann zot ki provizyon dan zot Bidze pou fer sir bann Lalwa i *human rights based*.

Akoz mon annan enn, de, trwa, kat, senk, sis, set, wit Manm. Me si tou i pran de kestyon nou pou fini 7er diswar. *So proceed panel one question each.*

**CEO ELVIS JULIE**

Mersi Onorab pou sa kestyon. Annefe ki nou pe fer an term nou bann *challenges* se ki nou panse an zeneral, i annan en *lack of understanding* lo *systemic role of* sa Komisyon *within the governance structure* an zeneral. Pa neserman Gouvernman me an zeneral.

So en travay ki nou anvizaze lannen prosenn se nou le *conduct* bann sesyon. Sa lannen nou'n *focus* en kantite lo bann diferan group dan lasosyete - *LGTBI, people with disabilities, school children and so forth.*

E diferan group *through* nou *project* ki nou ganny asiste avek *UN*. So sa lannen nou le *meet* avek *National Assembly* pou nou *conduct sessions*. Nou ti a kontan *meet* avek *the Cabinet* pou nou kapab delivre serten sesyon, donn zot loportinite pou demann nou kestyon.

Parfwa nou *of the impression* ki pa tou dimoun ki konpran vreman nou Lalwa e ki nou pe sey fer. I pa fot person nou, nou fek antre dan en nouvo *era*. So mon krwar i enportan olye nou *burn* nou bann *own bridges*, nou, nou *meet* nou bann partners kle. E osi avek Zidisyer osi pou nou kapab konmans *conduct* bann *session*.

Nou ti konmans en travay avek *Bills Committee National Assembly*. Nou ti fer enn, de, enn, de sesyon lannen pase boner. Nou ti a kontan - epi nou'n fer sa avek zot bann *non-MNAs as well* - zot bann *support staff* - lannen pase. Sa lannen nou ti a kontan *focus* en kantite pou fer sir ki tou dimoun dan Sesel i annan en *sound understanding*.

E nou ganny *full cooperation of* bann *public authorities in term of* kwa ki nou pe fer, kwa ki nou travay, aköz nou fer serten keksoz koumsa, aköz nou ekrir serten rapor koumsa. Aköz nou dir serten keksoz dan sa fason.

E sa mon krwar i en travay i en *ground work* ki nou bezwen fer li byen la. La ki *Covid* i *out of the way* - mon krwar ki sa fason *focus* sa lannen ki pe vini i pou *follow*.

Mon pa konnen si mon'n reponn ou kestyon direkteman, me mon'n eseye.

### **MR DEPUTY SPEAKER**

Mersi Mr Julie. Nou ava pas laparol avek Onorab Cosgrow.

### **HON WALLACE COSGROW**

Mersi Mr Chair. Bonn apre midi Mr Elvis avek ou tim. Mr Speaker vi ki nou pe koz lo *human rights* ozordi apre midi e nou fek selebre Lazournen Lafors Defans le 25 Novanm, mon ti a kontan osi mazin bann dimoun ki'n perdi zot lavi, zour nou ti ganny latak mersener Sesel kot drwa imen bann Seselwa ti osi ganny vyole.

*Interruption)*  
**(APPLAUSE)**

### **HON WALLACE COSGROW**

An diz-an sa Mr Speaker, mon ti a kontan met dan latansyon *panel* lo seksyon 60(1) nou Konstitisyon an se ki konsern pouwar pardon Prezidan Larepiblik, ki ganny donner dan, dan Lartik 60(1) nou Konstitisyon. An vi ki boner ou'n dir nou poudir zot annan

de fason *investigate* en? Enn en dimoun i raport avek zot or en group dimoun i raport avek zot.

Aprè zot annan osi en fason *investigate* kot zot, zot pran zot prop linisyativ zot *investigate* serten keksoz. E ou'n osi koz lo vizit bann prizon ki pou vini lannen prosen e vizit bann sant detansyon an relasyon ek prizon.

*Now* dir nou, eski sa *issue* pardon i enn ki petet zot krwar i lo zot radar, pou gete ki mannyer sa pouvwar ki Konstitisyon i donn Prezidan, ki mannyer sa pouvwar an relasyon avek drwa imen i ganny egzerse, pou sa bann dimoun ki ganny pardonnen. Me osi pou sa popilasyon ki pe aksepte sa bann dimoun ki ganny pardonnen ozordi. So eski i annan okenn keksoz ki zot pe al fer?

**MR DEPUTY SPEAKER**

Mersi Onorab.

**HON WALLACE COSGROW**

Zisteman lo ... e stratezi.  
Mersi bokou.

**MR DEPUTY SPEAKER**

Mersi. *One question* lo pardon dan Konstitisyon.

**CEO ELVIS JULIE**

Mersi Onorab pou sa kestyon.  
Annefe lannen pase 2022 nou

*legal team Seychelles Human Rights Commission*, ti *meet* avek *Pardons Committee*. E in, i ti *review the whole system* ki mannyer en dimoun i fer son pardon; ki mannyer sa i ganny *granted*. Bann *issues* ki ganny *arised*;- si sa dimoun i ganny en sans zwe en rol ladan - reponn serten kestyon. E ki mannyer sa desizyon in ganny pran.

E *the team* in fer rekomandasyon avek - in deza fini fer sa bann rekomandasyon avek *Pardons Committee*.

*So as far as* ki kantite zot pe *implement* li *based* lo nou *current* - nou *recommendation* mon pa dan en pozisyon la pou mwan kapab dir. Me selman nou'n fini konmans fer sa travay avek *Pardons Committee*. Mersi.

**MR DEPUTY SPEAKER**

Mersi. Onorab Woodcock.

**HON WAVEL WOODCOCK**

Mersi Mr Chair. Chairman Sesel nou'n *improve* nou *ranking* lo *Human Rights Index*, eski zot in deza ouswa zot in antreprann en *comparative analysis* anba bann diferan Gouvernman, pou etabli anba ki sistenm ki annan plis bann labi e en pti pe bann kalite labi ki nou annan?

E eski ozordi ler zot pe gete, eski i annan bann nouvo form labi ki pe manifeste dan nou pei, parey fer dimoun vin boufon, met mas zanimo, met lenz *teletubbies*, fer zot debout o bor lorloz kriy "Lorloz, Lorloz, Lorloz!"

Eski sa i pa en nouvo form labi dan nou pei, kot nou pe servi bann dimoun? Donn zot en boutey *Jameson*, donn zot drog, fer zot desann met sa ki kalite form labi ozordi ki pe manifeste dan nou pei Sesel? Mersi.

### **MR DEPUTY SPEAKER**

*Panel?*

### **CEO ELVIS JULIE**

Onorab mersi pou sa keston. Pou reponn ou direktman non, nou pa ankor fer en *comparison* pou war ant sistenm lepase ek ozordi *whether* - akoz sa i pa tro vreman dan nou manda. Me nou ava ekoute nou ava gete.

Akoz nou fransman laverite, ler - kan nou konmans en *investigation* ouswa kan nou konmans en travay ek en dimoun;- par egzanp si en dimoun i *walk in*, i vin kot nou *chief investigator* ki la Mr Cedras e i konmans *claim*.

E la nou, nou konmans gete, nou fer en *inquiry first*, pou war si sa i zistifye pou annan en *investigation*. E si i

annan *investigation* nou rod bann *rights* ki li i dir nou i santi in ganny abize par *whoever* e la nou pou apros.

Petet mon a demann Mr Cedras pou donn en pti *overview* lo ki mannyer nou fer sa.

### **MR DEPUTY SPEAKER**

Mr Cedras.

### **SENIOR INVESTIGATION OFFICER WINSLEY CEDRAS**

Bonn apre midi Mr Chair. Bonn apre midi tou Onorab. Letan nou ganny en konplenan oubyen bann konplenan vin kot nou, zot vin konman sa staz sa *inquiries*;- i vedir en bann konplent preliminar.

Kot nou pran zot *statement* e nou diriz zot dan nou ekout zot pasyanman avek bokou latansyon. Letan nou'n ekoute, apre nou diriz zot dan sa *mechanism* ki apropiye dapre zot konplent. Nou pran tou konplent ki vini nou pran akoz seksyon 14 *sub section 4 of Seychelles Human Right 7, 2018* i dir poudir nou annan sa pouvwar *Human Right Commission*, pou nou resevwar nenport ki konplent.

E seksyon 3 dan nou Lalwa osi, i dir ki Komisyon Drwa Imen i endepandan - i endepandan, i *neutral*. Nou resevwar nenport ki konplent e la nou diriz sa konplenan

dan sa *mechanism* apropiye kot i sipoze ale.

Par egzanp si i enn kot lapolis i vini nou diriz li kot Lapolis. Nenport ki si i konsern lasante tou sa ki vini. E la apre nou *follow-up* lo sa konplent pou nou gete si sa bann keksoz in ganny fer. E si sa konplenan i dir nou in fini ale kot sa, kot sa antite apropiye, i anmenn son bann papye nou anrezistre son *case*.

E *from then* nou *investigate*. Nou *investigate* nou, nou *take it to* anba keston 16 i permet nou pou *investigate*. E kot nou demann sa departman konsernen en larepons.

E seksyon 14 *sub section 6* dan nou Lalwa i dir poudir bann lenstitsyon bann departman, i oblize korpere avek *Seychelles Human Right Commission* pou donn bann larepons.

Alors nou ganny bann larepons e la nou, nou prepar rapor e rapor *investigation* i ganny, i ganny travay ansanm avek analis pou anvoy kot *Commission*. E se dan preliminar ki nou determinen ki bann *step* ki pou ganny fer, kote pou ale. Mersi.

#### **MR DEPUTY SPEAKER**

Mersi *panel*. Mon ava aprezan kriy Onorab Gill.

#### **HON CHURCHILL GILL**

Mersi Mr Chair. Mon annan zis en keston. Anba ou *current challenges*, ou'n mete ki ou ganny *full response* avek bann lenstitsyon Gouvernman ler ou'n ganny ou bann rapor.

Vi ki sa bann rapor i bann rapor ki apre zot in fer zot travay, zot in kapab tonm lo en konklizon baze lo sa *complain* ki zot in gannyen, ki arive ler sa bann lenstitsyon person pa *respond*. Ki arive?

Eski sa *case* sa dimoun ki'n anmenn devan e zot, zot in pran en *stand* lo la, se pou sa rezon ki zot in ekrir sa bann lenstitsyon e ki arive la? Si sa *case* i mor lanmenm? Mersi.

#### **MR DEPUTY SPEAKER**

Mersi Onorab. *Panel*?

#### **SENIOR INVESTIGATION OFFICER WINSLEY CEDRAS**

Mersi Onorab pou ou keston. Letan parey mon'n dir avan dan seksyon 14 e *sub section 6* i dir ki Komisyon i devret ganny korperasyon tou bann departman. Wi i annan bann departman - serten departman ki pa donn nou sa larepons ki nou pe rode.

E sa i kree serten *delay* dan bann rapor. E nou, nou bezwen *deal* avek bann piblik ki *call*, pou sey kalme zot e eksplik zot. Be i annan en –

Nou letan zot pa reponn nou kontinyen anvoy *email* kot

sa bann departman. Nou rode akoz. Menm si fodre al war zot CEOs, nou rode akoz.

E i annan sa *rule - tacit acceptance rule* sa i a kapab ganny aplike. Sa i tou depan lo Komisyon. Me selman nou lo nou kote nou kapab *proceed* avek nou rapor e anvoy kot *Commission*.

Nou annan nou *chair*, nou annan nou *CEO*, nou annan nou tou nou bann Sef ki asiz anler lo Komisyon, zot a fer desizyon lo *next step* lo sa bann sityasyon. Mersi.

**MR DEPUTY SPEAKER**

Mersi. Ou annan klarifikasyon?

**HON CHURCHILL GILL**

Mr Chair zisteman in rannman parsyelman larepons, me mon larepons in bouz kot ler ou'n anvoy kot ou *chairman* e zot pou pran desizyon. Ki bann kalite desizyon zot pran dan bann sityasyon parey?

Akoz la zot pa'n ganny *response* e ou, ou'n anvoy kot zot, so ki mannyer i fini sa? Mersi.

**MR DEPUTY SPEAKER**

Mersi. *Panel?*

**SENIOR INVESTIGATION OFFICER WINSLEY CEDRAS**

Mersi Onorab. Letan nou pa'n ganny larepons sa konplent -

dan mon ka par egzantp - mon fer mon bout mon ekrire mon rapor, mon met tou bann *facts*. Nou apel sa en, en *IAR* savedir *an Investigation Analysis Report*.

Kot sa *investigator* i fer son bout - i met tou bann *facts*. Apre nou annan nou *human rights analyst*, i analiz tou sa bann fe, i met tou sa bann seksyon, tou bann lot i *dissect* sa. Letan sa rapor in fini ganny fer, ki nou apel en '*IAR completed*', la prezan i anvoy kot *CEO*.

*CEO* prezan li ki raport ek Komisyon. Zot al diskite sa lo *Commission level* pou gete ki *next venue* ki pou arive avek sa.

**HON CHURCHILL GILL**

*(Off-Mic)*

**SENIOR INVESTIGATION OFFICER WINSLEY CEDRAS**

Eskiz mwan?

**MR DEPUTY SPEAKER**

I oule en legzanp.

**SENIOR INVESTIGATION OFFICER WINSLEY CEDRAS**

En legzanp. Par egzantp annou pran par egzantp dan bann ka lapolis par egzantp. I annan konplenan bokou ki vini lo kote Lapolis par egzantp, serten alegasyon kont lapolis.

Nou fer nou lanket, *enquiries*;- *enquiries* i vin lo

kote *statement* - anrezistre *statement*. Prezan la ler nou'n pran *statement* nou ekrir Lapolis in demann en repons e si lapolis pa reponn apre en serten kantite letan, nou *proceed* avek nou aryeraz. Nou met sa dan latansyon CEO.

E parey mon'n dir sa aryeraz i ganny konplete par nou analis. CEO li prezan i anmenn sa kot Komisyon e apre zot gete ki *next step* zot pou fer. Par egzanp i ava vin - i kapab arive kot sa i kapab -

Dapre nou Lalwa i annan *hearing*. I annan *hearing*, i annan *ADR*; - *ADR* i vedit *Alternative Dispute Resolution*. Kot i kapab kot bann *parties* - sa konplenan avek sa *respondent* i kapab zwenn e *Human Right Commission* i annan son dimoun ki ganny *nominate*.

I vin en konsilyater, medyater pou anmenn en serten lagreman ant sa de *parties*. Sa i apel en *ADR*. Me si i pa ariv dan *ADR* i kapab ariv kot en *hearing*, kot bann *parties* i ganny apele zot ganny eksplike devan *hearing panel* kot *Commission*. Mersi.

### **MR DEPUTY SPEAKER**

Mersi *panel*. Nou ava prezan.

### **CEO ELVIS JULIE**

Si mon kapab elabor en pti pe lo la an term bann aksyon ki kapab ganny pran anba Lalwa - la in koz lo sa de laspe *ADR* - (*Alternative Dispute Resolution*). Me *the last - the last resort at the end of the day* - akoz fodre fer konpran *Human Rights Commission* i osi en quasi *judiciary* - i annan *quasi judiciary power*.

*So the same power* parey en pe *TRNUC* i annan ozordi, i annan sa pouvwar. Me nou pa ancor *fully* anmenn dan nou enplimantasyon sa akoz an term resours. Me nou kapab fer en *public hearing*.

E *at the end of the day* si napa *reconciliation*, napa *agreement this goes to the Constitutional Court*. E la *the court can take a final decision to see whether sa right of individual was really violated or not*. E son desizyon pou li i vin final.

E dan nou bann rapor si ou'n remarke zanmen nou dir '*in human rights violation*'. Akoz i pa dan nou pozisyon pou nou dir. Nou toultan servi sa *word 'could be' or 'might be.'*

Akoz nou les sa laport *for the Constitution Court come to the day* si i ariv laba, to be able pou pran en desizyon final lo la - pou dir wi in annan. *Human Rights was right* ou swa non *Human Right Commission was wrong* pou krwar poudir ti annan sa.

**MR DEPUTY SPEAKER**

Mersi *panel*. Onorab  
Esparon?

**HON REGINA ESPARON**

Mersi Mr Chairman. Mr Chairman mon annan en sel kestasyon. Anba *major achievement* zot in reisi pou develop - "*develop a business contingency plan, to ensure that the Commission continues to attend its obligation and function and achieve its mandate.*" Mon kestasyon se ki kontrent ki lofis *Human Rights Commission* pe fer fas avek, ki anpes zot *deal* ek bann ka ki *stagnant* kot zot? I annan ki byen lontan ki konmansman depi 2018-2019, kot bann dimoun pe esper zot larepons pou zot kapab ganny en *closure* avek zot *case*, ki zot pe kontinyelman ale, vini. Ki bann kontrent ki zot pe fer fas avek? Mersi.

**MR DEPUTY SPEAKER**

Mersi Onorab. *Panel*.

**CEO ELVIS JULIE**

Mersi pou ou kestasyon Onorab. I annan i en *case-by-case situation*. I annan bann kontrent ki nou gannyen enn nou *major constraints* ki nou, nou kapab koz lo la i *staffing*, *ok*? *Ideally* letan nou, nou fer nou travay, pou nou kapab *fully implement* nou *mandate*

*to the fullest* - *minimum 30 people based* lo nou Lalwa.

Ozordi nou pe selman kapab travay ek 13 dimoun e avek bann difikilte ki an deor kontrol *obviously* nou pa'n kapab *recruit* ankor sa lannen.

E nou'n ganny dir nou pa pou kapab *recruit* ankor lannen prosenn. So sa osi i en kontrent. Me i pa *the only constraint* - i pa *the only excuse*.

En lot difikilte i sa ki Mr Cedras in mansyonnen, se ki bann *respondent* - bann dimoun ki nou pe *liaise* avek zot, zot - I annan dimoun, i annan bann dimoun ki bann *very High Office*. Ou anvoy zot trwa, kat *email*, *they don't even they don't reply you*. *They don't even talk to you - phone* - zot pa ni reponn ou *call*. E ou, ou bezwen en larepons pou ou donn sa dimoun. E ou pa gannyen sa larepons.

Nou annan bann ka la kot nou pe bezwen *organize* pou nou al *meet* sa *body* pou nou kapab ganny sa bann larepons. Nou annan konbyen 50 ekek *case from one organization* ki nou pa ankor ganny larepons e sa i kree en kontrent.

E kliyan vre zot demann kestasyon, zot rode, zot le konnen ki pe arive - zot fristre. E i annan en lenpresyon parfwa ki nou pe anvoy zot



demen tanto, kan non - nou, nou lanmen i anmare - akoz parey mon dir - sa abilite pou nou travay pou *smoothen the process*, i demann plis travay pou nou kapab travay ek bann lorganizasyon.

Akoz tou sa bann *cases* la i reste la letan nou pa ganny sa bann *feedback*. E parfwa zot sanz *personnel*, zot pa enform nou poudir zot in sanz *personnel*. Nou pe *liaise* ek en dimoun ki *no longer* pe desarz sa responsabilite *anymore* e sa osi i vin en kontrent Onorab.

### **MR DEPUTY SPEAKER**

Nou *ok*? Mersi. Nou ava kriy Onorab Vidot.

### **HON AUDREY VIDOT**

Mersi Mr Chair. Mon le dir avek *panel* mon konpran akoz zot Bidze i reste parey, akoz zot pa form par sanzman fer pli meyer ki Gouvernman in met la pou donn zot larzan. Zot pa form par sa transformasyon pou regard pou zot kapab servi sa, sa Bidze ki zot gannyen pou edik lamas popilasyon.

Prezan mon kestyon i pou vin, ki mannyer avan zot al kot bann Lotorite Gouvernman pou zot dir ki zot rol e ki pouwar zot annan pou reprezant lavwa pep Seselwa.

Eski zot Bidze i permet zot kapab osi konekte avek bann travayer Seselwa, ki lo

zil? Bokou fwa zot pe travay zot, zot pa ganny letan pou zot vini. Ler zot ganny sanz vin Mahe la i annan zot bann tranzaksyon personnel.

Petet ki mannyer zot pou konekte avek sa bann group travayer, pou zot konpran e edik zot ki zot rol e responsabilite, pou zot raporte. E ki zot, zot la, sa lenstitisyon ki la pou zot kapab protez zot, gid zot lo zot drwa. Pou zot pa ganny abize ki swa avek bann travayer etranze ki par lao zot, ki parfwa i mank sa respe zot drwa e zot responsabilite koman travayer. Eski ou Bidze i permet ou kapab konekte avek zot?

### **MR DEPUTY SPEAKER**

Mersi Onorab. *Panel*?

### **CEO ELVIS JULIE**

Mersi pou kestyon Onorab. Mon poudir ou si mon pou reponn ou en larepons wi ek non, larepons se non. I pa permet nou ariv dan tou nou bann diferan bout kot nou annan dan nou pei. Par egzanp bann zil elwanye. E nou'n gannyen enn de konplent en konplent de *from* en lotel e sa nou'n organize nou'n *handle* li ler nou'n ganny sa konplent.

Me pou nou kapab *reach out to them* nou resours i ase limite. E sa lannen ki nou'n

fer osi, nou'n fer en gran *step* nou'n *organize* bann *clinics* Praslin ek La Digue. Pou bann dimoun vini si zot le konpran en pe plis ki pou fer, si zot annan bann konplent, nou'n *lodge* bann *complaints*. I annan en lekip ki ti ale, me nou pa ankor *stretch out* pou bann lezot zil.

E mon krwar sa i en *very good suggestion* e ki mon krwar nou krwar nou devret *take it onboard provided* nou ganny en *the resource* ki nou bezwen, pou nou kapab *outreach* bann lezot dimoun dan lasosyete. *It's a very good suggestion.*

#### **MR DEPUTY SPEAKER**

Mersi. Onorab.

#### **HON AUDREY VIDOT**

Mersi pou pran sa rekomandasyon. Petet avan ler nou ale tanto, mon pou profite pou donn ou detrwa lotel, ki petet ou kapab konsidere pou annan en dyalog avek zot - bann travayer plito aköz Departman Lanplwa pa pe fer ase. Mersi.

#### **MR DEPUTY SPEAKER**

Nou ava kriy Onorab Labonte.

#### **HON ANDY LABONTE**

Mersi Mr Chair. Bonn apre midi Mr Julie avek *panel* zot zofisyè. Mr Julie ler mon'n ekout ou fer ou lentrodiksyon

apre bann larepons ki ou'n rann, mon vreman apresye avek serten.

Me selman parkont mon santi i annan serten mankman, aköz ler mon get ou manda prensipal, i dir direkteman pou promot e protez drwa tou imen, *right?* E ou annan en manda kekfwa mon pa konnen petet si ou pa pe ase egzers li.

Aküz ou annan manda pou *investigate* konplent fer medyasyon, konsiltasyon, negosye e fer rekomandasyon. E ou'n dir osi ki si larepons ki ou santi ou pa pe gannyen, ou kapab menm anmenn *case* Ankour.

Me ler mon get ou bann defi, ou bann defi prensipalman ou annan trwa defi. E enn pli gro problem ladan se '*setting up the Commission to fully achieve*' ou manda an zeneral. Savedir ou pa pe kapab *set* ou *Commission* pou *achieve* ou manda. So sa i enn mon pli gro problem premyerman.

Me parkont ler mon pe get ou bann priyorite stratezik, mon war poudir ou bann priyorite stratezik ou pe travay anver pou ou ariv kot ou misyon. Me ler mon get ankor enn fwa ou senkyenm i dir '*network with local and international organization which activates promote respect for human rights.*'

Ankor enn fwa i koz fortman lo *human rights*.

E dan ou lentrodiksyon ou'n osi dir poudir i annan 9 Trete ki Sesel in sinyen. E parkont i annan en lot ki sipoze pe vini tre byento devan Lasanble sa *Hate Crime Legislation*. Me ou Komisyon ou menm ou manda ki ou annan, ki zot pe mazin fer pou pa zis asize.

Me plito proaktiv, pou fer sir ki tou drwa imen *across the board either sexually*, travay dan nenport ki sirkonstans ki i pe ganny rekonnet? Mon kestyon i al dan sa laliny, mon krwar ou konpran mwan. Mersi.

### **MR DEPUTY SPEAKER**

Mersi Onorab. *Panel?*

### **CEO ELVIS JULIE**

Mersi pou kestyon Onorab. Mon ava esey reponn ou kestyon. Kot i konsern sa bann *Treaties* ki mon'n mansyonnen *ok* - sa bann *Treaties* i anba *ownership the Department of Foreign Affairs*, premyerman. Se zot bann *custodian*. E nou, nou annan en *working Committee*. E dan sa bann *Treaties* la, i annan diferan Minister ki annan *ownership*.

I annan serten Minister ki'n pran en *treaty* i annan ki pa ankor ganny *assign* i annan ki eksetera. E nou, nou, nou

partisip fortman lo *shadow UPR*. Letan nou ti annan *the last UPR*, nou ti donn nou lopinyon lo tou sa bann *Treaties* an term ki mannyer i pe ale.

Nou ti menm dekouver ki i annan serten *Treaties* ki 20an pa ankor sorti en rapor ki nou pe travay avek *Foreign Affairs* nou pe *alert* li. Nou, nou annan zis en serten *monitoring role* la. *Implementation role* i *Government the Ministry of Foreign Affairs*. Nou, nou rol se *ensure* ki sa bann *Treaties* pe ganny *respected by the State*.

E in annan en *working Committee* form parti. I annan nou *senior monitoring officer* ki asiz lo sa *Committee* ansanm avek *Foreign Affairs Department*. E osi mon kapab dir nou annan *very good working relationship* avek *Foreign Affairs Department*.

Dan tou *political dialogue* ki'n ganny fer pandan sa dernyen 2an, *Human Rights* i ganny envite pou prezante lo *UN Political Dialogue* i fer dezyenm ki nou'n prezante. E osi lo *European Political Dialogue* ki ti pran plas sa lannen, nou toultan ganny en plas lo latap par Gouvernman.

E sa i en lendikasyon ki Gouvernman i *value* ki nou annan en *Human Rights Commission* e ki nou partisipe

tou le *UPR report as well*. Nou fer sir ki nou *shadow* li nou donn nou lopinyon. E i annan - ler mon'n dir taler ki mon pa poudir ki tou departman Gouvernman pa pe korpore avek *Seychelles Human Rights Commission*. I pa korek.

Nou annan serten departman, serten Minister ki nou annan *very good* lantant. Mon'n donn ou en legzanp par egzanp *Foreign Affairs*. Kot nou pe travay lo sa bann *Treaties*. Mon kapab mansyonn ou osi Departman Lanplwa. Nou annan bon relasyon. Zot *responsive* letan nou travay avek zot. *Ministry of Environment* osi i *one of the organization* e nou *quite happy with the relation* ki nou konmans *build* avek zot.

Me par kont i annan serten ki nou ava anvi war en pe plis. Me selman *rest assured* ki nou *constantly* - e ler nou fer bann vizit prizon, kaso nou osi get lenplimantasyon sa bann *Treaties*.

I annan ki *very much link to that* e nou pe *look forward to the new one* ki pe vini parey ou dir nou. Akoz nou ti pe travay avek sa dimoun ki ti la avan la, dan sa lofis ki ou'n mansyonnen la Onorab la, pou sa dernyen, dernyen *rights* la.

### **MR DEPUTY SPEAKER**

Ki? I annan en keksoz ki in dir ou pa konpran?

### **HON ANDY LABONTE**

Mr Julie zis en pti leklersisman, i vedir ki lo kote lenplimantasyon, eski ou dorman oubyen ou la pou pouse ki i annan lenplimantasyon sa bann tel keksoz parey?

### **CEO ELVIS JULIE**

Nou la parey mon dir ou nou rol i en *monitoring role*. Lenplimantasyon se Gouvernman - *onus* responsabilite pou enplimant pou onor sa bann *Treaties it lies on the onus of Government*.

*Human Rights Commission* i la konman sa *body* ki pe *monitor*, si Gouvernman vreman pe enplimant sa bann *Treaties* - sa bann *Convention* parey konman i sipoze e nou war i annan serten defayans dan serten pe al byen dan serten pe al mal.

E se la kot nou *provide advice* dan serten ki rapor pa'n sorti parey mon'n dir pou en bon - nou pe koz Gouvernman an zeneral;- nou pa pe koz spesifikman *to* en serten Gouvernman la - ki *over the years* pa'n sorti. So i nou kontinyen fer sa.

Me *again* nou annan zis en *monitoring officer* e sa i en problem pou nou, akoz nou

annan en sel dimoun ki pou fer tousala li menm.

**MR DEPUTY SPEAKER**

Nou pe donn lo sa pwen ki ou'n demande ki ...

**HON ANDY LABONTE**

Vi ki in koz lo *report* eski i annan dan okenn lenstans kot ou'n kapab ekrir en *report* pou anmenn devan, akoz ou'n santi poudir Gouvernman i pa'n enplimant serten keksoz ki ti devret ganny enplimante? E eski sa Bidze i sifizan pou kapab desarz ou responsabilite? Mersi.

**MR DEPUTY SPEAKER**

Wi zot fer *report*. Anfet mon pe get zot rapor 2020 ki'n fek sorti. Selman *panel* reponn. Wi, i le konnen si ou annan resours finansyel pou fer ou bann rapor?

**CEO ELVIS JULIE**

Non resours finansyel i - Pou nou fer nou bann rapor i pa kout nou en kantite larzan. Me pou nou annan dimoun lo teren pou kolekte lenformasyon, sa i *where* nou *challenge* i ete. Rapor nou kapab *combine*. Nou annan *the expertise*. Me selman petet i mank - mank en pe latet - ou konnen? Nou pe kouver popilasyon *over 90,000 people* e nou annan zis 12 dimoun. *Can you imagine?*

I pa toultan fasil. E nou bann *staff* i bezwen *multitask la*. Sak fwa nou pou al nouvo travay nou bezwen pran dimoun isi, pran dimoun isi, form en tim, al laba. Konpran? I pa tro fasil me selman nou, nou krwar sa travay i enportan e nou pou kontinyen met nou azanda devan avek Gouvernman pou zot kapab soutenir nou.

E donn nou sa lankourazman pou nou kontinyen kouver espesyalman bann bout nou manda, kot nou santi i ankor annan en pe febles.

**MR DEPUTY SPEAKER**

Mersi *panel*. Prosen entervenans Onorab Pillay.

**HON SEBASTIEN PILLAY**

Mersi Mr Chairman. Mersi pou donn mon laparol pou demann en kestyon lo *human rights*. Zis an pasan atraver ou mon annan en pti mesaz pou Onorab Larue; ou koz lo Mr Hoareau, me selman akoz ou pa ti *attend* son lanmes ki ti fer sa wikenn a son loner? Ti ava bon ou *attend* son lanmes! Mersi Mr Chairman.

Prezan mon kestyon pou, mon kestyon pou *Human Rights Commission*; - enn bann konponan zot travay prezan se *proceed from* bann konplent e zot menm zot anmenn bann

*course of action* devan Lakour Konstitisyonnèl.

Ler mon pe get zot Bidze, apard ki R3.8milyon ki al anba zot *wages and salaries*, anba zot *other uses of goods and services* mon war *main* konponan se zot *Board allowance* e *office building rent*.

Mon pa war nanryen ki al ver *legal consultancy fees*, ki al ver bann *legal fees*. E *currently* zot annan en *case* devan Lakour, ki zot pe antreprann. So petet si pa ou ki kapab reponn sa kestyon, petet eski Minister Finans i kapab reponn?

Prenan kont ki bann antite parey *Human Rights Commission*, *Ombudsman* menm *TRNUC* ek bann lezot, zot pou annan bann konponan legal dan zot bann dan zot travay. Kote ki zot alors zot kapab ganny larzan, si zot annan en aksyon ki zot le anmennen, lo en *case* partikilye an relasyon avek en serten *area* ki zot le *challenge* anba Konstitisyon? Mersi Mr Chairman.

#### **MR DEPUTY SPEAKER**

Mersi pou ou kestyon. *Panel?*

#### **CEO ELVIS JULIE**

Pou reponn ou kestyon wi mon krwar ki ou'n dir i korek. Nou pa zanmen konnen konbyen *case* ki nou pou anmenn. E

*believe me* anmenn en *case* devan *Constitutional Court* is *the last resort* - apre ki ou'n sey tou bann lezot mwayen ou'n war poudir be ou'n *hit rock bottom* *this is the only path you can take*.

Otan ki nou kapab donn lopinyon, nou kapab fer *proposal*, nou kapab *consult*, *that's the best way forward*. *Given* ki nou annan en pti pei, i annan en pti popilasyon. *So that would be the best way forward*. *Be unfortunately it's not the case and when it comes to legal fee and all, but zis bann payment, bann levies, ki ou bezwen peye Ankour i ase. Pou bann ki lawyer is i konnen i en pe substantial*.

E mon pa krwar nou pou kapab fer *much* vreman avek sa ki nou pe gannyen, *to be honest with you*.

#### **MR DEPUTY SPEAKER**

Ou annan klarifikasyon lo la?

#### **HON SEBASTIEN PILLAY**

Mersi Mr Chairman. Mr Chairman mon ti a kontan demann klarifikasyon avek Minister Finans. Mon'n tann Onorab Cosgrow in *raise* sa size par egzantp *pardons*.

*Let's say* par egzantp mwan, mon en endividi ki mon manm fanmir i osi in pas devan *Pardons Board - Parole Board* e i pa'n ganny akseptè.

E ou, ou'n annan bann rekomandasyon ki ou'n fer e mon oule anmenn en genn *clause* anba Konstitisyon, ki drwa sa dimoun pa'n ganny respekste. Akoz ki mannyer ou decide pou pardonn en dimoun ki'n fer en *case* koripsyon;- ki mannyer ou decide pardonn en dimoun ki'n fer en *case murder*;- ki mannyer ou decide pou pardonn en dimoun ki'n fer en *case* drog, *whatever*. Ok? I annan sa laspe.

Ouswa en lot laspe, drwa laliberte mouvman - en dimoun ki santi son *right of movement* in ganny afekte e i annan en provizyon legal ki pe vini ki afekte sa, *ok?*

*Now Human Rights Commission* i bezwen anmenn en *case*, apre ki son investigater in fer son sa. So eski Minister Finans i kapab dir nou atraver ou Mr Chairman - akoz rezon ki mon pe demann sa kestyon atraver ou Mr Chairman - se akoz ou menm ou konman *Chair Lasanble*, *whether* ou konman Deputy Speaker ki pe *chair Lasanble* oubyen Speaker ki *chair Lasanble*, anba seksyon 5 Lalwa *Human Rights Commission* se zot de an konsiltasyon ki apwent *Chairperson*, *Deputy Chairperson* e *Commissioners*.

Alor zot annan *buy in* enportan pou fer marse sa

Komisyon. So eski Minister Finans i kapab dir nou, kote *Human Rights Commission* alors pou ganny sa finans pou li kapab fer sa travay?

Par egzanp sa ki Onorab Labonte pa ti kapab demande an se ki konsern *LGBTQI*. Sa group dimoun ki pe rod zot drwa anba Konstitisyon. So eski i annan larzan Minister Finans? Mersi Mr Chairman.

### **MR DEPUTY SPEAKER**

Mon krwar son kestyon i spesifik pou zofisyte Minister Finans. Ms Tamatave?

### **COMPTROLLER GENERAL ASTRIDE TAMATAVE**

Mersi Mr Chair. Mr Chair si pandan lannen *Human Rights Commission* i annan en depans ki i pa'n prevwar, par egzanp pou li pey bann *legal cost* sa nou kapab *cater* li anba *Contingency* si i soumet son soumisyon.

E i depan letan ki i soumet li si i pou konplete dan en lannen, nou pou kapab *take* li *as part of* nou *Mid-year Review* osi. Kot nou kapab *issue additional funds* si i neserer.

Me petet pou lenformasyon Lasanble, an 2023 letan bann Minister i soumet zot Bidze pou konsiderasyon kot Minister Finans, *Human Rights Commission* ti soumet selman

en pos an plis. So ki pa'n vremen ganny konsidere. So, ti napa vremen *request* pou resours adisyonnèl sitan ki Minister Finans pa'n konsidere. Mersi Mr Chair.

**MR DEPUTY SPEAKER**

Mersi Ms Tamatave. Onorab Ernesta?

**HON PAUL ERNESTA**

Mersi Mr Chair. Mr Chair, CEO, bann delegasyon a lekout, koleg Onorab bonn apre midi. Mr Chair *LOTO* pli boner in dir Onorab Larue pa'n asiste lanmes pou Mr Hoareau.

Me annefe *LDS* antye depi son Minis antye pa ti ale, menm lezot koleg.

*(Interruption)*

**HON PAUL ERNESTA**

Sa i enportan note. Mon kestyon – mon kestyon ki mon pou demande si i annan provizyon *CEO*, si i annan provizyon kote finansman, pou kapab fer plis *investigation*? E si napa ki manner ou pe mazin pou fer sa?

E an menm tan an prenan kont ki la nou pe war i annan bokou konsern ki bann dimoun pe ganny pouse dan landrwa travay san okenn rezon, ki manner zot, zot antre ladan pou, pou donn

sipor sa bann dimoun neser? Mersi.

**MR DEPUTY SPEAKER**

Mersi. Pou benefis piblik ki pe ekoute Lasanble dimoun ki ganny pouse dan travay, i annan *PSAB*;- i annan Minister Lanplwa. Konman Manm Lasanble nou bezwen donn sa bann lenformasyon ki korek.

Pou diriz nou bann *constituent* kot zot pou ale, me osi pou zot al kot *Human Rights* mon pe get zot bann rapor. *Panel*?

**HON PAUL ERNESTA**

Mr Chair mon kestyon i pa ti pou ou li, i ti pou *CEO* pou li eksplike ki manner zot, zot antre ladan. ... nou konnen i annan tou sa bann konsern.

**MR DEPUTY SPEAKER**

Wi kestyon pa ti pou mwan ...

**HON PAUL ERNESTA**

So ki manner pou *deal* avek? Mersi.

**MR DEPUTY SPEAKER**

... me selman nou bezwen Onorab tan ki mon Chair ler en Manm Lasanble i donn en lenformasyon delibere pou *mislead* piblik, mon santi i mon responsabilite dan sa Sez, pou nou pa *tarnish* zimaz Lasanble par nou pa konnen ki nou pe koz lo la.



*Panel* zot ava reponn sa kestyon silvouple. Mersi.

*(Interruption)*

**MR DEPUTY SPEAKER**

Zot ava permet, zot ava permet *panel* pou reponn sa kestyon silvouple. Mersi.

**SENIOR INVESTIGATION OFFICER WINSLEY CEDRAS**

Ok. Onorab si mon kapab reponn sa kestyon Mr Chair. Onorab mon kapab reponn sa kestyon lo *behalf panel* nenport ki konplenan i vini – si i dan bann domenn koumsa osi zot vini, nou resevwar zot. Parey mon'n dir ranpli zot form - ranpli sa *enquiry form* e nou annan nou prosedir konplent ki Komisyon in fini met an figer.

E nou pou *advice* sa konplenan oubyen bann konplenan, pou al kot sa bann *mechanism* apropiye;- vedir si par egzanp i konsern *PSAB* i pou al kot *PSAB* si i pa ankor ale. E i pou donn nou en *feedback* ki'n pase kot *PSAB* e nou osi nou pou fer *follow-up* kot *PSAB* pou nou ganny en, pou nou kapab fer sir ki nou konplenan i *happy ok?* Sa dan staz *enquiry*.

E si apre en serten letan nou war poudir - si *PSAB* - en legzanp mon pe donner i annan plizyer *mechanism* - si i pa pe reponn nou kapab ekrir

en let osi *find out* ki pe arive avek sa konplent, *ok?*

Konmsi nou resevwar tou nou menm par menm si fodre nou ranpli form *legal aid*, pou nou konplenan nou fer sa pou zot osi. Nou ekrir let nou fer tou.

Akoz dan staz *enquiry* nenport ki konplenan ki vini nou resevwar zot e nou donn zot sa lasistans ki mannyer nou kapab *ok*, avek resours ki nou annan. Mersi.

**MR DEPUTY SPEAKER**

Dernyen entervenans ki nou annan lo sa *heading* Onorab William.

**HON WAVEN WILLIAM**

Mersi Mr Chairman. Mr Chairman mon anvi demann *panel* par lefe ki abilite en endividi pou rezwir drwa imen i depan lo lezot pou respekte sa bann drwa.

Savedir drwa imen i vin ek responsabilite e devwar anver lezot e kominote. Letan mon'n dir sa mon anvi demann avek *panel*, eski dan aplikasyon zot manda anver *nation building the rule of law* avek demokrasi, eski zot santi poudir zot pe met lanfaz osi lo responsabilite, me pa zis lo drwa dan zot laplikasyon zot manda? Mersi.

**MR DEPUTY SPEAKER**

Mersi. *Panel?*

**CEO ELVIS JULIE**

Mersi pou kestyon Onorab. Mon kapab dir wi nou'n konmans en bonpe travay e nou pli gran *target group* ozordi se bann zanfan. Nou krwar si i annan en pli gran landrwa pou konmanse se nou bann zanfan.

E mon nou *last event* ki nou'n fer se nou'n prepar menm *event posters* lo *human rights specific to the children*. E ladan nou eksplik zot nou bann drwa, me osi nou souliny zot responsabilite anver sa bann drwa e anver sa bann *right holders*, ki egziste otour zot. Savedir zot *teachers*, zot paran, zot kominote zot bann zanmi, zot bann koleg. So nou pe fer sa.

E osi nou pe fer li avek en group dimoun ki *diverse lately*;- ladan ti annan *disabled*, ti annan bann dimoun avek bann *different* - nou apel sa bann *sorry to use the word, but this is the word we've been using 'vulnerable groups'* kot nou santi poudir parfwa zot krwar i normal pou serten keksoz pe arive ek zot. E nou'n pran - nou'n fer sesyon en zournen - de zournen avek zot.

E sa travay i pa fini la li. Nou annan en program *very heavy* 2023, kot nou pe al *reach out* e nou oule osi antre dan kominote, dan bann

distrik, dan bann *PTA*. Ki i en *area* ki nou pa ankor *targeted*. Nou'n koz lo zanfan, nou pa ankor koz lo bann *leadership group*, kot i konsern zanfan;- par egzanp kot *PTAs*. Sa i enn nou bann plan pou lannen prosenn.

Wi e mon dakor ek ou, ou pa kapab koz lo drwa si ou pa koz lo ou responsabilite anver sa drwa.

**MR DEPUTY SPEAKER**

Mersi *panel*. Mon krwar nou'n koz ase Onorab, Onorab Georges mon war ou lanmen anler.

**HON BERNARD GEORGES**

Wi Mr Chair mersi bokou. Pa ti mon lentansyon koze. Mon pa pou - (*seriously* bann *Leaders* dan Lasanble ki apel lezot ensinifyan)?

Mr Speaker kekfwa *Leader* Lopoziyon i ava aprann en keksoz si i asize i ekout mon silvouple. Mon pran laparol apre midi akoz avek ou permisyon Mr Chair.

Akoz mon krwar i apropiye ozordi ki *Human Rights Commission* i la, pou mon rebran enpe parol Onorab Flory Larue. Ou war Mr Chair Mr Gerard Hoareau i pa *belong to* nou li.

I en Seselwa e i *belong to* nou tou isi. Ler sa msye ti pe fer politik, napa enn nou ki ti dan politik sa pei. Nou ti

ankor pli zenn. Me mon krwar sa ki nou devret fer e pou nou kapab bouz devan, ozordi ki nou annan *Human Rights Commission* isi, se aksepte ki en zanfan Sesel ki ti pe travay pou en meyer Sesel pou anmenn drwa imen pou nou pei e ki'n mor dan en fason i pa ti'n devret ganny touye, laba Langleter, dan en pei lwen avek son pei.

Alor Mr Speaker annou zis akey en dimoun ki'n travay pou nou, ki'n permet ozordi nou annan drwa imen, nou annan en Lasanble Nasyonal e nou kapab konman frer ek ser dan sa Lasanble, travay pou byennet nou pei. Mersi Mr Speaker.

**(APPLAUSE)**

### **MR DEPUTY SPEAKER**

Mersi. In ler pou nou aprezan pas lo vot. Mon pa konnen ki sa *heading* in fer ek Lasanble Nasyonal ozordi apre midi, me selman *Order 58 behavior of Members in the Assembly* mon tann serten parol lesanz *across the floor*.

Menm si i *off the mic* selman i pa byen devan *guest* ki nou pe koz ek kanmarad koumsa. Alor mon zis port a zot latansyon sa bann keksoz silvouple. Mersi. Nou ava pran vot aprezan lo alokasyon pou *Human Rights Commission*.

*Seychelles Human Rights Commission* son Bidze i lo paz 131 a 134 pou en sonm R8milyon 560mil. Tou bann Manm ki an faver silvouple endike? Mersi bokou. Okenn Manm ki kont? Mersi.

Vot pou *Seychelles Human Rights Commission* pou en sonm R8milyon 560mil, 31 Manm in vot an faver, okenn Manm pa'n vot kont e okenn Manm pa'n *abstain*. Donk vot i pase par linanimilite.

Avan ki nou *adjourn* nou ava dir nou bann *guest* donn nou de segonn konmsi nou tou nou ava al ansanm. Nou a permet Madanm Clerk aprezan pou nou pran - Wi nou bezwen sorti dan Staz Komite. *Sergeant?*

Mersi non atann mon nou ava nou tou al ansanm apre. So nou ava fer *First Reading* i bann *Public Bills* ki apartir Lendi prosen. Madanm Clerk.

### **MADAM CLERK**

Mersi Mr Speaker. Bann *Bills* ki pe ganny prezante;

*The Fair Trading (Amendment) Bill, 2022. This Act may be cited as a Fair Trading (Amendment) Act, 2022.*

*Proceeds of Crime, Civil Confiscation (Amendment) Bill, 2022. This Act may be cited as a Proceeds of Crime, Civil*

*Confiscation (Amendment) Act, 2022.*

*Seychelles Pension Fund (Amendment) Bill, 2022. This Act may be cited as the Seychelles Pension Fund (Amendment) Act, 2022.*

*Public Procurement (Amendment) Bill, 2022. This Act may be cited as the Public Procurement (Amendment) Act, 2022.*

*The Excise Tax Act, 2022. This Act may be cited as the Excise Tax Act, 2022.*

*Elections (Amendment) Bill, 2022. This Act may be cited as the Elections (Amendment) Act, 2022.* Mersi Mr Speaker.

### **MR DEPUTY SPEAKER**

Mersi Madanm Clerk. Donk sa i anmenn nou a lafen nou travay pou ozordi. Mersi tou bann antite ki'n vini, bann zofisye, tou travayer Lasanble, bann Manm pou zot kouraz ozordi.

Nou ava *adjourn* e nou ava rezwenn demen bomaten 9er.

**(ADJOURNMENT)**